

TAGDUDA TAZZAYRIT TAMAGDAYT TAĠERFANT
ASQAMU UNNIG N TIMMUZĠA

TIMMUZĠA

+ΣC:✕4.

TASFUNT N USQAMU UNNIG N TIMMUZĠA

ISSN 1112 6086 - TIMMUZĠA Uⁿ 19 - Ġuġ 2008

TIMMUZTA

Revue éditée par
La Direction de la Communication
du Haut Commissariat à l'Amazighité

Fondateur

Ait Amrane Mohand Ouidir

Responsable de la publication et Coordinateur Général

Youcef Merahi, Secrétaire Général

Directeur de la rédaction

Djaffar Ouchellouche

Comité de rédaction

Youcef Merahi

Ali Mokrani

Mohand Oulhadj Laced

Si Hachemi Assad

Djaffar Ouchellouche

Cherifa Bilek

Abdenour Hadj-Said

Hamid Bilek

Boudjema Aziri

Hacène Belhired

Ramdane Abdenbi



19 avenue Mustapha El Ouali
(ex Debussy) Alger

Tél : 021-64-29-10/11 - Fax : 021-63-59-16

B.P. 400, 16070, El Mouradia - Alger

TAGDUDA TAZZAYRIT TAMAGDAYT TAIFERFANT
ASQAMU UNNIG N TIMMUZTA

TIMMUZTA

ተደረጋጅጋል



Tasyunt n Usqamu Unnig n Timmuzya
Timmuzya Uⁿ 19 / Iuct 2008

AGBUR

TAJMILT

- ~ *Azedgan*
Malek HOUD 11
- ~ *Tamaziyt d tugdut d abrid n Lwennas bu tissas*
Hamid BILEK 17
- ~ *Tazuri, d lyella n wallay*
Said ZANOUN 23

TAMEDYAZT

- ~ *Anda tellam*
Hadjira OUBACHIR 29
- ~ *Tagujilt*
Said ABDELLI 32
- ~ *Tarewla*
Djaffar MESSAOUDI 36
- ~ *Axaluç*
Mohamed MEDJDOUB 38
- ~ *Ahiha, izli ney tamedyazt n tayri ?*
M'hammed DJELLAoui 41

TASUQELT

- ~ *Arkawal*
Abdenour HADJ-SAID 55
- ~ *Taqezzumt*
Ferhat TANSAWT 58

TAZURI

- ~ *Talalit d gemmu n tbunsayt*
Smail ABDENBI 63

TULLIST

- ~ *Seg usigna yer tillas*
Nacera KEDDACHE 73

~ <i>Akken texdem teħsel</i>	
Nora MAHI	81
~ <i>A Fa...</i>	
Rabha AISSOU	85
~ <i>Tacmat</i>	
Said CHEMAKH	91
~ <i>Aseklu n temzi</i>	
Mourad ZIMU	101
~ <i>Tegzem-as amrar d sser</i>	
Ramdane LASHEB	104
~ <i>Afđam</i>	
Salah SAIDI	108

IDRISEN

~ <i>Si Muħend iferrun timsal</i>	
Boudjema AZIRI	111
~ <i>Ameɛɛɛn</i>	
Ahmed HAMOUM	114
~ <i>Nna HgiLa</i>	
Hacène HALOUANE	116
~ <i>Tala ihulfan</i>	
Youcef MERAHI	120

TUTLAYT

~ <i>Tihawt tazayzant n Tmaziyt</i>	
Zahir MEKSEM	125
~ <i>Ahilen d yidlisen iyurbizen</i>	
Sadeq BENDALI	132
~ <i>Tasekla tagraylant</i>	
Djamel HAMRI	139
~ <i>Akkin i tefyirt ney Tajerrumt n uđris</i>	
<i>Ilugan n uzeřfa n uđris</i>	
Yahia BELLIL	143
~ <i>Tira di tmedyazt</i>	
Ramdane ABDENBI	155

TIGEDIT

Imira tella tjerrumt, tella tseftit, tafyirt tfeşşel d ameggay, amyang d usemmad. Ilugan n tjerrumt rrsen. S waya, iban yisem seg umyang, tban tenzeyt si tzelya, iban umernu seg umqim, iban ilelli seg umaruz akken iban wusrid seg warusrid. MACA, amek ara naru aggur aneggaru n useggas : buğember, dujember, duğember ney dujenbir ? Amek ara naru cwiṭ i d-nekkes seg waṭas : tikkist ney tukkist ? Amek ara naru ayen yedran : inedrayen ney inedruyen ? Amek ara naru taqsiṭ wezzilen : tullizt ney tulist ? Amḍal ney amaḍal ?... Yal imeyri yezmer ad yefren yiwen seg-sen imi imeslayen-agi şehḥan yakk, llan dayen ddeqs n wiyaḍ yettwarun s snat ney ugar tyura nettaf-iten deg udlis, di tesyent d uymis. Imeslayen ggten, tayara n tira mačči yiwet. Imeslayen la d-ttnulfun, tayara n tira temgarad, anamek dayen. Ansi i d-yekka waya ? Acuyer yella waya ? Amek armi ulac ayen ara iqetṭben leqdic-agi, ladiya ayen iyef yemlal rray ?!

Talugent n tira n wawalen ney ayen umi qqaren s tefransist *l'orthographe*, teggra-d d ugur imi tettemgarad tira n yimeslayen seg «waggay» yer wayeḍ, seg umdan yer wayeḍ, tikwal si temnaḍt yer tayeḍ... Ula deg yiwen usefru ney deg yiwen uḍris,

amedyaz ney ameskar ad yesseqdec yiwen wawal ara yaru s snat tyura yemgaraden war ma yerra lwelha-s s ayagi. Nezmer ad d-nini yal wa yettaru akken i s-yehwa ney ahat akken yessen, war lsas ula deg wayen ara yaru i yiman-is. Maca, ur ilaq ara ad nettu belli ulac idlisen iwulmen, ulac leqdic lqayen, «ahat» ula d anadi deg wehric-agi n tutlayt ulac-it, cwiṭ yellan, mačči yakk widen yettarun i t-yezran, yeffer, yehrez-it bab-is i yiman-is. Ula d ayen nettaf deg yimawalen ur yetteawan ara widen yettarun. Llan imeskaren yettafen iman-nsen gar *tefɛdist d zzebra* : akken uran ad yili win ara sen-d-yinin : *dagi teccdem*.

Ihi deg uṭṭun-agi, deg widen iɛddan ney deg wid i d-iteddun, tzemrem ad tafem kra n umgarad gar yidrisen n yimeskaren yuran di tesyunt-agi. Nebya ad d-nini belli amgarad-agi yezmer ad yettwakkes ma nura idrisen s yiwet tyara. Maca nebya ad yettwakkes umgarad-agi si tama n yimeskaren s timmad-nsen. Ahat ayagi yezmer ad yili ma msefhamen yef yilugan n tira i ten-yeccerken. Akken yenna Sliman Σazem di yiwet si tezlatin-is :

*(...)Mkul yiwen deg-sen
la d-yettgalla deg-i
la d-yeqqar ma tḥessed i wayeɛd
nekk yid-k dayen (...)*

Timmuzya

TAJMILT



Azedgan(Ṭṭaher)

Malek HOUD

Dazedgan wul-is, d tazedgant tmussni-s, d azedgan s timmad-is, tṭbut d isem-is : Ṭṭaher. Anamek n wawal-a s tutlayt-nney d : azedgan, wanag awal "Ṭṭaher" yekka-d seg tutlayt taṣrabt.

Tiktiwin yeṭṭuren aqerruy n uzedgan yur-sent sser d wazal meqqren, fkant leqder i wid yefkan leqder d tixxutert i tmussni, i tlelli, i uḥezzeb ; i usuref, i wawal aẓidan, i tikci n ufus n tallalt : d tagelma n twacult iteddun yer sdat.

Atan ṣeddan azal n mraw d semmus (15) n yiseggasen seg wasmi i iyab yef wallen urgaz yessagren tissas d turrugza, argaz yennan deg wawal ur nettmettat :

*Ad temmeslyeḍ ad temmteḍ,
Ad tessusmeḍ ad temmteḍ,
Mmeslay, temmteḍ.*

Yemmut d argaz. Amedyaz i t-yessnen yehzen nezzeh, fell-as yura kra n yifyar-a :

*... Taḍsa-s bḥal tin n lṭufan
Ur yessi lmaḍerra
Ul-is d amelsi d azedgan
Tudert-is d isefra
Aqerruy yeṭṭur d tikiwin
Yessaram irennu
Tiyita tres yef yixef*

*Tađunt n tmussni
Tala n yisefra
Amdun zeddigen n tsekla
Annar n tmucuha
Ahriq n tira
Yessan d ijeğğigen
Ifertetfa mellulen
Ttaffgen deg yal tama...
Yeyli-d usemmiđ
S tmara i d-yusa
Yesbugla allay yeftin
Yebra i rruḥ iruḥ...*

"Aberkan n uqerruy", ilem yezdey aqerruy-is, wellhen-
t wid yeččuren d leyder d tismin, anda ara yewwet "Azedgan":
yer uqerruy...

Tef waya :

Tareşşast teččur d tismin
Tekkat amdan yer wallay

Acku :

Teena-t anda yettxemmim
Tugi, tikti-s ad d-teffey.

Iɛdawen n Rebbi sgujlen merra wid iḥemmlen tezdeg deg tal
tayult n tudert, maca wid yeččan tiyita akken i iwata d arraw
n umaru. Nabila tagujilt tamecṭuḥt d talemsit am lmalayek
tezzem baba-s yer laxart, tenna gar snat nnhati :

*A baba acimi i teyriđ ?
Isem-ik mussnaw deg ddunit
D tidet wi ur neyri yettyiđ
Yelha ney diri-t yeddem-it
Maca, nekk byiy ad tiliđ
Byiy ad k-id- taf tmeddit
Ḥsiy d tidet i tettnadiđ
Ad d-tifrir dima am zzit
Tamussni-k d taɛdawt-inu
Tegujel-iyi mezziyey
Yefka-ak Rebbi aqerruy*

*Gezmen-t yimcumen, yurren-ay
Taruzi wala kennu
D awal n yimezwura-nney
S tyennant nugi ad s-nebru
Ias d agessar i d ayla-nney*

Tayemmat n tgujilin tegzem tasa-s yettqudduren,
yewwa uffad-is, yurren-tt seg win i tt-ittwanasen, win i s-d-
ittmalen lbaɗnat-is n lferḥ ney n lqerḥ, win yid-s tezdi tudert-
is ačḥal d aseggas, win yellan d baba i yessi-s. Tura, amzun
tedda yid-s... yer wanda ara naweɗ. Amedyaz akka i tt-
ittwali :

*Tasa n tyemmat teḥdaqquer
Yekfa yimeṭti deg tfekka-s
Ḥemmlen yisaffen d yiyeḥran
Arraw-is d igujilen
Nettat tlatin ur ten-teqfil
Sser n ṣṣifa-s yemsa
Am tafat n win i themmel
Afus-is yettef ayesmar
Allen ldint ur zerrent
Lqut d arzagan deg yimi
Kra yekka wass deg yiwen umɗiq
Amzun dinna i d-tlul
Laεqel yennejla
Yeggra-d uzeqqur
Deg-s tezzuyur...*

Tezmer ad tsebber ul-is acku mačči ala nettat kan i
yeḡḡlen s ufus ayeddar, llant d igiman... Leḥzen yettcali...

*...Am nettat aḥas i yellan
Iyurr-itent zzman
Temzi, wujhen-d yur-s
Zzhu, ala ayen iɛeddaan
Ad ḥeznen wussan
Ad d-teqwu terzeg d temses*

*Asirem, rekden-t yilfan
Rran-t d alebqan
Yeqqur i yiñij yeftutes
Lebni yuyal yef yizekwan
Ixxamen xlan
Añas i ifezzen iles
Ulawen yer daxel kwan
N wid i d-iggran
Times yuyen tugi ad tnes*

Dda Tṭahar yefka azal d ameqqran i tmaziyt seg zik, yerna deg tal tamsalt, ama deg umezruy ama deg tyerma ney deg tutlayt (tasekla), annect-a ibgen-it-id deg wungalen yura. Deg umulli wis 14 n tefsut n yimaziyen, deg yimensi-s, id n 19 yebrir 1994, aseggas deffir n tmettant-is mmektay-t-id s usefru-a. Tef ssdeḥ taftilt treqq tettdeggir-d tafat tawrayt...

*Id-a ad necceḥ taftilt
Tafat ad tezreḥ yef tmurt
Yebrir d tameyra n tmaziyt
Yal (a)seggas eecrin deg tefsut
D ass ara issettun tawayit
I d-yedlen at n tgennurt
Abrid i d-wwin diri-t
Skuffren tudert deg tagut
Tamaziyt tfukk targit
Tuki-d tbennu tugdudt
Abrid n usrad tewwi-t
Fell-as tettali-d tafukt
Ad d-terr tili yef tbeetit
I y-yesserwan tacerbubt
Taftilt ad tay tameddit
I tmaziyt ncerreḥ tawwurt...*

Amek i yettwali uzedgan tudert ? Amek-it uxemmem-is yef tmaziyt ?... Tezdeg tœennu izeddganen - ul fessus - tasa tettferfir - udem yettaḍsa - asrad yugar - igenni d azegzaw - itij ittirriq - abeḥri d alegyan - ulac amennuy - ulac anyal n

yidammen ~ ulac tamuheqranit ~ tella tidet ~ ala tidet ~ tidet
akken ma tella ~ ulac targagayt n tugdi ~ ulac ayilif ~ ulac lhif
~ yella nnif...

*...Tirrugza n yirgazen lcali
Widak n zikenni
Ttgallan ur henten
Ttaken awal, deg-s ur ttuyalen
Tikli yer sdat ur ttagaden
Ayurru, ur t-ssinen
Abrid i ttawin d usrid
Ulac alluy d uşubbu
Ulac ddaw-as nnig-s
Zinani mačci d uffir
Akka i d tamaziyt
Akka i d Imaziyen
Akkagi ara tili tmurt...*

... Iyurr-it zzman amcum, yemmut ur yewwiḍ lebyi-s,
yemmut ur yezri tamurt-is akken i tt-ittargu, akken i ira yal
ass ad tili... Nekk weɛdey-t s tira n usefru yezzifen deg
demma-s, teyzi-s tewweḍ yer 1007 n yifyar... Nniy-as deg
taggara :

*D tezdeg n wul zeddigen
I iyi-d-yessawlen
Ad syezzefey asefru
Yenna-d : "Aru yef yirgazen
Wid ur nḥenten
Skuffren-ten daxel n wagu
Ittgalla zzman fell-asen
Acimi i segmen
Ar tura ur ten-yekcim rekku".
D tamurt i ḥemmlen aṣas
Iḥucc-iten rrṣas
Çğan-d tuggal d yigujilen
Tunfan ameic amessas
I yezgan yal ass*

*Nnan-d ayen i ten-iqerhen
Acengu icedda tilas
Isemsad tuymas
Igemmej deg win i t-yifen
Neggul limin d aquran
Ad segmen wussan
D tamurt ad yezdi lqedd-is
Aheqq widak yemmuten
Yerna ur uklalen
Tugdudt ad tawed yer lebyi-s
Ttāhar d yiwen seg-sen
Deg wid icehden
Deg (u)mezruy yella yisem-is*



Tamaziyt d tugdut d abrid n Lwennas bu tissas

Hamid BILEK

*Ay izem anda tellid
Amkan i d-tegqid
Mi teyliq
I t-iyellten d wiyaq*

Ma yella wennar yettfen aħric meqqren di tfarest (*production*) n Lwennas, ad naf aħric meqqren d ayen i d-yelhan d umezruy d tumast imaziyen d tugdut di tmurt n Lezzayer.

*Pour une Algérie meilleure
et une démocratie majeure*

D wagi i d iswi-ines amezwaru d unegaru. Lwennas d acennay u d ameynas i d-yeqqaren tiquranin d tqerħanin, win byunt ħazent. Lwennas d abeɛzeq i d-yettbeɛzaq, ama di tezlatin-ines ama deg wawal-ines n yal ass, anda ma yebya yella, win yebyan yehder ney yessel-d. Tecfam akk anda i d-yenna : *Je ne suis pas arabe et je ne suis pas obligé d'être musulman*. Ur yettdari ara tiyummar i wakken ad d-yini ayen akken yebya, asmi akken tella tmurt, akken qqaren *Ad teldid ini-k ad afgent tuymas-ik*. Abrid yextar iruħ kan srid deg ubrid n tidet. Yusa-d wass teğğa-t tezmert maca ššut-is yettkemmil ineğger abrid n tissas d turrugza.

*Xas yeğğa lğehd iyallen-iw
Mazal şşut-iw
A d-yebezzaq ad as-d-teslem...*

Tef umennuy-ines yef tmaziyt d tugdut, yettwet di 88 s ufus n *uğadarmi lcar*. Yettwattef gar ifassen n iqqenanen di 94, u yettwanya deg useggas n 98. Ayagi yakk i s-yedran iqbel-it, u iqbel-it s tissas, imi Lwennas icac d argaz, yemmut d argaz. D netta i yennan :

*Je préfère mourir pour mes idées que de mourir de vieillesse.
Axir ad mmtey yef tikta-w wala ad mmtey d amyar.*

Aken nebyu newwi-d awal yef Lwennas, ur nezmir ara ad d-nezzi yakk yef wayen yexdem di tudert-is, anda yeqdec atas n tyawsiwin d temsal yesseddan timetti taqbaylit yer zdat; yecna yef ddunit, yef laxert ; yef tayri, yef ttrad ; yecna yef turrugza d tissas ideg d-yetturebba.

Lwennas ihureb atas yef tgemmi d yidles amaziyy, tuget n wawalen d lemçun yettwattun yerra-ten-id d atraren, yessekkfel-iten-id, isellek-iten-id si tmettant. Ulama tamuyli n Lwennas d tin n uzekka ara yifen idelli maca amnir ad yili d tajaddit, d leewayed d turrugza i d-newret seg imezwuranney, ilaq ad nissin ad nefrez gar wayen ibennun azekka d wayen teğğa teswiç ; ilaq ad nettmeyyiz i wakken ad nefreq gar walim d weclim. Di yiwet si tezlaitin-ines tineggura, yeğğa-yay-d lamina anida i s-yeqqar :

*Ur lliy seg wid inekkren
Leewayed d tizeç n lejdud
Tamusni d win yettqelliben
Ad yesnefsi yir leqyud*

Maçtub Lwennas s yiman-is n yal ass, d win ur nezmir ad yessali di ccan-is ney ad yesemyer iman-is gar warraw n tmurt-is. Yetteici gar-asen, yettyimi u ihekku yid-sen, yeħzen ma ħezen, yefreħ ma ferħen. Ayen i ten-iceyben yelha ney

dir-it iccerk-iten. Tameddurt n Lwennas d tameddurt n menwala deg udrar n leqbayel. Ur s-yeqqar ara dya :

*A lœmr-iw,
A lœmr-iw,
D idurar ay d lœmr-iw...*

Tamsalt n tmaziyt tecyeb nezzeh allay n Lwennas, yewwed alarmi i tt-icudd yer temsalt n tilin. Deg uqerru-s tefra si zik, seg wasmi yella mezzi. Ur yezmir ara ad yexmet, ad tent-yerr yer dixel u ad yessusem zdat lbaṭel i d-iderrun iḥuzan ccfawa d tmagit tamaziyt di tmurt-nney, anda *lekdeb yurew-d lbaṭel, lbaṭel d baba-s n lxuf* ; anda *aḥkim ur yesei ara aḥkim* akken i s-yeqqar unazur nniden mechuren, Lewnis At Mengellet. Tamurt ideg bab n wexxam yufa-d iman-is d aberrani, yettwaḥqer ur yezmir ad d-yini *aḥ* ! Yella di lemtel : *Ayyul n baba d jeddi, rniy rrekba n deffir*.

Lwennas yefra yay-tt-id, inna-yay-d *Ma ulac tamaziyt ulac, ulac, ulac...* Ma ulac tamaziyt, ur tezmir ara ad tili tugdut, ur d-tettrusu lehna, ur yettaf uzzayri iman-is. Lwennas d acennay u d ameynas n tugdut d tmaziyt. Iɛdawen-ines banen, imeddukal-ines banen ; ulamma yur-s ulac aḥbib n dima ney aɛdaw n dima, ala tugdut d tmaziyt i yesɛa i lebda ; d tigi i d lsas n tirrugza yur Lwennas. Ma yella d bnadem, skud yettef deg-sent Llah ad ibarek, ma yella ibeddel udem, ulamma d aḥbib i yella, Lwennas ad d-yezzi fella-s. Tecfam akk yef wid i d-yewwi umeddaḥ di teqsiṭ, s yikabaren, s yimusnawen, s yimḍebbren ; lḥaṣul akka i iga, qbel-it ney eḡḡ-it.

Maɛtub Lwennas d win iɛddan, deg usiweḍ n yizen, imyura d imeynasen yettwassnen di leqdic-nsen yef tmaziyt d tugdut ; ulamma azal-nsen meqqr, ad s-necfun u ad ḥarben fell-asen leqrun ; byiy ad d-bedrey Dda Lmulud deg uḥric n tsekla d tusnamdan (*anthropologie*), Salem Chaker d terbaet-is di tesnilsit (*la linguistique*), d wiyiḍ nniden deg unnar n tsertit...

Lwennas yextaren abrid n ccna, am netta am Menguellet, Farhat..., ijemmel-itent irkuli. Akken nezra belli timetti-nney d timetti iteddun s timawit, anda d awal i d lsas n tmusni, n lefhama, d usaki yef wayen akk i d-iderrun di ddunit d wayen d-yezzin i wegdud azzayri.

Awal mi ara yili yewzen, iserreḥ, ittas-d ishel at yettef u ad as-yefu umdan, ma yerna yesṣa anamek, dya yettaf srid abrid s allay; rnu-yas i wannect-a tawennist n lmuziga (*la phrase musicale*) ijebben, yezzuzunen, azuzen-nni d-yessakayen, i wakken ad d-yekker ugdud, ad d-yerr lḥerma d nnif i yiman-is s yiman-is.

Ma nettef kan tamurt n leqbayel, *si tizi almma d tizi*, akken s-yeqqar Lwennas, ad naf akk ilmezyen n tmurt tturebban-d s ṣṣut n Lwennas. D netta i y-d-isekkren, d netta i y-d-imlan d acu-yay, amek i y-ilaq ad neddu i wakken ad nessiweḍ s ayen neḃya.

*Akk it ay arrac-nney,
Sduklet iyallen-nwen,
Axxam i wakken a t-nezdey,
Ilaq lsas a t-iṭṭfen.*



Akken d-nniy qbel, ulamma imusnawen nniden yal yiwen deg-sen amek i d-yefka tikti-s, ladya wid yettarun, maca tusna-nsen nezmer ad d-nini belli tħuza kan wid yeyran d wid ilemden tafransist imi yis-s i ttarun ; ma d Lwennas, s tutlayt d tmeslayt tayemmat n yal yiwen deg-neŷ i d-yewwi tikta-s. S waya i yessawed ad iħaz u d yesfiq aqbayli anda ma yebyu yili.

Maɛtub deg yiwen iburaz-ines (*concert*) yenna-d belli di tmurt-nney akka mazal ħekmen yimcumen-agi yella wefran gar sin iberdan : *la reddition ou la r sistance*. Abrid-is yextar-it d abrid n wezbu (*la r sistance*) alarmi d asmi i t-yedlen ass-nni amcum anida yeyli di terga deg At Yisi, ass n 25 di yunyu 1998. Ula d lmut-ines yessefra fell-as amzun yezra amek ara d-tili.

Ass-agi lliy
Azekka wissen
Nniy-d ayen zriy
D wayen ttwaliy
Cfut di terga ma yliy
D inzi-w a wen d-yessiwlen

Ulama nebya ad nekfu aħris-agi s usirem, asirem d akken tamaziyt d tugdut ad ġġuġgent di lezzayer maca ayen nettwali yesseb ad simmal abrid-nsent. Tef waya i s-yeqqar Lwennas *Tamurt-agi d ayurru* ulama asirem yes a i wakken ad tbeddel tmurt yettraju-t kan ad d-yekk seg ugdud ma  i seg udabu. Ayagi d ayen iwala deg wayen yes edda n lemħayen. Di tezlit-ines *Regard sur l'histoire d'un pays damn *, hata wamek yettwali tamurt d cwiť n usirem i d-yeggran deg-s :

Ni les droits de l'homme,
Sous toutes les formes,
Ni aucune opposition
N'ont pris part   mon malheur,
Sauf le peuple, comme un seul homme
A os  d fier la peur.

*Ce parti ou celui là,
Je ne me gênerai pas
A les torpiller haut et bas
Sans relâche
Mais sans mépris.
Pour que les géôles s'effondrent,
Pour que tous les bourreaux sombrent
Dans la triste nuit des ombres,
Retirons nos bâillons
Redorons nos blasons,
Accueillons cette lueur ;
Présage de bonheur.
Toutes et tous
Pour une Algérie meilleure
Et pour une démocratie majeure.*

Ihi akka, llan wid i d-yettlalen tikkelt nniḍen seld tamettant-nsen. Lwennas d yiwen seg-sen. Wid yenwan ad temḥun, ruḥent-asen tirga mxalfa, imi slulen-d aḥal d Lwennas ; wigi d wid yessulin senḡaq n umennuy d yiswi i d-yenḡer Lwennas, s ubrid zeddigen yeṣfan deg izerfan n wemdan.

*Ayen i y-d-yeḡḡa Lwennas
Yis-s, gar-aney nettemwanas
Tef tmaziyt ad yali wass.*



Tazuri, d lyella n wallay

Said ZANOUN

Azul a yelli ! Azul a mmi ! Azul a tarwa ! Tarwa n Tiddukla tazrawt tadelsant tussnant n Bumerdas ! Azul ay inebgawen i d-yusan ad cebbhen timlilit-agi n tẓuri yerran deg yiwen idikel n ufus tasa d way turew ilmend n tejmilt n Muḥya, anazur amuqqran n umezgun umi nessawad rreḥma.

Azul ! azul ! azul ! Aḥal eziz wawal-agi "Azul" s tmeslayt n tjaddit tanaṣlit. D afennen ! Tamezzuyt testerhib yis-s s usduqqes n lferḥ, amzun d tameyra ! D tidet, ass yeban ass-a d tameyra ! Di temlilit am tagi ad tefsi tagut yef kra yennuynan ney kra n win yellan di yir teswiet. "Azul" d ddwa n ḥellu, d laman itekksen iyeblan, lmeḥna-s meqqret ! D agerruj n wul zeddigen yefflen s yikuftan n tayri n yiwet twacult n lfen ! Ad tezhuḍ akked lfen ussnan yettrebbin, yesseyrayen, yessefhamen, yessemyaren, yettarran taqcict d tameṭṭut, aqcic d argaz.

Lfen mucae, d tafat n wallay, d itij n wass, d tiziri n yid. Lfen yessakay, yefka-yas Rebbi yiwet tyawsa i t-yerran yettwaḥemmel di ddunit merra. Imusnawen zran d acu i d azal-is. D taqacuct n tussna, ḥala tazuri i yescan tisura iteldin tiwwura unekcum s ulawen anda tezzun lehnana. Akken yebyu yili lḥal, ḥala lfen i izemren ad imerreḥ s ttexmam n umdan di yal lberr i d-yexleq uḥnin. Lfen ur yesci ara tilisa, yessuruf idurar, izegger lebḥur, yetcerrig igenwan, ur yettagga amdīq, yal tiymert yewweḍ-itt. Lfen yettnadi-d s leequl n widen yebyan ad lemnden, iteddu yid-s amzun d ccix

yesselmaden i warrac imecṭaḥ yeffuden ad issinen ayen ilaqen d wayen ur nlaq ara.

Tira umezgun tesselmad leḡyal, timenna isefra trennu di tigzi, ccna s tuyac tzehhu, yesnernay asirem. Annect yebyu yehfeḍ umdan di tzuri, ulaqrar dima ixuṣṣ, allay-is ur irebbu ara, tekkat deg-s rrba, i lebda yelluḥ ! Llan kra umi zḡay wallay, ctaqen ad d-ifriren gar wid yuyen tannumi ttmuḍdun lectab i terwiḥt ! S yir tismen tucmitin, ttgallan s lḥanet belli lfen d tzuri yella-d d leic uqemmuc ur nesei tidi n iyallen. Ilaq ad ḥṣun tella tidi n wallay ibenun, issalayen, irennun di temyer n tussna. lfen d ukyis, d uḥdiq, d amusnaw di lemer tidi-ines tekcef-d bab-is, d timserrit.



Tarbaet "*Tigawt d wawal*", Tiddukla "*Numidya*" n Wehran.

Anazur yuklalen cciea unazur, d afennan yessnen aezar n yiman-is bla cceḥa, ixeddem ussan u itteawaz uḍan akken s tira, ad yeḡḡ asefru ney tamezgunt ara yesnernin ccen n win yuran d win yeyran, ara yeslemden timusniwin i wid

ixuşşen. Afennan ifehmen azal n lfen, yezra d acu i ilaqen ad t-yernu deg ukeddus n tussna d tẓuri ara iyellten wid issaramen ad d-ifiren gar leġnas imusnawen.

Anazur, itthussu, d anafray, ismendag allay-is ara s -d- iniwlen tazuri swayes yezmer ad d-iccekti s timmuybent-is akken ahat ad d-yaf wid iħulfan am netta, ad d-iħninen fell-as lukan s yiles uħiwet, ney tikwal akken ad ccerken di lferħ-is, imi d ayen yettwassnen ula d lferħ ilaq-as tiddukla ! Di lemer yiwen yefreħ u yecdeħ weħd-s !

Yal lfen ikseb tanaşlit n tmurt-is. S lherma n tlelli-s, ur ittucudd ara yer tagust n yiwen umakan. Ileħħu, ittmerrih, issuruf tilisa, irezzef si wa yer wa, ittyafar-iten s wayen akk yessen. Di tebħirt-agi n tfendiwin -rriħa ijeġġiġen- n yal initen, n lfen d tẓuri tɛuzz akk txelqit n ddunit, tettwassen muqqret tecba deg umaday ur tenqir tafat. Ur tkeffu ara deg- s lyella n tẓuri, şşaba- ines ulac taggara-s. Dima yettlalay-d ujdidd yef ujdidd, afruri irennu-d yef ufruri, d lebda wa yif wa, amaynut ur ikeffu ara.

Lfen umaziy ittwarzee di ddunit merra. Akka s zzer-uf- ffer ad d-nebder kra n yismawen ssya u ssya i d-textar tesyart da dihin : Di ccna : Edit Piaf, jida-s d taqbaylit. Mouloudji, d acennay, d anazur, d azeffan. Di ccdeħ, Kamel Ouali, d aselmad n ccdeħ agraylan. Deg umezgun, Abder Isker, d amseḍruy n ssinima. Dany Boon, Daniel Prévot, Isabelle Adjani. Di tusniwin, Alab Yaker Malika, d tamettut tamezwarut di Tefriqt i d-yewwin Duktura aswir wis 3 n nucléaire di 1966.



Aldjia Benallegue-Nourdine, d tamejjayt tamezwarut di Fransa di 1982. Deg yidles, Fatima-Zohra Imalayen yettwassnen s yisem n Assia Djebar. Deg waddal, Zinedine Zidane, Karim Benzema.

Tameɣtut tamaziyt tuklal ad teqqen tabniqt deg yidis, tegga-d i umaziɣ iwriten ara yesni d cwayeɣ mucaɛen s ufella n yedmaren-is i ssaramen ad tent-seun akk leɣnas. Ayagi yakk d ttbut belli ddunit nettat s yiman-is d amezgun, imezday-is akken llan d isefra.



Tarbaɛt "*Tigawt d wawal*", Tiddukla "*Numidya*" n Wehran.



TAMEDYAZI



Anda tellam

Hadjira OUBACHIR

Yezzuzen ubehri llebher
D azegzaw am usirem
Anda tyabemt a tuyac
Yenyan fad isettun laz
Tesrum idurar xaqen
Teğgem-ay-d ilem d lwehc
Yetteffir lehzen fell-ay
Tenfam art mura n medden

Ccna yuzzlen am tala
D-iteffyen deg yexxamen
Ters-d fell-as tsusmi
Tafsut-nney d tamara
D tamettut yas ma tezwi
Tettarew-d ijeğgigen
Ijeğgigen idurar
Lexlawi yezha umeksa
Rekdën-ten at buneqqar
Afrux umi yecbeḥ yifer
Tizlatin d ifertetta
Ayen akk icebhen ider

Ttwarekdënt tirga n warrac
Tafukt-nsen d izekwan
Idim-nsen d ayurru

Ggullen di lwerd ur iεac
Tamurt a tbeddel imawlan
Di ṭlam-nsen a teddu
Rran agdud d aleqqac
Ttkellixen-t di laman
Kul m'ara sen-irrez asalu

*

* *

Ayyur

Açhal aya deg mi truḥeḍ
Kečçini yezha wul-ik
Tenniḍ-iyi a d-tuyaḍ
Ssaramey ad waliy udem-ik
Ass yettabaε wayeḍ
Uysey ula d lexyal-ik
Tura ma fell-i tbeddḍeḍ
Henni-yi henni iman-ik

Yenya-yi uraḡu n kul ass
Rriy ṭlam d arfiq-iw
Kul tiyilt beddey fell-as
Ttnadiy ššber i wul-iw
Ass yettabaε gma-s
Tafat tettnus gar wallen-iw
Tayri-k m'ur tebni fell-as
Ur k-biyi kečč d aḡnin-iw

A win f ur bniy leεmer
Ad iyi-d-tbeddeḍ yef tebburt
Lḥebs n tayri-k yuεer
Ur yeḡḡi ad iffey ššut
Tas bedd-iyi-d yef wemnar
Awi-d amur di tefsut
Ma yella leḡmala-k texšer
Tayri-inu ḥesb-itt temmut

Ay aqcic yettferfiren
D-israfgen tudert-inu
Yettyıd win ara k-yamnen
Am win yettabaen ađu
Swiy tayri-k d isaffen
Tessagar-iyi-d ayurru
Şşura-w fell-ak teħdaqer
Mi teħdaqer ad k-tettu

Yiwwas ma tenteq-d tidet
Wissen ahat a d-testeqsi
Ayyer ayla-k tiħilet
Tettyummu itij m'ara d-yali
Ruħ anda i tebyuđ tafed-t
Nekk tura tædda fell-i
Tayri-k ma gisay tsset
A k-d-uyaley am zik-nni

Ggulley s laman iluyen
D kra zeddigen ur numis
Ggulley s wid yessaramen
Argagin m iqlabn idis
Ma qqley-ak-d a bunadem
Tayri-k a d-ssefday later-is
Ur k-essay g arfiqqen
Yerra-k wul-ik d axşim-is



Tagujilt

Said ABDELLI

Lemmer ildi Rebbi allay-iw
ad tdum trusi-w
fell-am a yemma ad aruy
Temmuted teɛdem temzi-w
tcelxed tissi-w
amek a yemma ara kem-ttuy

A yemma asmi i kem-iffey rruḥ
irgazen s lluh
jban-d yer yur-m a kem-ddmen
Yelli-m i umeḡḡed ur tculḥ
teuhed lfurūḥ
s aḡekka mi akken i kem-gren

Mi teffyed yeggra-d tṭlam
yis-s yesbey wexxam
teḡḡid-d tasa-w tebbēhba
Leḥzen yerna-d ttexmam
mi rrbān ṣṣura-m
zdat uḡekka n baba

I uḡekka qqlent tmedlin
dayen ur kem-ttwalin
widak iyummen ṣṣura-m

Teggra-d yer ʔzekka-m yelli-m
tessummet ccwahed-im
iyumm-as-d ɪzri-s tɬlam

D nnuba-w dayen ad ruɬey
dayen a yemma lzey
ass-a a teɬdu tiggujelt-iw
S lmut-im a yemma ɬezney
dayen ttwaɬeyɛey
anwa ara yilin d amwanes-iw

*

* *

Tagujilt

Byiy ad zurey laxert
yas lajel-iw ur ɛad d-yewwiɖ
Ad rnuy yer tmeqbert
anda akken a yemma i kem-gɣiy
Udem-im ɛzizen ur t-ɜerrey
d iysan ara afey
a yemma yelli-m tettɪyɪɖ

Iysan-im a ten-id-jemɛey
si irebbi a ten-rrey
lexyal ad yerzu yef wallen
Yid-m ad mmeslayey
tudert a m-tt-mley
gmiy-d s cɬata n medden

Temmutɛɖ a yemma ɖaɛey
s medden i ddrey
meɬey tarbut i ssagren
Ter lkanun i la gganey
d inyen i ssumtey
i usemmiɖ d ideflawen

A yemma ameslay yezzif
yelli-m yewwi-tt wasif
tečča taḥbult d tasemmaḍt
Tudert-iw d tudert n lḥif
rran-iyi di rrif
rriy i wul-iw tablaḍt

A yemma tfuk targit-iw
ldint-d wallen-iw
akka ara m-d-rrey iysan-im
Ad qley yer tiggujelt-iw
tura deg wenyir-iw
d tagi i d tadyant n yelli-m

*

* *

Agujil

D acu i k-iceyben ay aggur
iban yef wudem-ik šdid
D imeṭṭi n ugujil yettrun
yectaḡ firemt deg wass n lēid

Temmut yemma-s ezizen
teḡḡa-t di leḥzen
yeggra-d yur medden yettyiḍ
I tkessawt i t-ssendahen
yas d ideflawen
ad yeks akken i usemmiḍ
Ter lkanun i t-sganen
yessummut inyen
a tasa n ugujil yettyiḍ

Tafejrit mi ara d-yaki
taqrabt a tt-yawi
s sin iceqqayen n tazart

Ass ur ɛad i d-yeflali
ad yezwir ulli
ad yawi abrid n tmeqbert
Tef uʒekka n yemma-s ad iɛeddi
a s-yebdu imeɛɛti
yis-sen i s-ihekku tudert

I s-d-yeggran d asirem n lmut
yeggan bla lqut
i ubuneqqar yedda ɥafi
Yettabaddad tawwurt tawwurt
si tmurt yer tmurt
ma yella kra ara d-yawi
A wid iceffun cfut
i wiyad ɥkut
yef ugujil bla lwali

A win ur ɛad njerreb
qbel ad ak-texreb
fares irebbi n yemma-k
Tawriqt-ik asmi ara teqleb
ad k-tecbu lekdeb
ad yanfun yizan tasga-k
Zzman ad k-yessegrireb
ad k-tent-yesni ad k-tent-yeqleb
mi tesref teblaɣ fell-ak



Tarewla

Djaffar MESSAOUDI

Rwel

Rwel a kečč ittagaden ayurru
Ulawen izdey-iten bu-rekku
Allen gezzment am lemwas
Ilsawen uyalen d tisiqqas

Ffer

Ffer a kečč isyillifen yef medden
Ur d-skan ay idergen yef wallen
Tismin di medden ffuktint
Ma tyefleđ ay tesseiđ wwin-t

Wexxer

Wexxer a kečč ittkukrun tixidas
Medden tidiren s tseddas
Win k-id-issutren senqed-it
M'ur yuklal ayla-k ħerz-it

Segdel

Segdel a kečč umi leqqaq wulkim
Ur ttarra i umdan uctim
Ma yessefk ad trewleđ rwel
Egğ-it i w'ay d-inawel

Yir tagmat, yir imawlan

Llan sin watmaten yer imawlan ttidiren
Yiwen d uşwib di twacult yezga ibennu
Wayeḍ d uzlig di twacult yezga itthuddu
Imawlan tteybbnen yezga fell-asen lehzen

Di twacult izeddren bḍan wulawen
Uşwib d aæqli di gma-s yezga ittweşşi
Uzlig d adeyli i gma-s yebya taruţi
Imawlan ttheyyren yezga fell-asen leyben

Simmal tkerres tyersi di twacult yenxerwaæen
Aæqli tekcem-it tegdi d sslak kan yef yettnadi
"A baba, tasarut n ferru d beţtu, efk-ay-tt-id ass-agi"
"Mmm, kečč d-ibedren beţtu terriḍ deg'dis igerrujen !"

Yuyal beţtu d behwaşu deg imawlan ttnezzihen
Uwqim ur t-id-tşaḥ duru, uæwij iyellet irennu
Imi Rebbi yekreh amyurru, daæwessu ad as-d-yebru
Celqeft-tt ay imawlan d tagmat m ilekduben !



Axaluḍ

Mohamed MEDJDOUB

Lemmer zemrey ad ruḥey
Dayen ur d-ttuyaley
Ul-iw yeṛya deg uṛebbi

Yiwet n tufya ara fyey
Ar deffir ur d-tmuquley
Dayen helkey seg unadi

Yiwen d amehbul ixuṣ
Wayeḍ s lmeḥsus
Kra dreylen irkelli

Ssefhem wa, wexxer-as i wa
Beḍd-ik wadi d afeḥli
Ma tecḍeḍ ur k-yettqili

Teddun amzun ur lliy
Lhedra ur tt-sṛiy
Awal-iw d bu war iswi

Di tmura yakw n medden
D bu rray i yeṭebbiren
Win ixuṣṣen yeṛna amkan-is

Tamurt-iw tuli asawen
Aqerru deg yidarren
Σeddi ad as-tafeḍ ixef-is

Win ilaqen ur ilaq
Win ur nlaq ilaq
D acu-t uxaluđ agi ?

*

* *

Adrar yuywas

Sliy i wedrar yuywas
D tiyri n tarwa-s
D isuyan i d-yuyalen
Leɣyađ n wid yellužen
Agdud-nni bu tissas
Ad as-laɛben tiddas
Imcumen widen ihercen
Tikli amzun d uccanen
Abbuh a nnif amessas
Yeyli ujeggu alemmas
Lbaɛel yewweđ-d s innaren
Qquren, gezmen yimawen
Yewwi-d ad nbeddel lsas
Tudert n yal ass
Ilefɗan akken ad ruhen
Isulas-nney ad bedden
Isulas-nney ad bedden
Ad lalen yifadden
Wid wer netruž seg wammas
Tazmert ur igezzem layas
Ad tili akw s imdanen
Arrac, irgazen, imyaren
Tidet ad nebnu fell-as
Yal wa ad yissin tilas
Tas ma llan widen iɛefnen
Lqis ur nettaɛtaf yur-sen
Dayen neɣya di txidas
Ma dya ssufuyent tkerkas

Ma dya ssufuyent tkerkas
Ad cehden merra leḡnas
Wigad ukud nnuyen
Mazal-ay kra n usawen
Asawen-agi i y-yesyersen
Yebya takawt n ifadden
Ma d ifadden-nney zemren
Ad awḍen yal iswiyen.



Talettaṭ

Ahiḥa, izli ney Tamedyazt n tayri ?

M'hammed DJELLAoui

Win ara yuyalen s idlisen yettwarun yef tmedyazt taqbaylit taqdimt, ad yaf ddan-d deg-sen waṭas n yisefra i d-yettawin yef wafrayen d iḥulfan yezdin ger wergaz d tmeṭṭut. Ma neddem-d deg umedyaz taktabt n Hanoteau¹ ad naf aḥric-is wis flata yebna yef ṣṣenf-agi n tmedyazt, imi afrayen n tayri s wudmawen-ines yemgaraden d asentel agejdan n tuget n yisefra i d-yeddandeg weḥric-agi.

Deg umedyaz wis-sin ad d-nebder taktabt n Boulifa², ideg d-yejmeɛ amud n yisefra s wazal-is. Tamsalt n wafrayen n tayri tetṭef amur ameqran deg yihricen-ines.

Seg wayen akk i ay-d-yewwḍen n yisefra iqdimen, i d-yettawin yef usentel-agi n tayri, yettban-d belli timetti taqbaylit, am nettat d tmeṭṭiyin nniḍen, terra azal d ameqran i iḥulfan n wemdan d wafrayen-ines. Afrayen i d-yetteken srid seg ulejlej n wul tehba tayri, yaṣ akken timetti taqbaylit tamensayt ggunint-tt waṭas n leɛwayed i d-yeslalan tilisa d zzrubat ger wergaz d tmeṭṭut.

Tamedyazt-agi i d-yettawin yef wafrayen d iḥulfan ger wergaz d tmeṭṭut nsema-yaṣ « tamedyazt n tayri », yaṣ akken awal-agi n « tayri » d awal amaynut i as-yefka umedyaz di tallit-agi nney tamirant. Asteqsi d acu-ten ihi yismawen i d as-imud umedyaz aqdim i ṣṣenf-agi n tmedyazt ? D acu-ten

¹ A. Hanoteau, poésies populaires de la Kabylie du Djurdjura.

² A.S. Boulifa, recueil de poésies kabyles.

yismawen i d as-mudden inagmayen inudan deg wennar-agi ?

Ma nuyal s idrisen n tmedyazt taqdimt ad naf sin wawalen i d-yettuyalen s tuget : « leεceq d lemħibba », yis-sen i d-yemmal umedyaz ayen yeffer wul n wafrayen irqiqanen, d wayen yessexzen n ihulfan yetteqsen, i t-yezidin ney i t-yesbeeden yef tin akken ihemmél, tin i d as-yeziziđen ney i d as-yessarżayen ussan n tudert-ines. Ismawen-agi n tayri yesxedem-itén Si Muħend s wařas di tmedyazt-ines, yenna-d deg yiwen n usefru :

*Ziyeŋ leεceq yemxalaf
ifreŋ d leřnaf
kulwa akken yetmeħħen*

Am wakken i d-yenna dayen deg usefru nniđen ideg d-yesdukel sin wawalen-agi (leεceq d lemħibba) yef tikkelt :

*Asmi lliy d aħbib-im
teħsebd-iyi am mmi-m
leεceq tzad lemħibba*

Inagmayen si tama-nsen mkul yiwen amek inuda, kul yiwen d acu yufa, ad d-nebder gar-asen T. Yacine i d-yuran taktabt s lekmal-is yef řřenf-agi n tmedyazt i wumi tsemma « izlan »³. Ġer tama-s, Mhenna Mahfoufi deg yiwen n weħric n wedlis-ines⁴, ideg d-yewwi awal yef tmedyazt n tayri, ad t-naf isemma-yas : « aħiħa ».

Wid yuran seg-n d afella yef řřenf-agi n tmedyazt sqedcen sin wawalen-agi, ttabdaren-ten-id mkul mi ara byun ad d-awin awal yef yisefra yebnan yef usentel n tayri. Ay adra « izli » ney « aħiħa » d ayen yebyan ad d-yini s tbtut isefra n tayri ? Ay adra sin wawalen-agi ttwassnen di yal tamnađt n

³ T. Yacine, l'Izli ou l'amour chanté en Kabylie, Bouchène/awal, Alger, 1990.

⁴ M. Mahfoufi, Le répertoire musical d'un village berbère d'Algérie (Kabylie), thèse de Doctorat, université de Paris, 1992.

tmurt n Leqbayel ? Tirit yef sin n yisteqsiyen-agi ahat ad d-beggen tidet nniḍen.

Izlan ney izli di tmuyli n T. Yacine d « asefru yettwacnan, yesɛan talya wezzilen, yebnan yef usentel n wafrayen n tayri »⁵. Ief-s i tebna azwel n tektabt-ines : « Izli ney tayri yettwacnan s teqbaylit ». « Izli » d awal i d-telqed si temnaḍt i seg i d-tejmeɛ amud n yisefra i d-yettawin di tugget-nsen yef wafrayen n tayri. Maca mebyir ma tnuda s webrid n tussna yef lašel n wawal-agi, lakk tidet n useqdec-ines di temnaḍin nniḍen.

Ma nuyal-d yer tmuyliwin nniḍen i d-icudden yer wawal-agi n yizli, ad naf imawalen d yemyura fkan-as lemɛani nniḍen, ideg ur d-yettwebder ara usentel n tayri iyef yebna : Awal « izli » azar-is « zl », anamek-is yemgarad di tantaliyin n tmaziyt : Di l'Atlas alemmas yebya ad d-yini « asefru wezzilen ». Ier yimzabiyen lmaɛna-ines d « asefru ». Ma di Nfusa ssexdamment deg unamek n « ccnawi ». Di tantaliyin-agi lakk d tiyeḍnin afrayen n tayri ur d-ttwabedren ara deg unamek n wawal « izli ».

Ger yimyura i d-yefkan anamek ixulfen i wawal n « izli ney izlan », ad d-nebder di tazwara ayen i d-yenna Mhenna Mehfofi i d as-d-yekkan syur imezday n kra n tudrin n Leqbayel, abeɛda taddart n At Hicem lakk d taddart Agusim, mi d-yenna : « ... Akken yebyu yili, izli yer yimezday n tudrin, d awal yebyan ad d-yini tamedyazt n wemɛezber tusridt ney yettwacnan, lakk d ccnawi i d-yettalin ilmend n flalit n llufan d tmeyriwin... yef anact-a awal-agi « izli » ur yezmir ara ad yili d aknaw n uḥiḥa »⁶.

Amyaru-agi, si tama nniḍen, iwakken ad yessegh-d tikta-s, yefka-d tamuyli n H. Basset d tanayit, imi anagmay-agi (H. Basset) yenna-d : « Izli d awal amatwan, i yettwaxxedmen deg waṭas n temnaḍin timazyenin, deg unamek-ines yebyan ad d-yini : yal aḍris n tmedyazt, wezzilen, i d-yettawin yef aṭas n yisental, s webrid usrid ney s

⁵ T. Yacine, op. cit, p. 15.

⁶ M. Mahfofi, op. cit, p. 210.

ccnawi⁷. M. Mammeri si tama-s ibder-d snat tulmisin iyef yebna yizli, mi d-yenna deg yiwet n tefyirt : « Izlan d isefra wezzilen i d-yettasen s talya n ccnawi »⁸.

Tef aya anamek n « izli » di tmuyli n yinagmayen-agi d wiyeḍnin ur yezmir ara ad yili d tamedyazt n tayri, imi am wakken i t-id-ibeggen wannar unadi lakk d igemmaḍ n tagmi tussna, d asefru wezzilen i yebnan yef tugget n yisental i d-yettlalen deg waṭas n tagnatin am : wemæzber d lfuruh, i d-yeddin s webrid n yinnan usriden ney wid n ccnawi.

Awal « aḥiḥa » i d-yettwabedren di kra n yidlisin, i wumi fkan anamek n wafrayen n tayri di tmedyazt taqbaylit tamensayt, ur yettwassen ara s wudem wessiḍen di temnaḍin n Leqbayel. Drus maḍi anga i t-sseqdacen s umanek-agi n iḥulfan d wafrayen. Deg At Yesseḍ, am wakken i d-yenna Mhenna Mehfofi : « Aḥiḥa d ccnawi d-ttawint tidma, i ibnan yef wafrayen n tayri (leḥmala) ney ayuccu (lkerḥ)... isefra n uḥiḥa ttbegginen-d liḥala n tmeṭṭut d iḥulfan-ines mgal argaz-is, ney wid n tayri i tt-yezdin d weḥbib uffir »⁹. Deg umawal n J. M. Dallet yettwabder-d wawal n uḥiḥa s unamek n ccna n tayri, ney ccna ufdiḥ¹⁰.

Tas akken llan seg yimyura d inagmayen i d as-yefkan i wawal « Aḥiḥa » lemeani n wafrayen n tayri, maca nitni s timmad-nsen ad ten-naf ur reṣṣant ara tmuyliwin-nsen yef unamek aḥeqqani n wawal-agi. Amedya d Mhenna Mehfofi i d-yennan : « Awal « Aḥiḥa » yas ma yella nefka-yas anamek n ccnawi n tayri i ay-d yekkan seg wennar unadi, maca tabadut-ines taḥeqqanit ahat mazal ur tt-nufi ara, awal ad yuṭal yer yimusunawen n tutlayin i izemren ad d-sseftin lemeani n tidet n uḥiḥa »¹¹.

Amyaru-agi ikemmel yefka-d kra n yinumak d tbuda nniden i d-yeqnen s awal-agi n uḥiḥa, inumak-agi sbaedent

⁷ Ibid, p. 210.

⁸ M. Mammeri, *Poèmes kabyles anciens*, Ed. Maspéro, Paris, 1980, p. 209.

⁹ M. Mahfofi, op. cit, pp. 211-212.

¹⁰ J.M Dallet, *Dictionnaire Kabyle-Français*, Ed, SELLAf, Alger, 1982, p. 298.

¹¹ M. Mahfofi, op. cit, p. 211.

yef lemɛani imenza i d as-yefka. Deg wayen i d-yenna : « Awal-agi n uhiha yella-d useqdec-ines s wudem nniɛen di teqbaylit, imi ahaɛi ney aɛhaɛi ssexdamen-t medden mi ara sɛawen afrux yef lerzaq d lyellat »¹².

Di tmuyli-ines dayen ahiha yezmer ad d-yili deg webdil n ucewwiq i d-ttawin yirgazen s ššut ɛlayen !? Am wakken si tama nniɛen ad t-naf ibder-d yiwen n šsenf n tmedyazt tusridt ideg d-mmalen yirgazen ihulfan-nsen n tayri i wumi semman « iquliyen »!¹³ Seg wayen i d-yenna : « Ahiha i wumi semman acewweq ney acewwiq, ttawin-t-id dayen yirgazen... Ma yella nenna-d belli ahiha d ccnawi d-ttawint tidma, irgazen si tama-n sen yiwen n šsenf ideg d-ttawin ihulfan-nsen n tayri ayen i wumi semman iquliyen ney innan, wigi d tamedyazt d-ttawin s wudem usrid mebyir ccna »¹⁴.

D acu ihi i d assay i izemren ad yili ger ucewwiq yebnan yef tulmisin-ines yettwasnen, d uhiha ? D acu yezdin ger yinnan i yebnan yef wawal urzin d uhiha n tayri ? Ma di tmedyazt taqdimt ad naf awal-agi « ahiha » yettwabder-d aɛal n tikkal, maca s lemɛani d inumak ixulfen wid n wafrayen n tayri. Hanoteau di tektabt-ines yenna-d belli awal « ahiha » ttmuddun-t Leqbayel i ccnawi, ma di temnaɛt n wenzul imezday-ines ttmuddunt i lešwat d leɣaɛat i d-yettekken si šyada n yiwetlan lakk d yilfan, imi lešwat-agi qerben di talya-n sen yer lmenɛeq n wawal « ahiha »¹⁵.

Seg wayen akk i d-nebder yettban-d belli « ahiha » ney « izli », ɣas ma llan wid i sen-yefkan anamek n ccnawi i d-yettawin yef wafrayen n tayri, maca udem n usexdem-n sen aheqqani di yal tamnaɛt si temnaɛin n Leqbayel, mazal yettraɣu tagmi tussna n yinagmayen d imusnawen, ara yeyzen s telqayt, ilmend n usekfel n tbuda d inumak iyef yers llsas n sin wawalen-agi.

¹² Ibid, p. 209.

¹³ « Iquliyen » d awal i d-yekkan si tutlayt n taɛrabt « el aqwal », i ibyan ad d-yini innan urzinen yesean lemɛani ilqayanen.

¹⁴ M. Mahfoufi, op. cit, pp. 211, 213-214.

¹⁵ M. Djellaoui, Poésie kabyle d'antan, retranscription, commentaires et lecture critique de l'ouvrage de Hanoteau, Ed, Zyriab, Alger, 2004, p. 173.

Ma d nekkni deg wawal-nney yef şşenf-agi n tmedyazt taqdimt, ad as-nsemi kan « tamedyazt n tayri ». Tas ma yella awal « tayri » d awal amaynut, akken i d-nenna, maca yettef amkan-is akken iwata di tmeslayt n yal ass lakk d tutlayt tudyizt. Imi am wakken i d-yenna umedyaz Lewnis At Mengellat¹⁶ :

*Lhub i s inettşedhi
ass-a qeblen-k irkkelli
cebhen-k semman-ak tayri
ma d nekk iεεgb-i yism-ik*

Mi ara nuyal yer wayen i ay-d-yewwden n tmedyazt taqbaylit si talliyin yezrin, ad ay-d-iban belli tamedyazt n tayri tettef amkan wessizen deg wurti asefran aqdim. İhulfan d wafrayen n wemdan d asentel yuyen tunt-is deg wegbur n usefru aqbayli amensay. İmedyazen rran lwelha-nsen s telqayt yer şşenf-agi n yisefra, imi di rrehba-nsen i yezmer umedyaz ad d-yessentaq timsal n wul, tid ur d-nettwantaq s wawal usrid, imi leεwayed d wazalen n tmetti rrant leqyud d zzrubat i ihulfan n wemdan d wafrayen-ines, abeεda wid n tayri. Nnif d lhərma iyef tebna tmetti taqbaylit tamensayt, zgan undin deg webrid n wassayen yezdin argaz d tmettut. Awal yef tayri ney lehmalala ur yesei amkan. Am wakken i d-yenna Y. Nacib : « Yeweer mađi yef wemdan di tallit-nni taqdimt akken ad d-yessebgen ihulfan-ines, abeεda wid n tayri, imi nnif d lhərma d azalen n tmetti kemmen imawen n wid yemeħmalen »¹⁷.

Tas akken leεwayed n tmetti tamensayt ssuqsent, maca ayen yessewhamen dakken isefra n tayri llan s tugget di zman-nni. Rnu yer waya isefra-agi yeđlen lehjab n lehya lakk d lhecma, imi tettuqet tmedyazt n tayri tufđiħt. İmedyaten yef wanect-nni ddan-d di tektabin tiqdimin abeεda taktabt n

¹⁶ L. Ait Menguellet, poème « tayri ».

¹⁷ Y. Nacib, Anthologie de la poésie kabyle, Ed. Andalouses, Alger, 1993, p. 77.

Hanoteau d tin n Boulifa, d wayen i swayed ttwasnen kra n yimedyaizen am Si Muḥend u Mḥend d Šli u Šemmruc.

Di tmetti-nney tamirant yas leɛwayed uyalent di rrif, tilelli tuy-d tiyemmar n tudert n wemdan, maca imedyazen ur ssaweden ara ad d-slalen iḍrisen n tmedyazt tufdiḥt, yecban wid d-wwin imedyazen iqburen. Amgarad-agi ger snat talliyin di temsalt n iḥulfan n tayri, ahat yesɛa atas n ssebat. Deg yiwen n wawal kan nezmer ad d-nini belli «ayen yettwakksen i wemdan d winn-a i imeɛcuɛen ».

Tura ma nuɣal-d yer tmedyazt-agi n tayri di tallit-nni yezrin, ad tt-naf tebɗa yef sin leɣnaf :

1- Tamedyazt n tayri tussirt.

2- Tamedyazt n tayri tufdiḥt.

Sin leɣnaf-agi mačči di tmedyazt-nney kan i yellan, imi yessen-iten wennar n wesnulfu n tmedyazt tagraylant si zman aqdim. Ma neddm-d deg umedya tamedyazt n taɛrabt di tallit-nni tagahilit, ad naf sin leɣnaf-agi ufraren-d, yal šɣenf s imedyazen-ines yettwassnen. Di tmedyazt tussirt yettuɣal-d yisem n Ġamil bnu Maɛmeɣ, amedyaz tejmeɛ tayri yeɣfan d tmeɛcuɣt-ines Butayna, isefra-ines n tayri zzuzunen, ttekkend seg wul ttruhun srid yer wul, leḥmala tettnarni s tezdeg, mmalen-tt-id wafrayen irqiqanen, d iḥulfan ilqayanen. Tamedyazt tufdiḥt yettwassen yis Šumar bnu Abi Rabiɛa, imi tayri yur-s temmal-itt-id tfekka n tmeṭṭut, d wayen akk i d-tessenɛat n thuski lakk d cbaḥa. Asefru-ines yekkes leḥjab n sser d lḥecma, yessenɛaq-d s wawal usrid ayen yellan d uffir di ccehwa n tnefsit. Assay n tayri tufdiḥt tettbeddil-it teswiɛt, ass-a yer ta, azekka yer tin, ma d imal wissen, am wakken i d-yenna umedyaz-agi (Šumar bnu Abi Rabiɛa):

Slam-iw fell-as, ma yella tebya-t

Ma tenna-d ala, slam-iw yef tis snat

Di tmedyazt n teqbaylit taqdimt, am wakken i d-nebder, sin leɣnaf-agi llan s waɣas, maca mi ara nuɣal yer wayen i ay-d-yewwden d isefra ad ay-d-iban belli tamedyazt n tayri tussirt mačči d tin yuggten, s lmeɛna nniḍen ur nettaf ara seg yimedyaizen-nney wid tezdi tayri yeɣfan yecban tin

yezdin Ğamil d Butayna, Qeys d Leyla, ney Yenṭer d Yebla. ahat si ssebat n wanec-ten ayen i d-yeddan deg wawal n Y. Nacib mi d-yenna : « Afrayen n tayri d uffiren di tmetti taqbaylit n tallit-nni, tayri yezdin ger sin wulawen tettneri di tsusmi, tezzuzun-itt tmuyli n wallen, imi tayri ma tban-d ger sin yer txessart i tessugut... tayri ur tettwaqbal ara ala di lherma n zzwag »¹⁸.

Tef aya tamedyazt tussirt ur tufi ara tagnit iwatan iwakken ad tefukti, leewayed s teqseḥ-nsent zgant undint. Bnadem yas ma yella iḥemmel, tudert n tayri-s tjebbeṛ-itt tuṣra.

Maca ayen yessewhamen dakken yas ma yella leewayed n tmetti d wazalen-ines rrant zṛrubat d leqyud i wafrayen n tayri, ad naf, si tama nniḍen, aṭas n yisefra i ay-d-yewwḍen si zzman aqdim i d-yettawin yef tmedyazt n tayri tufdiḥt. Iḍrisen n ṣṣenf-agi n tmedyazt, yessali deg-sen umedyaz aqbayli tiseddarin n wagalm d uweṣṣef, i wayen yellan d tahuṣki d cbaḥa di tfekka n tmettut, almi seddant akin i tliṣa n yisey lakk d leḥya. Tikwal yessawaḍ ula yer webdar d usuter, s leera, timsal n tuzzuft yezdin ger wergaz d tmettut.

Di rreḥba n usefru-ines i d-yemmal ayen yessexzen wul n ccehwa tuffirt, d wafrayen n tuzzuft i t-icudden s lḡehd n wassay yef wemḍal n tidma.

Imedyazen yecban Σumerḥ bnu Abi Rabiʿ d wid nesḥa deg urti-nney asefran aqbayli, ney ahat ad naf ger imedyazen-nney wid i t-iṣeddan deg waglam ufdiḥ. Ad d-nebder deg umedyā ʿʿli u Σemmṛuc, Muḥammed Ṭeyyeb d Si Muḥend u Mḥend, rnu yer-sen iḍrisen n tmedyazt i wumi ur yettwassen bab-nsen i ay-d-yewwḍen s waṭas si tallit-nni yezrin¹⁹. Deg yiwen umedyā yef tmedyazt-agi n tayri tufdiḥt ad d-nebder abruy seg usefru yezzifen n ʿʿli u Σemmṛuc anga yeqqar :

¹⁸ Y. Nacib, op. cit, pp. 80-81.

¹⁹ Wali kra n yidrisen n tmedyazt i d-yeddan di tektabt n Hanoteau, aḥric wis tlata, isebtar : (377-380), (387-396), (421-427), (428-430), (431-434).

Ass-agi muggrey taqcict²⁰

*Ass-agi muggrey taqcict
Tawjayt d lheb n rremman
Ssudney-tt tenna-k : şaħa
A ddheb yulin yef lgam
Tağemmuct sudn-itt tura
Tibebbac ar d-yeyli tflam*

Tamedyazt am tagi tella s tugget di tgemmi tasefrant taqburt. Tas timetti n lawan-nni ur tt-teqbil ara, maca imukan d tagnatin n tmenna-ines ur ten-iħuz ara warruz n leewayed am lexlawi d ikusa, ney tijemuca d tqerabin yetttureften yef tuddar.

Tamettut taqbaylit ula d nettat ur tt-zgilen ara iħulfan d wafrayen n tayri. Deg yisefra i d-tettawi tessufuy-d mebla akukru ayen i tt-iceyben, abeada mi ara taf iman-is ger tid i tt-yecban, anga ur tt-teđfir ara tmuyli n wergaz d tæssast-ines yezgan fell-as, am temlilit di tala ney deg wennar n wurar di tmeýra.

Tef tagnatin-agi ideg d-tettili tmedyazt n tayri yenna-d unagmay M. Mahfoufi : « Tamedyazt n tayri (Aħiħa) tettili-d di tmeýriwin (deg wurar), di lxedma n lexlawi, di tagnatin n westeefu daxel n wexxam ma ulac zzerb n leħya (amsetħi) gar-asent »²¹.

Tidma mi ara ilint weħd-nsent ttawint-d isefra n tayri, ney ayen i wumi semmant « isefra ixesren », s tlelli n wawal mebyir leħjab, maca mi ara tent-id-yekcem wergaz ttbeddilent ccnawi iweqqmen deg ur yelli usexser. Am wakken i t-id-yebder M. Mahfoufi yef yiles n kra n tlawin n At Yesseed mi d as-d-nnant: « Isefra n tayri nettawi-ten-id di lxedma n lexlawi am leqlie n weħbac. Mi ara nili weħd-ntay nettawi-d ccnawi n tayri, maca mi ara yilin yirgazen yer tama-nney nettawi-d tijinatin n udekker »²².

²⁰ M. Djellaoui, op. cit, p. 186.

²¹ M. Mahfoufi, op. cit, p. 212.

²² Ibid, p. 212.

Tamedyazt n tayri yer tmeṭṭut taqbaylit yas ma tettili-d tikwal d tufdiḥt maca iswi-ines ixulef win i d as-yefka wergaz. Tidma ttawint-tt-id di llsas-ines ilmend unecreḥ d uqeṣṣer, i d-yettilin abeɛda di teginatin n lfuruḥ ideg d-ttemlilint, am ccnawi n wurar. Maca ayen i d ay-d-yewwɛden seg yisefra iqburen i d-ttawint tidma, ttbegginen-d belli asentel n tayri imal yer tuṣṣirt, tayri yer tmeṭṭut taqbaylit tsemma-yas « lemḥiba n lehḥal », i izemren kan ad d-tili di tseyliṭ n zzwaḡ.

Afrayen n tayri yur-s d ilqayanen, mmalen-d tidet n tmetti ideg i d-lulen, rṣay-it sdubuyen, meliḥ-it ssedhayen, deg waṭas n tikkal ttwaxnaqen s lesum n leɛwayed. Lebyi ur d-yettili, asirem d abrid ur nesei tiwɛdin. Iḍrisen n tmedyazt i d-yettawin yef temsal-agi n tayri uggten, ad d-nebder deg umedya yiwen n weḍris i d-yettbegginen tirgett n lemḥiba teefes tmeṭṭut taqbaylit, mi teqqar :

*Ay aɛziz la k-ttraḡuy
s lemḥiba zeddiyen teḥlel
Fell-ak aql-i la cennuy
ay ajeḡḡig n qrenfel
Slam n lwerd a k-tehduy
ṛriḥa ɛzizen nḥemmel*

Yiwen n wudem nniḍen n tmedyazt n tayri i d-yettbanen deg urti asefran aqbayli, d ayen i d-yeddān di tmedyazt n Si Muḥend u Mḥend i d-yerra M. Mammeri di tektabt-ines²³ deg yiwen n weḥric i wumi isemma « zziy leḡnan ». Leḡnanat n Si Muḥend d isefra yebnan yef uzamul amatwan, yesean yiwet n talya di lebni-nsen. Tlata n yiferdisen i d-yettuyalen, ṣḍan am yiwen segmi ara yebdu usefru alamma yekfa :

~ Amenzu d leḡnan s timmad-is, d wayen akk deg-s yellan n lerṣaq d lyellat am « Ifires, lmecmac, lxux, ttefaḥ, ṛremman, ḥčina, lwerd, lyasmin...».

²³ M. Mammeri, les isefra de Si Mohand, Ed, la Découverte, Paris, 1987.

~ Wis-sin d bab n leġnan i d as-d-illan di lmendad : « Yezza, ileqqem, yessew, yenqec, iẓerreb...».

~ Wis-flata d aberani d «Aybub, abueɛmmar, imeksawen, iḍan, uday, aṛrad...» i d-yettasen mkul mi d-yebba leġnan iwenneɛ s lerbah-is, ad ten-yecč, yernu ad yenqec bab-is ur d as-yeggar nnšib. Deg umedyia n yisefra-agi ad d-nebder yiwen ideg yeqqar umedyaz :

Zziy leġnan d imselles
lxux d ifires
tafarrant ibban d zzbib

Rriy-as targa la itess
ibedd yixef-ines
kulum deg-s la nettzerrib

Yers-d wejrad la s-ikes
igezzem ixef-ines
ičča-t iqedε-ay nnšib

Asefru-agi s lekmal-is yebna yef uzamul, amedyaz iɛmed tarrayt-agi tuffirt ideg yettel tikta d lemɛani ur d-banent ara, ahat imi d tid ur nettwaqbal s wudem usrid di tmetti-s.

Leġnanat n Si Muḥend d amḍal unti ideg d-ttlalen wassayen-ines n tayri i t-ijemɛen d tlawin-nni i d-yettemlili deg webrid n tinigt-ines ur nkeffu. Aglam ney aweššef n thuski n tmeṭṭut d cbaḥa-ines ibeggen-tt-id umedyaz s wudem azamuli. D teffaḥ ney d lmeɛmac, d lxux ney d ifires d tiziḍanin yettḥibi wul, d inumak d lemɛani i d-yessenteq umedyaz si tfekka n tmeṭṭut, i d-yettbegginen aḍam n tuzzuft d wafrayen n tayri ilelliyen yenneqcaɛen di tmetti tamensayt, yettwarzen s wazalen d leɛwayed. Gef wanect-a tayri am tagi leɛmeɣ tebbeḍ lebyi, imi amdan yaɣ iɛetteb irebba-d ul i tayri, maca awal aneggaru di temsalt-agi mačči deg ufus-is i yetteli, yettuyal i wiyeḍnin i yessexraben tirga, d win ur nɛetteb i yettyelliten. Tas s uzamul i d-yella wanect-agi deg leġnanat n

Si Muḥend, maca d ayen i d-yettbegginen s lebrez udem n tmetti n lawan-nni, abeēda di temasal-agi n tayri.

D wagi ihi i d awal s tewzel yef tmedyazt n tayri di tmetti taqbaylit tamensayt, ɣas akken šsenf-agi n yisefra d wid ur qbilan ara ilugan n tmetti n tallit-nni, maca ayen i d ay-d-yewḍen seg-sen, d ayen yessewhamen, imi d-ddan kra n yidrisen ufdiḥen iēddan tilas n leḥya i wumi ur nettaf ara tamtilt di tmedyazt-nney tamirant !?

*

* *

Éléments bibliographiques :

- Ait Ferroukh Farida, *Le chant kabyle et ses genres*, in : Encyclopédie berbère, N°12, Ed. EDISUD, 1993, pp. 1869-71.
- Basset H., *Essai sur la littérature des Berbères*, Carbonel, Alger, 1920.
- Boulifa A.S., *Recueil de poésie kabyle*, Ed. Awal, Paris, Alger, 1990.
- Dallet J.M., *Dictionnaire Kabyle-Français*, Ed. SELLAF, Alger, 1982.
- Djellaoui M., *Poésie kabyle d'antan, retranscription, commentaires et lecture critique de l'ouvrage de Hanoteau*, Ed. Zyriab, Alger, 2004.
- Hanoteau A., *Poésies populaires de la Kabylie du Djurdjura*, Imprimerie Impériale, 1867.
- Mahfoufi M., *Le répertoire musical d'un village berbère d'Algérie (Kabylie)*, thèse de Doctorat, université de Paris, 1992.
- Mammeri M., *Les Isefra de Si Mohand-ou-Mhand*, Ed. La découverte, Paris, 1987.
- *Poèmes kabyles anciens*, Ed. Maspéro, Paris, 1980.
- Nacib Y., *Anthologie de la poésie kabyle*, Ed. Andalouses, Alger, 1993.
- Savignac P., *Poésies populaires des kabyles*, Ed. Maspéro, Paris, 1964.
- Yacine T., *L'izli ou l'amour chanté en kabyle*, Ed. Bouchène/Awal, Alger, 1990.
- P. Zumthor, *Introduction à la poésie orale*, Ed. Seuil, Paris, 1983.

TASUQELT



Arkawal²⁴

Abdenour HADJ-SAID

Yiwen wexxam annect-ilat, yezga-d deg yiwen uɛerqub ur d-qeɛtɛent ara wallen. Yesɛa snat n tewwura : yiwet tessekcama tayed tessufuy. Lyaci keččmen ifassen-nsen d ilmawen, tteffyen-d zenqen-d... Wehmey d acu !

Kubriy am wiyaɗ mebla ma ɣriy i wacu. Ayen i yiswehmen d annect-a : lyaci merra tturebban, hədɣen, yal wa yettraju nnuba-s war adegger ney acennef.

Am akken tezram, yur-ney, ulac annect-a, ulac ttrebga am akken qqaren ; yal wa yekkat amek ara d-yeffel nnig wiyaɗ, amek ara iɛeddi zzat n medden merra ! Tef wayagi i yid-tufam wehmey, ansi d-tekka leħdaqa-agi n wass-a ?!

Mi wwɗey yer tewwurt, deħrent-iyi tencirin, nnig-sent ɛellqent telwiħin uran fell-asent isekkilen n ugemmay. Ziye axxam-agi d amkan anda jemmen awal ; yeččur d awalen ; d AMAWAL n temdint-agi. Ttasen-d yimdanen ttawin ayen ara hwiġen deg wawalen i ddurt.

Mačči ala igugamen i d-yusan yer da ass-a, ney iqewqawen, llan ula d wid ur nesɛi ara acu ara d-inin, wid yettarran ifeɣɣ, tteawaden-d ayen d-nnan mebla ma ɣran ; llan diyen wid yeɣuqquten awal, xuɣšen-ten kra n wawalen.

²⁴ Traduction du : "Le Pacte". In : *La nuit sacrée* / Tahar Ben Jelloun, LAPHOMIC, 1988.

Am akken llan wid d-yettasen ttawin-d awal yef yixef n yilsawen-nsen maca yugi ad d-yeffey, dya ttmuqulen yer lemri ahat ad walin awal-nni i sen-icerqen ; llan diyen wid ur nezri ara d acu i hwağen, dya sfuğguyen kan, ur zran d acu d-qqaren ; wigad-agi iteddu yid-sen yiwen i wakken ad sen-imel tancirt i sen-ilaqen...

Lhaşun, axxam-agi yuḡal am teccuyt-nni yersen s ufella lkanun, trekkem, treddex...

Bdiy aḥewwes, mmlaley-d awalen yuli-ten uyebbar, rrsen wa yef wa. Ulac win i ten-yerčan. Drin d leşfuf, wwđen almi d ssqef. Ahat ulac win i ten-yessexdamen !

Ffyey-d ssyin, seg yiwet tewwurt teffer gar tencirin iyef rrsen wawalen yerzen ney iqdimen ur ssexdamen ara lyaci, llan diyen dinna wawalen ixesren, yummen s yiwet lfuda d tazeggayt.

Am akken di tmucuha-nni n zik, mi ldiy tawwurt-nni, ufiy-d iman-iw deg yiwet texxamt annect-ilatt, tecēel deg-s tafat am tin n uzal, ufiy-n din tulawin yal şşifa : tixemriyin, ticebhanin, tizeggayin, llant tmezyanin, d timelhanin, d tuzyinin, yal yiwet anta i d tamurt-is, yal ta ansi d-tekka. Ttawint ttarrant maca ur heddrent ara. Kra deg-sent qqiment am akken yerna-tent naddam. Kra nniđen nhewwalent, smuccuēent asafar-nni ttawint yid-sent.

Ziyeḡ d tagi i d tamkarđit n weyrem. Tusa-d yiwet tmelḡant yur-i, tenna-yi-d :

- Nekk d *Adolphe*... awi-yi yid-k, nekk d yiwet tmacahut n tayri, taggara-ines dir-itt ; d tagi i d ddunit...

Din din yusa-d yur-i lexyal n tmurt-nni n zzman iyef d-ḥekkun tamacahut-nni n yidlisen yeryan, dya i wakken ur tettruḡ ara tmusni-nni yellan deg-sen, yal amdan yehfed yiwen wedlis. Maca, dagi, mačči d annect-n. Dagi, d yiwet tkebbanit i yessexdamen tiḡdayin-agi s yidrimen. Win yebyan ad iyer adlis, ungal, tamacahut ney tamedyazt, ad d-iruh yer dagi, ad ixelleş u ad yawi yid-s yiwet teqcict ad s-d-yer adlis-nni teḡfed akken.

Yiwet tmeṭṭut teqqim yef yiwen umetreh, ur tzad ara di şşifa maca am akken tesca kra deg wallen-is ijebbed am ddkir. Mi qerrbey yur-s, tenna-yi-d :

- Nekkini d “Risalat lyufran”, yiwen udlis yellan d lsas, mačči aṭas i t-yeyran, uran-iyi deg useggas n 1033... Nek d adlis yuɛren...

Tamkardit-agi n yimdanen tella deg-s aṭas n tudert...
D ayen yessewhamen aṭas...

Mi ruḥey ad d-ffeyy, yusa-d yur-i yiwen umyar icettiḍen-is akk d icebḥanen, yehka-yi-d ar umezzuy :

- D leḥram ad terreḍ iman-ik d adlis. Nekk d ameyri kan, qqarey-d Leqran... Ur zmirey ara ad k-d-iniy nekk d Leqran, ur ilaq ara... Tura, ma tebyiḍ yiwen ad d-iyer kra n llayat yef walbaɛḍ n iẓekwan n yiqriben-ik, aql-i da...

D tamurt yessewhamen, izaden...



Taqezzumt²⁵

Ferhat TANSAWT

Tamdint n Yiyil n Zzman, tezga-d deg ssaḥel, iberdan-is serrḥen, lqaɛa tekna, ma d ixxamen mxallafen : inesbuyar bennun ixxamen-nsen annect n uşefşaf ; ma d igellilen bennun kan ayen i wumi zemren. Iberdan yettawin yer ssuq n temdint, ad ten-naf ččuren s yifellaḥen akked twaculin-nsen. Irgazen sdat n zzwayel, zzuyuren-ten, aɛrur yekna seg uxeddim n tyerza d uhuccu. Tilawim yer deffir, deg yiwen ufus dment aɛekkaz s wayes nehrent zzayla akken ad teɛjel, deg ufus-niden aɛellae anda i d-ffiyent tqerray n tyuzad ney n tebrikin... Gar lyaci-agi akk, yella yiwen n umyar ileḥḥu weḥd-s, acebbub d amellal, lqedd sseylin-t yiseggasen. Udem yekmec, iyaz d iderfan. Wagi d Dda Yidir. Yesɛa azal n sebɛin n yiseggasen deg leemmer-is. D yiwen ur nesci aḥbib, ala tasusmi i d arfiq-is. Asmi ara ad iɛeddi ur itt sellim yef yiwen, ur ihedder i yiwen. Tur-s medden uyalen akk d ingawanen²⁶, d ikeddaben, d imakuren...

Yiwen wass n Arim, deg waggur n Meyres, igenni yeşfa, abeḥri yekkat-d seg ugafa igellu-d s cwiṭ n tesmuḍi n ugrakal. Dda Yidir iruḥ yer ssuq, mi yewweḍ yer tlemmast n ubrid, iwala yer lqaɛa yiwet n tqezzumt, dya yekna ad tt-id-yeddem acku yeḥwağ-itt akken ad yeqqen yis-s tayaḍt-is. Mi

²⁵ Guy de MAUPASSANT, *La ficelle*.

²⁶ Wid iḥemmlen tanga (= *matérialistes*)

akken yekna, ifaq belli yella win i t-id-iwalan. Yerved-d aqerruy-is, yufa Mass Buhmal yettmuqul-it-id ; dya Dda Yidir yeffer taqezzunt-nni deg lğib n lbista-s, acku issetha mi t-id-iwala uɛdaw-is, yerna netta ijmeɛ-d deg walud yiwet n temrart ur neswi ssawiya. Dda Yidir, yuyal yekna yer lqaca ad inadi ayen-niden, akken ad as-ikellex i Mass Buhmal belli mačči d aya i yettnadi. Kra n tallit kan iruḥ yezɛef am wakken ur yufi ara ayen yebya.

Mi yewweḍ Dda Yidir yer usečču amezwaru, yekcem, yeqqim yer sdat n yiwet n ttabla i d-yezgan deg tlemmast n tzeqqa. Aqerruy-is yeččur seg wayen yeḍran seg tsebhit-nni. Maca axemmem-agi akk iḥbes-it ššut n ubendir i d-yekkan seg berra. Medden akk kkren kan akken aqemmuc yeččur s tgella ad zren d acu yellan. Ziy d ameddaḥ i d-iruheḥ akken ad asen-yini belli win yufan yiwet n ttezdamt deg ubrid yettawin yer ssuq, ad yeɛlem belli n Dda Azwaw, acku ssbeḥ-nni i as-truh. Dayen yenna-d belli win i tt-id-yerran ad yawi azgen n yidrimen yellan deg-s. Akken iɛdda uḍebbal, lyaci myal wa yuyal yer umkan-is, heddren yef ma yezmer ad tt-yaf ney xati, ma ad as-tt-id-rren ney ala. Kra kan n tallit ikcem-d yiwen n umestul d aɛlayan, yesteqsay ma yella dinna yiwen n umyar isem-is Dda Yidir akken ad t-idfer yer berra ; Dya ikker Dda Yidir, yetbeɛ-it, yenna-yas : “aql-ih, aql-ih a mmi”.

Mi yewweḍ Dda Yidir yer tyiwant, yekcem yer lbiru n Lmir, yufa yiwen n urgaz annect ila-t, aɛebbuḍ-is meqquer armi ur yezmir ara ad yerr tiqeffalin n lbista-s. Mi t-id-iwala yenteq-d :

- Ha-t-an Dda Yidir, mreḥba yes-k ! Sliy sbeḥ-agi fell-ak ayen ur iqebbel ara wallay n yal yiwen : Sliy belli tufiḍ tatezdamt n Dda Azwaw; maca ar tura ur tt-id-terriḍ ara. Dya imir-nni, Dda Yidir, yebren yiles-is, ur yezmir ad yesuffey ula d awal.

- Ah a Mass ! yax tesneḍ-iyi. Cukkey laɛmer iyi-d-tjebdeḍ lekdeb.

- Maca ula d Mass Buhmal laɛmer i s-d-jebdey. Imiren Dda Yidir ikkes-d seg lğib-is taqezzunt-nni i yufa, yenna-yas :

- A Mass d aya i yufiy i d-iwala jemɛey-t, iyil-it d tatezdamt.

- Maca iwala-k tettnadiḍ ayen-niḍen. Sakkin yezmer tettnadiḍ ayen i d-yeḡlin n ššerf. Tur-i ifakulen-agi ad ilin sehḡan. Dya Dda Yidir yezæef, yeffey-d s tyita n tewwurt . Berra, yufa-d aṭas n lyaci sseqsayen-t yef wayen yeḍran. Kra seg-sen žran d acu yeḍran, maca steqsayen-t akken ad msexren fell-as.

Lyaci akk žran d acu yeḍran, lexbar yezrec am yiṭij yettdeggiren irriqen-is deg yal tama ; yal win ara d-iæeddin, yal win ara yemlil deg ubrid ney yesseqreb yef tewwurt n uxxam-is, Dda Yidir ad as-yeḡku ayen i yas-yeḍran. Tameddit, wammag ad iruḡ ad yesteefu, netta xaṭi ; yewwi kra n yirgazen yesken-asen amkan anda i yufa taqezzunt-nni. Ass-nni ur yetṭis ara akk, yeffey ula yer tuddar-niḍen akken ad asen-yeḡku. Maca, ala wid ur t-numin ara i yufa. Iyaḍ-it lḡal aṭas !

Azekka-nni ssbeḡ, yiwen n ufellaḡ isem-is Muḡend, yewwi taṭezdamt yer tyiwant. Ziy d tina i iruḡen. Mi yesla Dda Yidir s waya, iruḡ iḡekku i lyaci tikkelt-niḍen ayen i as-yeḍran, yeqqar-asen : “ twalam ! nniy-awen belli mačči d nek, maca kunwi tugim ad iyi-tamnem, d aya i iyi-iyaden”. Ar tura ulac win i t-yettammen. Filen d netta i tt-yewwin i Muḡend, ixelles-it akken ad tt-yerr yer tyiwant.

Dda Yidir ikemmel tudert-is deg leybayen. Ul-is yeknef imi yas-cellen ayen ur yexdim.

Mi tebda tegrest, yeqqim deg wussu, ur yezmir ara ad yekker. Ziyeḉ d lmut i t-id- yewwden. Mi yebda Yennayer, tuyal lamana yer bab-is. Dda Yidir yemmut, netta yeqqar-as i yiwen n lḡar-is : “ A-t-an d taqezzunt i yufiy deg ubrid n ssuq mačči d taṭezdamt. Nek mačči d akeddab, mačči d amakur”. Mazal yetteawad-awalen-agi almi i as-yeffey nnefs aneggaru.

Dya seg wass-nni, lyaci n Yiḡil n Zzman akked tuddar i as-d-izzin ttawwin Dda Yidir d amedya i umdan iḡemmelen tidet, i win ur nettaḡa ara ad as-sneṭden ayen ur yexdim ara d win ur nettaḡa ara ad ssamsen nnif-is.

TAZURI



Talalit d gemmu n tbunsayt

Smail ABDENBI

Seg d nemmeslay s tewzel yef tlalit n tbunsayt, tura ad nuyal yer gemmu-s. Amek sbunsuyen inazuren tabunsayt-nsen ? Tabunsayt, am akk isekla yeddren deg ugama*, teḥwaḡ tafat n yiṭij, azwel*, akal, taẓyelt* d waman. Nnig waya, tabunsayt teḥwaḡ dayen ad d-nelhi yid-s xir n n useklu* yeddren deg ugama. Acku aseṣrec* useklu d gemmu-s deg uḥabus yessenyas atas si lḡehd n tbunsayt, yettarra-tt d turhif*. Ma ur d-nelhi ara yid-s ur tt-nḥuder ara, ad temmet. Ihi, ilaq ad neḍfer akken ilaq iwellihen imezwura n gemmu ma neḃya ad tedder tbunsayt-nney, ad tt-id-afent tsutwin d-iteddun.

Agbur :

- 1- Aneqqel n tbunsayt
 - a- Anamek n wawal aneqqel
 - b- Acuyer i nettneqqil tabunsayt ?
 - c- Akud n uneqqel
 - d- Adeg n uneqqel
 - e- Ifecka n umahil*
 - f- Azizdeg n izuran
- 2- Afras n izuran
 - a- Izura
 - b- Acuyer i nferres izuran ?
 - c- Ifecka n wefras
 - d- Amek d yettili wefras ?

- 3- Aḥabus n wakal
 - a- Acu i wumi qqaren aḥabus
 - b- Afran n uḥabus
- 4- Aheggi n wakal
 - a- Afran n wakal
 - b- Ifecka n umahil
 - c- Aheggi n uḥabus
 - d- Uẓu n tbunsayt
- 5- Asway n tbunsayt
 - a- Aman
 - b- Akud n wesway
 - c- Ifecka n wesway
 - d- Asway s ucucef
- 6- Adeg n trusi n tbunsayt
 - a- Tazyelt
 - b- Tafat n yiṭij
 - c- Azwel
- 7- Aqissi n tbunsayt
 - a- Aqissi n temyer n tbunsayt
 - b- Lmizan n teyzi n tbunsayt
- 8- Leṣmer n tbunsayt
- 9- Amawal



Chokkan



Bankan



Han-Kengai



Kengai



Shakan



Hokidachi



Sekijoju



Bunjingi

1- Aneqqel n tbunsayt (le renpotage)

a- Anamek n wawal aneqqel

Aneqqel, anamak-is d abeddel n wemdiq, d tuksa n tyawsa seg wemdiq ika ad tt-ner yer wemdiq nniḍen. Aneqqel, d awal sseqdacen wid i y-d-yezwaren deg waṭas n liḥalat. Qqaren At zik : Ad d-neqqley aseklū seg wegdi yer wayeḍ. Yella dayen uneqqel ula deg wurar n tiddas, neqqar-as : Nneqla. Ma rsen sin itelliten ney sin imekraḍen wa tama n wa, sakin abay n flemmas, ad yettruḥu yettuṭyal-d seg umekraḍ yer wayeḍ. Ulac din ccek d bab n nneqla ay rebḥen. Di tẓuri n ubunsay, aneqqel yettili-d di snat liḥalat. Ma d neqlee tabunsayt n uḡama seg wakal n tqaeṭ ika ad tt-nezzu deg wakal n uḥabus. Neqqar dayen aneqqel ma d nekkas tabunsayt seg uḥabus ad tt-ner s aḥabus nniḍen. Ma nefka-d amedya ad nini : Neqqley tabunsayt seg uḥabus-is mezzziyen rriy-tt yer win meqqren. S imeslayen nniḍen, nbeddel aḥabus i tbunsay, nekkas-itt seg wemdiq nerra-tt yer wayeḍ. Amahila neqqar-as : Aneqqel.

b- Acuyer i nettneqqil tabunsayt ?

Nettneqqil tabunsayt i lmend n kraḍ tyawsiwin. Tamezwarut, yal ma n-neqqel tabunsayt-nney nferres-as iẓuran. Tin yer-s, ilaq ad nettbeddil akal-nni i yef tedder tbunsayt yal ma tt-neqqel. Acku akal, keffun-as iferdisen n wuṭci n tbunsayt. Yezmer ad d-yili dayen uneqqel i lmend n wefran n uḥabus. Tas deg tazwara ntezzu tabunsayt-nney deg uḥabus menwala. Aya yettili-d deg ukud amezwazu kan, simi a teqeed tbunsayt ad tesɛu tazmert i wesbunsuy n unazur. Sakin, nesrusuy tabunsayt deg uḥabus yeddan ney iwatan ayanib i yesbunsuy unazur.

c- Akud n uneqqel

Yettili-d uneqqel n tbunsayt yal aseggas. Tikwal, nettneqqil yal sin (2) ney kraḍ (3) iseggasen. Lxilaf-a icud yer win yellan gar yal talmest n useklū. Aneqqel dayen yesɛa akud. Deg useggas, yettili-d uneqqel gar waggur n yebrir d yunyu, deg tefsut. Maca qbel ad teḡḡuḡḡeg tbunsayt. Yal talmest n useklū

tesca akud-is. Ma yella-d uneqqel deg wagguren nniden yexdan wid d-nudder, ulac din ccek ad k-teqqar ney ad k-temmet tbunsayt-ik. Gef waya ilaq ad n-issin akken ilaq akud n uneqqel n yal talmest bunsayt, acku mgaradent.

d- Adeg n umahil

Aheggi n wadeg umahil yettili-d d amezwaru. I wid yettmahalen deg wexxam, ad nefren ttabla yescan litte yehwağ uneqqel-nney. Sakin, ad s-nessu abehnuq ur nehwağ ara ney isehtar n weymis. Akka, ma d-yedru uneqqel, ur nessamas ara amdiq n umahil. Ma d wid yescan litte amedya n tebhirt, wi, ur sein ara ugur n wammus d-yettawi wakal. Acu kan ilaq ad fernen amdiq yeddurin itij. Sakin, ad d-nsers ifecka n umahil. Fur-wat, ma tekrem ad tneqqlem tabunsayt ur tt-swayet ara. Acku akal ma yebzeg, ad yuyal inetted am urekti. Akal ibezgen, inetted yef izuran, iweeer wefrad-is. Ma yebzeg wakal dayen, yesselfad s ilefdan-is akk ayen s-d-yezzin. Ilaq ad yili wakal yekkaw ika ad yettefruri, ad yishil i umahil.

e- Ifecka n umahil

Qbel ad nebdu aneqqel n tbunsayt, ilaq ad nheggi ifecka iss nezmer ad nmahel. Nettehwiği s umata sin (2) ifecka. Afecku amezwaru d anebbac ney tezmer ad tili d taxebbaat. Anebbac, d aqeccad n wesyar inejren yeqdan. Nezmer ad t-id-nekkes seg wesyar, nezmer dayen ad t-id-nekkes si tqeclalt n uyanim. Iswi n ufecku-a, d ferru izuran seg akal ney d tuksa n wakal seg izuran-nni yezdan am uzeṭṭa n tissist. Nesseqdac dayen ayen i umi neqqar taxebbaat. Tga am tfettust yescan yiwen (1), tikwal sin (2) ney kraḍ (3) idudan n wuzzal yeqdan. Talya* n yeyfawen n idudan n txebbaat-a, knan am uqamum n yigider. Tesca dayen tafettust i seg yezmer ad tt-yettef wemdan. Afecku wis sin (2), d talwaht n ufus. D talwaht mezziyen telha i werfad d trusi n wakal. Ilaq ad nheggi dayen i taggara n umahil ijeqduren n tarda, acku ad ten-nehwiğ i tarda ifassen-nney d ifecka nesseqdec deg umahil.

f- Azizdeg n izuran

Ma d nekkas tabunsayt seg uḥabus, ad yeddu wakal d izuran neṭṭen am zun akken d yiwet n tfekka. S unebbac d nudder usawen iss a d nekkas akal si gar izuran. Cwiṭ cwiṭ i ilaq ad nekkas akal. Ilaq ad nḥader yef izuran ur ten-jerreḥ ara ma d nsefruruy akal. Mi nzazdeg izuran seg wakal, ad ten-ger deg waman ika ad yefsi akk wakal d yegran. Sakin, ad tt-nhuc ika ad d-ngin waman. Mi yekfa umahil-a, ad yebdu wefras n izuran.



2- Afras n izuran (La taille des racines)

a- İzuran

Izuran s umata, d-ayen yerra wakal yer ddaw-as. Ulac izuran izemren ad ddren nnig wakal. Acu kan llan kra n šsenf isekla xulfen. Tas sean izuran yentan deg wakal, kra isekla berrun-d i yizuran seg ifurkan-nsen. Am imurar i d-ttaeluluqen, sakin keččmen deg wakal. Llan dayen izura d yettifriren yef wakal. Am tissist, zzaden azeṭṭa-nsen ddaw wakal d nnig wakal. Ika ad yaf useklu ayen yehwağ iferdisenn wučči-s, yezzeyzaf izuran-is, ttruhun deg wakal d timrawin n lmitrat. Aya yelha i unadi yef wučči. Ihi nezmer ad nini belli tameddurt n useklu s umata ters yef izuran-is. İzuran si tama, d nitni i yessawađen

akk iferdisen teḥwaḡ tbunsayt i tmeddurt-is. Ttummun-d iferdisen teḥwaḡ tbunsayt seg waman d wakal. Si tama nniden, d nitni i yettaṭṭafen aseklū deg wakal ika ur t-yettawi ara waḡu ma d iṣuḡ. D izura dayen iyettaṭṭafen aseklū ika ur iyelli ara si tazeyt n yemdanen t-yettalin. Anda a yilin izuran, ttaṭṭafen akal ika ur t-ttawin ara waman ugeffur ney isyaxen n tegrest.

b- Acuyer i nferres izuran ?

Tabunsayt s umata tgemmu am useklū deg ugama. D afras n tefrakt* d izuran-is i la yesseyracen*aseklū, yettarra-t d tabunsayt. Akken teḥwaḡ tefrakt n tbunsayt afras i ḥwaḡen ula d izuran. Afras yesḡa sin (2) yeswan. Tamezwarut, d amuḡel s izuran ma yella ur uḡinen ara ney ulac wid yerkan ika ad ten-nekkes. Acku mačči yiwen waṭan i zemren ad ten-aḡnen izuran n tbunsayt. Ma d yili uneqqel, am wemsuji, nettfaras tagnit ad nadi ma yella wuḡur ika ad s-d-naf tifat. Ur ilaq ara ad iferreṭ wemdan. Yal aṭan yezmer ad iney tabunsayt-nney. Iswi wis sin n wefras, d asenyes n teyzi n izuran n tbunsayt ika, si tama, ad tebbuḥru, acku ma gten izuran deg uḡabusṣi ad temmet seg utiqqef. Si tama nniden, afras n izuran d netta i yesseyracen tabunsayt-nney.

c- Ifecka n wefras

Afras n izuran yehwaḡ ukuz (4) ifecka. Afecku amezwaru d timḡessin iss ngezzem izura rqiḡen. Timḡessin-a mačči d tid n menwala... Tas mezziyit, maca timḡessin n wefras di tzuri n ubunsay d tid iḡehden yeqḡan akken ilaq. Afecku wis sin (2) d akellab, ngezzem yess izuran izuranen i umi ur zmirent ara temḡessin. Afecku wis kraḡ (3), d talwaḡ mezziyen n ufus. Talwaḡt ufus, am akken d nenna usawen, telha i werfad n wakal ma nekker ad nezzu tabunsayt-nney di taggara n wefras. Afecku aneggaru ney wis ukuz (4), d amerwed. yelha i wefraḡ n wakal di taggara n umahil.

d- Amek d yettili wefras ?

Afras n izuran llant deg-s s umata kraḡ (3) tyawsiwin. Tamezwarut, d agzam n izuran yuḡnen. Tzemrem ad t-afem

ažar yerkan, yettuyal yini-s d aberkan. Agzam-is ilaq ad yili si lsas. Ma yella d ažar rqiŋen, agzam-is s temqessin; ma yella zur, s ukellab. Tayawsa tis snat i yettilin deg wefras, d agzam n teyzi n ižuran. Yal ma nefres, ngezzem aħric wis krađ 1/3 seg teyzi n užar. Tayawsa tis krađ (3), d asenyas n ižuran. Ma gten ižuran deg uħabus, tsiqqifen tabunsayt, sakin ad temmet. Ihi, d ižuran rqiŋen ney d wid zuren, ma nebya ad tebbuħru tbunsayt-nney, ilaq ad nekkes s umata aħric wis krađ 1/3 seg wayen yellan ižuran. Akka, ad gmun ižuran n tbunsayt war uguren d wařanen.

3- Aħabus n wakal (Le pot)

~ Acu i wumi neqqaren aħabus

Aħabus, kra qqaren-as aceqquf, d ajeqdur ney d aqbuc yeflan i neččaččar d akal ika ad nežzu deg-s imyan. Yettili s umata deg yexxamen, tikwal nettaf-it ula di tebhirin. Talya n uħabus mačči d yiwet. Llan iħubas yescan talya n ukerdis, n umkuž ney am twinest...atg Maca deg yiwet n talya n uħabus nezmer ad naf ameqqran d umežyan, ayezfan d uwezlan, ahrawan d werqaq, afran icud yer temyer n tbunsayt. Iħabusen-a s umata ttwaxedmen s ideqqi, tikawal s blastik. Llan ula d wid tettwaxedmen s wuzzal. Ugar, di tžuri n ubunsay, aħabus yezmer ad yili d ašlađ n wežru i yef a nsers akal, sakin ad nežzu tibunsayin-nney. Nezmer ad ner taqedduħt n wučči d aħabus. Abeđda tiqedħin n ideqqi, cebħen ařas. Ad neyz awriz di tqejmurt n wesyar, ad t-neččar d akal, ad nežzu deg-s ayen nebya. Atan twalam mačči yiwen uħabus i yellan. Ula d ažru nezmer ad s-neyz axjiđ a neččar d akal, ad yuyal d aħabus. Di liħala am ta, muqlet amek ddren isekla, amedya yelhan d win a d-nawi seg ugama. Tidet-is, ulac tilas i wesnulfu n wemdan.



Amawal

Agama	La nature
Azwel	L'air
Tazyelt	La température
Aseklü	L'arbre
Uyric	Nain
Urhif	Fragile
Amahil	Travail
Unşib	Officiel
Asumer	Proposition
Tafrakt	Ramure
Talya	La forme
Asalay	Musée
Amerwed	Pinceau



TULLIST



Seg usigna yer tillas

Nacera KEDDACHE

Tbedd yer lemri, la tettmuqul iman-is acu ideg txuṣṣ, acuyer zzher-is yekḥes ? Aniwer terra teyleq fell-as, tmuqel tmeyyez, testeḡsa iman-is : acuyer ?

Jeḡḡiga tekker-d am nettat am yal taqcict, tlul-d ur friḥen ara yimawlan-is acku d taqcict mačči d aqcic. Zrin wussan timyur. Tennerna, ulac leḥnana n yimawlan, tella yal ass di rrif, tenwa talwit ahat yiwen was ad d-tissin abrid yer yur-s. Tedder s usirem, tewwi-d iseggasen-is deg uyerbaz s tmara gar ccyel n uxxam d leqraya, telḥeq yer yiswi-ines yas akken s lḥif d lexṣaṣ.

D tanzayt n ssebt tekker am leṣwayed-is abrid-is yer Tizi Wezzu, mi telḥaq truḥ srid yer tmezduyt n teḥdayin Medduḥa, mi telḥeq yer texxam-is temsalam d tmeddukalis tenṭeq Karima tenna-as :

- Amek tesceddaḍ l'week-end ?

Tarra-as Jeḡḡiga :

- Rien de spécial am yal l'week-end, iwḍey sellmey yef yemma d yessetma, ma d baba d watmaten-iw ur d-keččmen ara alami d tameddit, yerna tezrid amek ? Yal yiwen deg wadeg-is ulac awal, ulac sin ur am-d-qqaren amek tellid, ur zrin ma teddreḍ ney ala, azekka-nni d lḡemača d ass n udewwec d tarda n yicetṭiden, dya yekfa l'week-end.

Tenṭeq Anissa tenna-as :

- Nekk qqimey di la cité akked Samiyya yiwen l'angoisse d aberkan maca lexmis fkan-d seksu d poulet, la chaîne

muqqret aṭas, ur t-nečči ara alarmi i d-yeffey deg-ntey.

Syen mi testeṭfa kra n wakud teffey-d yer l'arrēt de bus yettawin yer Ḥesnawa, hata yusa-d le bus yekker-itt umdegger gar-as d tnelmadin nniḍen, tuli sac-is yeqqim-d deg berra armi s lhif akken i t-terra yur-s, mi telheq yer Ḥesnawa terra yer uḡaduz anda teqqar deg ubrid-is temlal-d d kra n yinelmaden mbaddalen azul, yal yiwen ikemmel abrid-s.

Imi tella Jeḡḡiga deg useggas-is aneggaru ad txeddem amémoire de fin d'étude tetthwaḡ aṭas tamkardit, acku tetṭef asentel yewwēr ciṭ imi mačči dayen i texdem yef aya tsexedem aṭas laṭtab deg-s, yal ass d amxebaḍ deg yiyeblan n leqraya.

Yuyal yiḍ d ass fella-as imi ikemmel-as-d waḍu n tayri i wumi thulfa si tazwara n useggas imi d ameddakel-is, ur tezgil ula d yiwen wass tiyimit yid-s, themmel ad t-tettmuqul netta ad yessefham, themmel thbea-s, themmel amek ilehhu, amek ihedder, tejmeṭ-it kan i yiman-is hedd ur yezri, tezga tettruḥ yer yur-s yal mi ara tehwiḡ tayawsa ney aziwen deg umémoir-ines, tkemmel akken, yal mi ara txaq ad tnadi fell-as armi d yiwen was tenna-as :

- A Middur ma ulac uyilif ad ak-d-fkey yiwen usteqsi yeffey cwiyya yef ukatay-agi i nxeddem ?

Yerra-as :

- Ulac deg-s tzemred.

Tenna-as :

- A yadra tettamneḍ s tayri ney ala ? ma yella tayri tella ney d ayen kan i nettxayal ?

Yarra-as-d :

- Tayri d aḥulfu yelhan aṭas, maca yal yiwen d amek i t-yewwet wugur-ines, d tidet d ayen yellan i ttidiren yimdanen. Netta armi d assen i yegza acuyer tezga tettnadi fell-as yuyal ula d netta yarra lwelha-s yer Jeḡḡiga, izga yettales-as iyeblan i t-iceyben, ixeddem ayen i wumi yezmer akken ad ad-yili ilmandad.

Jeḡḡiga tefreḥ (tumer) imi tella yid-s tuyal-as-d teḍsa d unecraḥ yer wul-is ayen akken i tessarem yer urgaz tufa-t themmel ad t-twali, themmel ad as-teqqim yer yidis-is yal ass

yeqqar-as hemmley-kem maca ur tumin ara ayen sellen yimezzuyen-is, yiwen wass yenna-as :

- Ini-yi-d ma themmled-yi.

Tenna-as Jeggiga :

A yadra lukan ur k-hemmley ara ma ad d-ttnadiy fell-ak yal ass, ma ad k-id-tthennicey yur-i mi ara k-waliy, lukan ur k-hemmley ara ad ak-ggey...?

Zrin wussan d wagguren Jeggiga tessuli tizriwin-is di tseddawit, d lawan ad tegg timeddukul-is ukud tescedda açal d aseggas ad d-qqimen hala aktayen d wayen akk i ayent-yezdin ama yelha, ama dir-it, d lawan diyen ad tegg Meddur i s-d-yefkan afus n tallelt, yef waya txemmem d yiman-is tenna:

- Abrid d Meddur ur yessufuy ara, ney ad iyi-ssufey hala yer yimetti d lehzen. Ilaq ihulfan-iw ad qqimen kan dagi di tseddawit, tura ad nnejmaey s axxam, kullec ad d-yas d amaynut, ilaq-iyi ad t-ttuy akken yebyu zzay fell-i lhal, ad eeddin wussan ad ttuy zriy d awezyi ad yili i nekk.

D tidet Jeggiga texdem ayen akken txemmem, mi d-tiwwed yer uxxam tura-as tabrat.

- Azul, ssamey ad tilid di lehna nekk aql-i mmuyebney macçi d kra, yerwi lmuw-iw, rnu yer waya lehzen d wurfan zedyen ul-iw, xemmey atas yer wayen i y-yezdin, ayen i yi-icudden yer-k yal ass yettezzi-d, ayen ttulfuy yer tama-k ilaq-iyi ad as-rrey tilas, maca ugadey seg uzekka yef waya yal yiwen deg-ney ad yay abrid-is iberdan-nney ur ddukklen ara, nekk ur ttezziy ara yer Tizi Wezzu aka ur yi-tettwalid ur k-ttwaliy, ad k-ttuy, ihi ad ak-ssirmey tudert yelhan afud igerrzen di leccyal-ik.

Ihi tceyyee-as-tt deg wallal n usiwel amsawal (le portable), temdel-it akken ur d-yessawal, ara imi tasa-s hninet ameslay syur-s ad as-tebru i yiman-is, yeqqim umsawal-ines yemdel, tenna ad eeddin wussan ad nesber. Teqqim Jeggiga d rray-is terra-tt i lweed n yimetti yef zzher-is iæksen lebyi-s temeahad d yiman-is hala Meddur ara yeffyen seg tudert-is.

Ƨeddan wussan d wuɗan ul-is ur s-yefki lehna, yezga yesteqsay yef uɛziz n tasa. Mi telli Jeggiga amsawal-ines uɛtun amezwaru d win n Meddur, terfed-it-id uqbel ad as-terr awal

terra-d nnehta teffey-d seg yizuran n wul-is, tenna-as uqbel ad d-yenteq :

- Ad d-iniy ayen yellan tufid-t deg tebrat-nni, i wacu i d-tessawled ?

Meddur yenna-as :

- Hess-iyi-d ad am-d-iniy kan yiwen umeslay, menyif ad d-truheḍ ad nutlay (nemmeslay) ney ad d-ruheḍ yer wadeg n umahil-inem, ur ilaq ara ad-iyi-tegḡeḍ kan akka.

Tenna-as Jeḡḡiga s tayect-is iḥeznen :

- Dayen, d nekk ara n-yasen, kkes ayilif ur tqelliq ara iman-ik azekka ad as-iniy i unemhal-inu ad iyi-d-yefk yiwen wass i wakken ad n-ruheḍ yur-k.

Jeḡḡiga teḥseb akud s dqayeq i wakken ad d-yawed wass-nni. Atan ilheq-d wass-nni i tettraḡu, tekker zik teṭṭef lkar yettawin srid yer Tizi Wezzu, ur teẓri ma ad teḍs ney ad tru imi d win cedhant wallen ara twali, netta si tama-s ur yeṣbir ara fell-as yal akud yessawal-as-d, anda tellid ?

Mi telheq yur-s tebra i wallen-is, thar ma ad t-id-thennec yur-s ney ad terr iḥulfan-is yer dixel, ihi yuza-d yur-s yemsalam yid-s, ssyen ula d netta ur yeṣbir ara fell-as, yeṭṭef-itt-id gar yifassen-is yezzem-itt-id yer yidmaren-is yenna-s :

- Jjmeḃ-kem, jjmeḃ-kem, i wacu tebyid ad iyi-tegḡeḍ ?

Jeḡḡiga tarra-as :

- Ula d nekk cedhay-k maca i wacu ad nessemrat deg yiman-nney imi d awezyi ad nili akken.

Yerra-as Meddur :

- Amek teẓrid dakken ur nettili ara akken, yella yiwen wugur lukan ad t-id-fruy ass-a azekka ad n-asey s axxam-nwen, wissen kan ma ad iyi-qeblen yimawlan-im.

Jeḡḡiga tefka-as laman, terra imeslayen-is deg lbal-is thulfa s yimeslayen-nni hlawen yer wul, nettat si lḡiha-s tefka-as tayri yeṣfan xas akken tugdi yef uzekka tekcem-itt xarṣum ad as-tefk ciṭ n wayen yelhan.

Kemlen wussan n Jeḡḡiga d Meddur deg teḍsa d zzhu d tumert yal yiwen isenned yer wayeḍ, ttun akk iyeblan i sen-d-yezzin, tifsus teswiṭ zzayen fell-asen si tayri ira iḥemmel Jeḡḡiga ayen akken tettargu aḥal d aseggas yerra-as-d d tilawt, yal amkan yal tiymert ruḥen yur-s ssayen tismen i yal

win i ten-iwalan, ttwalin-ten d azamul n lferḥ, ttarran nnecraḥa yer wulawen icuḍen zgan akkenni afus deg ufus.

Yiwen wass deg wussan tettidir Jeḡḡiga di lferḥ iṣuna uportable-ines, macca nnumru ur d-iban ara (appel masqué), terfed tenna-as :

- Alu, anwa ?

D teyect n tmeṭṭut tenna-as-d :

- Nekk d yiwet yessnen mliḥ Meddur, sliy aql-ikem yid-s, ur zriy ara acu i ken-yezdin maca ilaq ad tezreḍ anda ara teggareḍ idarren-im.

Tenna-as Jeḡḡiga :

- Anta-kem ma ulac uyilif.

Tenna-as-d :

- Ur tṭhewis ara ad tezreḍ anta, zer kan dakken argaz-nni akked teddukuleḍ d yiwen ur yelhi ara, ur am-yessawaḍ ara tameddit, imi yesṣa taxḍibt yas, yennuy yid-s maṣna iḥemmel-itt akken tebya ddunit tḍul ad yemsuyal yid-s yer taggara, nekk aql-i nniy-am kemm muḡel acu ara txedmed.

Ur tekfi ara awal-is teqcict-nni i d-yessawlen Jeḡḡiga tserreḥ-as i uportable-ines yeyli yefsuset, teṭṭef aqerru-s tnuda yef leḡel-is ur t-tufi ara, ur tezri amek ara tqabel tamsalt-a yeyli-d yid yef wallen-is, tuli-tt-id tfasixt teyli deg wagens, tuzzel-d ultma-s tger-as ciṭ n rriḥa yer wanzaren-is teldi-d allen-is, terfed-itt yer wusu, testeḡsa-tt acu yellan, Jeḡḡiga teggugem tugi ad d-tenteḡ, mi teffey ultma-s tserreḥ i tregwa n yimeṭṭi, tettmeslay d yiman-is : acuyer ? Yak d leḥmala i t-hemmley, yak d ayen yelhan i s-buddey, yak yella yefreḥ yid-i ! acuyer yurar s wafrayen-inu ? acuyer ? acuyer yenya taḍsa-nni yellan i lebda deg wudem-iw terra tettxemmim ur tufi ara s wayes ara tqabel tidet i qerḥen, ur tufi ara s wayes ara tettu ayen akken tesla, ur tufi ara s wayes ara tessexsi taḥaruqt i isayen deg wul-is, tusa-tt-id yiwet n tikti, truḥ teddem-d tabwaṭ n tkaciyin n tḡuni i tuy ittnawal-itent jeddi-s, tesseblec melba leḥsab, teyli yer wusu tgen, imawlan-is ttraḡun ad d-tekker ulac, yemma-s tessefqed-itt si tikkelt yer tayed, tettawi-as kra n tḡulla maca Jeḡḡiga ur tettet ur tses teqqar-d kan eḡḡi-iyi ad tṭsey imawlan-is wehmen amek iga umdan-agi ara yegnen am yid am wass, ulac tanekra.

Ʒeddan sin wussan nettat deg wusu, mi d teldi-d allen-is ruhen-d imeslayen-nni tesla ylin-as-d imeṭṭawen amek ara texdem ? Ad t-tegḡ tenṭer ur tessi ara ṣṣber fella-s, ad tkemmel yid-s timliliyin uyalent messusit.

Teqqim aḥal d ussan urtezri ara Meddur, netta yas yebya ad inadi fell-as ur yufi amek, amsawal-ines yeyleq, timedduk-al-is ur tt-ttwalint ara imir yerra-tt ala i tissin n ccrab, am uzal am yid yeṣker, ur yefhim ara i wacu iyab lexbar n Jeḡḡiga, ur yezri ara ma tedder ney temmut yeṣber yeqqim armi d yiwen wass telheq-it-id tebrat yer umsawal-ines di tazwara ur yezri ara anwa i d amazan imi nnumru d amaynut armi d taggara yegza dakken d tin akken yetnadi aḥal d ass, tenna-as :

- Ur ndimey ara mi k-ḥemmley nedmey mi k-d-begney iḥulfan-iw d wayen yellan deg wul-iw, lukan i ḡḡiy kullec yur-i tili ass-a tiyita-k ur yi-ttesskaw ara ifadden, tili ur iyi-ttyimi ara lgerḥ-ik deg wul-iw yal ass iqqaz irennu tettkellixed-iyi s yimeslayen yiley d tidet ṭhemmed-iyi.

Meddur ur yefhim ara acu tebya ad as-d-tini di tebrat-agi akken yekfa tayuri yessawel-as :

- Alu, Jeḡḡiga ? Amek tellid ? Aḥal aya ur d-iban ara lexbar-im d lxir kan.

Terra-as Jeḡḡiga :

- Ayen akka turared s wafrayen-iw rnu ad theddred, tfaqed-iyi ḥemmley-k txedmed rray-ik deg-i ? Maca byiy kan ad zrey acu i d-tesfaydad mi tesruhed tizedt i wussan-iw.

Yerra-as :

- Fiḥel ma tesxaqed iman-im ad nemlil ad am-d-sfehmay kullec, ur ttetṭil ara kan fell-i.

Mi i d-yedḥa wass n temlilit Jeḡḡiga tcebbeḥ iman-is ur tebyi ara ad tesbeggen dakken tecca tiyita si tama-s tugad limer ad tt-yehqer. Mi tewwed yer-s tenna-as :

- Ini-yi-d ma yella uklaley leyder si lḡiha-k ? Ini-yi-d i wacu i yi-tferved nekk gar wachal n teḥdayin i wakken ad tettud iyeblan i k-yezdin akked texdibt-ik ? Tmuqled kan acu yeffyen fell-ak melba ma twalad yer taggara anda ara d-ggriy, mel-iyi amek tga tasa tescid mi tkellxed fell-i...

Igzem-as-d awal Meddur yanna-as :

- Ala ! Xaṭi ur kellxey ara fell-am, d tidet ḥemmley-kem maca mačči akken i yi-ṭhemmed, d tidet ḥemmley taxḍibt-iw, maca ula d kemm tesēiḍ azal yur-i.

Tenna-as imeslayen-nni tekka-d tawwurt teffey-d allen-is ḥčurent-d d imeṭṭawen, ma d ul-is yezder di temda n leḥzen, fleḥḥu thedder d yiman-is teqqar :

- Ferḥey (umrey) icreq-d yiṭij tefrari tagut, ziy mazal fell-i ṭṭlam, asigna iyumm temzi ay ul-iw ššber ur ttru, deg unyir-iw akka i yura, win i wumi fkiy taḍsa yarra-yi-d imeṭṭi d ššaba, di ddunit lferḥ-iw yenṭel rran-as timedlin wid ḥemmley, a yadra ma i ḥulfa s lectab-iw ?

Jegḡiga fleḥḥu ur teẓri s anda ara terr, themmel kan deg yiberdan n Tizi Wezzu, testeqsay iman-is :

- Acuyer win ezizen fell-i yerkeḍ iḥulfan-iw ur yefki ara azal i wayen akk i y-yezdin.

Mi truḥ ad d-tezger abrid ur tmuqel anda tella, ur twala akin d wakka, armi i d tufa-d iman-is gar yigenni d lqaa, tewwet-itt tkerrust, ur teẓri anda tedda, teẓzel di tmurt zzin-as akk medden yal yiwen acu i la d-yeqqar, inṭeq yiwen yenna-as :

- Wissen ma ad teslek ?

Yerra-d wayeḍ :

- Meskint akken ur tuklal.

Inṭeq-d wis kraḍ :

- Acku lqum-agi n tura ddehhimen kan ur ttwalin ara abrid uqbel ad gezmen.

Ma d aneḥhar n tkerrust-nni iggugem kan yettwali yer teqcict-nni werray wudem-is si lefqeṯ yeqqim.

Telḥeq-d lambulance terfed-itt yer sbiṭar, wwin-tt srid yer lkuma, teqqim ddurt deg-s, mi teslek si lmut ssufyen-tt-id yer texxamt weḥd-s anda tezmer twacult-is ad tt-twali.

Mi d-teldi Jegḡiga allen-is twala-d akk tawacult-is tezzi-as-d yemma-s, baba-s yessetma-s d watmaten-is, leemum-s d kra n tmeddukul-is, tessik tiṭ fell-asen yiwen yiwen ḥala Meddur i ixuṣšen ulac-it gar twacult-is, imir kan tenna-as :

- Ziy ḥala Meddur i d aberrani, win i wumi fkiy tarwiḥt-iw i ixuṣšen.

Tezzi yer yemma-s yettrun tenna-as :

- Ur ttaggad ara a yemma tsefdeḍ imeṭṭawen-im ad ḥluy ad uyaley am zik ney xir, ayen akka i yi-yedran isbeggen-iyi-d win iyi-iḥemmlen d win ur d-yeclieen ara deg-i, ihi ḥbes imeṭṭi yelli-m ass-a i d-tlul dya tezmi-tt-id yer yur-s teqqim aḥal d ass di sbiṭar, Meddur ulac lexbar-is, mi teḥla teffey si sbiṭar, truḥ tnuda yef Meddur mi mqabalen yenteq yur-s :

- Amek tellid a Jeggiga ?

Terra-as :

- Swal fell-ak ?

Yenna-as :

- Nekk aql-i bxir uyaley msefhamey akked texdibt-iw, tawacult-iw iferqen tuyal-d yer lašel-is.

Terra-as :

- Tesqid lḥeqq, kečč i k-inefēen ḥala taxdibt-ik d wexxam-ik, ma d nekk segmi i d-ffey si sbiṭar ufiy dakken yelṭey atas di leḥmala i k-ḥemmley rnu yer waya tudert mačči kan d leḥmala, mačči kan d Meddur i wumi fkiy iḥulfan-iw, win i wumi fkiy tarwiḥt-iw d rruḥ-iw tudert d tezmert uqbel kulci armi qrib i truḥ i zriy azal-is tudert d twacult-iw d nitni i yi-d-yezzin mi lliy di sbiṭar, d nitni i iḥawzen uḍan ssuturen yer Rebbi ad iyi-isellek si lmut, ma d kečč amkan-ik ur yelli ara gar-asen, yelṭey atas imi k-id-ferney ad tili yid-i, ur tuklaleḍ ara ayen akk i k-muddey yelṭey mi walay tudert-iw melba kečč d ulac, maca kečč tettwaliḍ kan ayen yeffyen fell-ak melba ma twalaḍ yer taggara n tin akken iyef tkellxeḍ d ššeḥ telha tayri maca tayri weed-s ulac acu ara d-tefk.



Akken texdem teħsel

Nora MAHI

Dacu i tettrağud ad k-texdem teqcict ur nesēi ara awal deg wexxam ad tqeddec, ad tessetbae s wallen i wayen iderrun deg wanda tezdey d wid i s-d-yezzin, i win ur tt-yehsib ara, teđra am wakken ur teyri ara, tessan am wakken ur tessin ara, amer tettafeđ mi ara teqqimeđ yid-s ur tkeffu ara ameslay deg wakken tessan ad tehder, tekker-d Nasima deg wexxam ur nesēi ara ccuq yer weqcic wala yer teqcict, imi yemma-s Wiza tessader di tmanya tduzin-nni tesēa setta, "03" yirgazen d tlata tlawin" Nasima gar-asen, tlul-d ur tzad ara di ššifa, d tayežfant taksumt d taxemrit, teyyunjer, meqger uxenfuc-is, ur tesēi kra n wemzur, ur yelli zrir win tesēa nettat "d akarṭeṭṭaf" dya attan ssebba tamezwarut iyef i ttħazent yessetma-s deg wawal s awal as-inin-t "d Nasima yakk i ixušsent deg-tey ad s-tiniđ d taklit m icenfiren "Nettat awal ur tt-id-yettali. Tettara kan yer wul-is, ur tettebbi ur tettkerrić, mi yeqber wul-is deg yiđ sdaxel n wusu ney mi ara tili d nnuba-s ad teqdec ad tettxemmim, allen-is ad ccercurent d imeṭṭawen deg wexxam yiwen ur tt-id-ifehhem ney tečča ney teswa tikwal di zzēef mi ara yeččar wul-is aṭas "tettas-itt-id tikti ad teny iman-is ney ad teffey tamurt, tetthulfu ula d imawlan-is ur sen-tuqie ara deg-s ma tella ma ulac-itt" deg useggas-is aneggaru di tseddawit n Lezzayer deg usuddu umezruy nettat tella teħrec d ayen izaden, tessan yiwen weqcic yella yebya-tt s tidet seg wasmi i tekcem yer tseddawit d acu nettat tugi-t mebla ssebba wisen d temzi imiren, wissen d lxuf imi arrac tteassan aṭas tinelmadin

timaynutin, lhasun teqsed ad s-telli ul-is i tikkelt tamezwarut imi netta ur tt-yettu ara yezga yessutur-itt-id teqbel yiwen wass ad teqqim yid-s ad as-d-tessefhem, textar ass ideg ur teqqar ara, dya qqimen deg yiwen udekkan di tseddawit si 09:00 n ššbeḥ almi d 16:00 n tmeddit aqcic ihder-as-d yef iḥulfan-is d warrayen-is seg wasmi tt-iwala di temkardit, deg umur-is tessefhem-as-d acimi i tugi ur yelli d ššifa i ixuṣ ur yelli d tamusni yef wakken i yettban win ifehmen, imiren temmeslay-as yef wayen umi tettḥulfu deg wexxam-nsen amek tettwali ur tt-ḥsiben ara dya annect-a yakk ayen i tt-yerran tettara kan yer daxel n wul-is ur tettmeslay ara aṭas.

Tenna-yas-d yef tikta-nni i tt-id-ittasen akken ad tney iman-is d acu liman-nni tumen s Rebbi tabyest-nni tesca akken ad teqbel yakk yir teswiṣin, lameɛna akken yebyu yili lḥal tæggu deg yiman-is tudert i tettidir deg wexxam-nsen ad texdem lekwayeḍ ad teffey yer Fransa din ad tebced yef wexxam-nsen ad texdem tudert-is mbaeid ad tenfec iman-is d imawlan-is ula d netta ad yexdem lekwayeḍ ad ffyen akken ad tt-yexdeb di Fransa ad idiren jmiε, ad mwansen, ad mmagren tudert idles leeqliyya yemgaraden aṭas d wanda i d-kkren di sin yidsen. Aemer yedder di Rebbi almi d imi s-d-tenna Nasima ih, yeqbel mebla ma ixemmeme irkulli dya yenna-yas :
- Ad nexdem ayen i m-yehwan, ad nexdem ayen id-tennid kan ur yettili rray-agi yef lgal n yidrimen imi ma yella akken ad am fkey idrimen asmi ara tessuḍ ad iyi-ten-id-terreḍ ?

Nasima :

- D kečč i d argaz amezwaru iyer ḥussey s kra d awezyi yella win seiṣ qbel-ik, ihi ma yella usiy-d yur-k imi ḥsiy belli tḥemmleḍ-iyi, tebyid-iyi seg wul-ik nekk yef waya i d-usiy yur-k rnu ttekley ad k-ḥemmley ula d nekk akken i yi-tḥemmleḍ.

Tef wakka i yefreh Aemer s imeslayen-agi. Ihi assen i bdan tikli, tayri d wayen ilaḡen akken ad ffyen si tmurt-agi imi ula d Aemer yefhem tilawt n Nasima, leḥnana-nni izaden deg-s ul-nni-ines aleqqaq ḥwaḡen win ara yelḥin yid-sen ad sen-yefk aṭas n tayri aṭas n uḥader rnu d tin akked ilaḡ ad tilid d aleqqaq d alegyan am leḥrir, Aemer, lweqt akk i d-yescedday akked tmedakult-is, simmal yettiḥmil-itt imi yal

şşifa deg-s tessihmil iman-is yis-s, dya akken ad s-d-yesbeggen nniyyat-is yur-s yebda yettawi-yas-d yiwen yiwen seg wexxam akken ad tt-issinen yebda-d s watmaten-is yuyal yer yessetma-s, ineggura yakk d imawlan-is. Rnu ters akk yef nniya-n sen yewweḍ-d ttriḥ teffey-d yer wexxam dya deg waggur n yulyu i ceyyeen win iruḥen s axxam n Nasima ad xedben taqciḥ, akka i msefhamen nettat d Aemer, dya cawren-tt deg wexxam teqbel d acu ur sen-tenni ara tessent-it, usan-d imawlan n Aemer atmaten-is kkes-d acu ur asen d-wwin ara d llebsa d aksum d lḥelwa rnu fkan-as tizri azal umelyun, yran lfatihā, uyalen, deg waggur n Magu yusa-d Aemer yenna-yas-d i Nasima atan qeblen-asen-d ad ruḥen yer Fransa yuy-d itikiyen n tmesreffigt i 10 deg waggur n siptembr. Din i faqen watmaten n Nasima belli tessent-it yakan, dya yusa-d εeqden d acu msefhamen belli ayen akken s wayes ara xedmen tameyra ad tawin yid-sen ad xedmen kan imensi n lahlal, ad tiḥell Aemer fell-as.

D acu ur tt-yettawi ara yur-s almīma d asmi ara ruḥen yer Fransa iḍ-n sen amenzwaru akken ad yili di tmurt n rrbeḥ. Deg yiḍ-nni ideg ara ruḥen yusa-d Aemer yensa yer iḍulan-is Attan Nasima tebda ad ttuyal tmuyli yer yur-s gar at wexxam-n sen.

Ruḥen yer Fransa aggur amenzwaru sēddant-id yer xali-s n Aemer ssyin akin kran axxam mezziyen ilmend n sin yimdanen kan bḍan i sin axeddim d leqraya, yusa-asen-d yuεer lameēna šebren, Aemer inehher ikamyunen imeqqranen ikeččem tamurt iteffey tayed ma d Nasima tettēassa yiwet n ṭhanut n llebsa n yirgazen dya amēellem-nni uyur txeddem yeḃa-tt maca ur telli ara d tin yurren yidrimen am trumyin nniḍen. Ačḥal d tikelt i tt-yaēnaq ad tt-id-yetṭef yur-s tdegger-it-id, akken ad nteqqim yiwen wass ad yesseyleb fell-as akken ad tettixxer, ad ten-xaššen iṣurdiyen laḍya imi tettraḡu llufan rnu ad d-yas Aemer ad yennay imi seg wasmi i d-usan yer Fransa tbeddel akk şşifa n Nasima tecbeḥ teksumt-is terna-yas llebsa yelhan dya mi ara leḥḥun nettat d Aemer ttmuqulen-tt-id yirgazen Aemer yuyal d bu tismīn timeqqranin. Dya Nasima tešber teqqimen di ṭhanut. Yiwen webriḍ iger-d fell-as wemēellem-nni tukarḍa n yidrimen. Ad

ten-id-terr ney ad tt-yessiweḍ yur iyallen n laman, akken ad s-tini i Aemer tugad, ad sen-id-terr ur tesɛi ara ula d nnefɛ n wayen iruḥen dya teyli gar ifassen-is am yilef ney tafunast mi ara tmeccɛḥ mmi-s. Netta ur irewwu ara ilaq kul ass taqcict mi ara d-taweḍ s axxam tettarra-tt kan i lweeḍ imeṭṭi argaz-is ifaq wis d acu i tt-yuyen iḍes ur teggan ara lmakla ur tettett ara ad teccekti fell-as ad tt-id-ḍeggren yiyallen n laman nettat d wergaz-is, ad uyalen yer tmurt nettat ur terbiḥ argaz-is d at wexxam-nsen ur tettafen ad ternu tacmat ara tt-itebɛen tudert-is irkulli ahat ula d tudert n llufan-ines abaɛda ma tella d taqcict, D acu ara texdem meskint, d acu i d tifat n waluḍ-agi ideg teḥɛel ?



A Fa...

Rabha AISSOU

Akken kan i d-tban tafrara, itij la d-yesdilliy udem-is gar yidurar, yebda la yettay tiyaltin. Tafat-is tezwar-it-id s ixxamen. Fa... tħulfa-as uqbel ad d-telli allen-is. Tuy-d taxxamt ideg tettes nettat akked weltma-s, yemma-s d baba-s. Tagertilt, abayaş, ielawen, yal yiwen yettef tiymert-is.

Werɛad i d-tekkir, tesla-d i yemma-s la tesgerwiħ icabcaqen di lhara. Tekker ad tessired i wakken ad tezzal. Baba-s si melmi i yekker yettagad ad t-tfat tzallit. La yesnehnuħ, la ixezzu ccitan tteşbiħ deg ufus-is la yettraġu ad d-kkren ieggalen n wexxam akken ad isew lqahwa. Weltma-s yer yidis-is la tettneqlab.

Telli-d allen-is. Temmazed. Tebya ad ternu ides, ad tekbel deg wusu, ad targu, ad tt-id-yawed yiħij s agens. Ad twali itij mi ara d-yers yef tfekka-s yenden di lizar, i wakken ad s-yesslef, ad turar yid-s... mi s-tħulfa yeqqes-itt ad tbeddel idis... Tayect n yemma-s tewwed-d seg berra tini-as :
~ A Faa... kkremt tura, ssuq şşbeħ i t-ferrun...

Tdeqqer taduli i d-yeŷlin fell-as, tekker ad tessired, ssyin tedfer-itt-id weltma-s yellan seddaw-as. Mi tekfa tuyal-d yer tkuzint, baba-s mazal-it la yetşebbiħ. Terra-as i lqahwa ad d-teww, ssyin tessers-itt-id yer ttabla. Tezra d acu i ilaqen maçci alamma yella win i s-yemlan. Tuy tannumi. D iseggasen aya segmi telmed ccyel. Yal şşbeħ, tezra aħal ifengalen i ilaqen, Tezra belli baba-s ur yettarra ara ssker, mi yeswa kan afengal-is d tazla yer lğamaɛ, tezra belli yemma-s,

di lkas-nni acebħan i tħemmel ad tsew lqahwa. Tezra belli...
Mi tbedd akk d yięeggalen n wexxam, imir ad d-telhu d
yiman-is. Ilaq-as ad tyiwel, ccyel la tt-yettraęu.... Baba-s
yeffey, yemma-s tettawi tettuyal. Tettugad. Ur ilaq ara ad s-
ęeręent yessi-s gar wallen-is. Tetteddu teqqar-as :

~ Win i yeęean tiħdayin deg wexxam am win i izedlen yef
lfięat.

D ttnaęfa n tşebħit, tilawin n watmaten-is kkrent-d.
Yal yiwet d acu i teęna ad texdem. Nettet tesses-d ad tessired
iceťtiden. Teddem-d lęefna teććur-itt d aman, texzer deg-s
wwint-tt lewhayem mi twala yiwet n tlemzit tban-as-d deg
waman. Ur tt-teęqil ara. Aćhal aya ur tt-twala, tettut-tt, yećća-
tt ccyel. Ass-agi, tbedd ad tt-terwu s tmuyli. Tessaked
idmaren-is, twala-ten eęęren am txuxtin. Tesses afus-is yef
yiff-is, teććur-d lkemca-s. Tşubb afus-is almi d anda yegzem
wammas-is. Texzer s agus d akessar, twala tayma-ines d
ttagrurzant. Terfed taęendurt-is sennig tgecrar, akken ad
yessery yiťij taksumt-is. Txezzer iman-is tettcewwiq :

*A yemma ffudey a wi iswan,
si tala yebna urumi,
Ma swiy ugadey imawlan,
ma qqimey fad yenyay-yi...*

Tessared iceťtiden. Tewwi-ten ad ten-tefser di tebħirt.
Txemmel i yiyallen-is, amzur yeyli-d yef wudem-is.
Taęendurt-is tebzeg, tentęd yef yidis-is. Taglimt-is ad d-tettak
ťtya. Itij n sşbeħ la s-yeslufu, la iseffę fell-as nnda n yiđ, ad
tt-yettbuđdu acku nettat ad t-tesqad, ad t-teccađay. Tettawi
acewwiq :

*A yemma ffudey a wi iswan,
si tala yebna urumi...*

Tħulfa i wallen reşşant-d deg-s. Terfed aęerru-s
metwal n zzerb n tebħirt, twala-t. Yekna-d yef zzerb, allen-is
am tezwal la reqęent. Sin ijeqwaden kan i d-yekkan gar-asen
akked zzerb...Yecca-tt s wallen-is... Yessery-itt...

Tbedd, tessaked-it. Allen-is la tt-id-reġġment s yirij. Udem-is d aṛġgem n tefsut ur nesɛi asigna. Atan dagi, yer tama-s. Atan kan da... La tt-id-yessikid... la tt-itezzu... la tt-yetraġu... Tekkes tinget ucebbub i d-yeylin yef wallen-is akken ad s-tegġ i tafat ad tay udem-is...

Ass-a tessən d acu i d lebyi... tessən d acu i d aqlal... Tebya ad tekkes zzerb i tferka-s... Tebya ad teddu yid-s... Tebya ad tezher tness... ad tery alamma d iyes... s ufus-is ad tt-yessexsi... Tesla i lheffa. Tezzi yer deffir, tufa d baba-s...

Ššut yewwet-d deg umezzuy-is :

- A Faa... d lawan imekli, nnejmaɛ s axxam.

Tasweɛt akka :

- A Faa... d lawan imensi.

- A Faa ... d lawan...

- A F...

D id, tezzel deg wusu, la tettraġu naddam. Tdel kan s lizar, la tt-id-yettali unayur... Baba-s mazal-it la yettšebbiḥ, la ixezzu cciṭan inɛɛɛl-it. Yemma-s tettawi tettarra, weltma-s la tesxerxur yer tama-s, tbeddel idis. Nettet tafekka-s la tesseglaf. La tt-tetthawat i wakken ad s-tefk talwit, ad s-d-tessawal tiqulhatin, la tettemceččaw yid-s. Mazal gar wallen-is tamuyli-nni i tt-yesseryen... i tt-icegden... i tt-yenyan... i d-yessemyin deg-s tudert... Temɛebbar nettat d yiman-is almi i iruḥ yiḍ, temrured, teyli s ides...

Taftilt mazal-itt tecɛel, baba-s yezzel deg wusu. Ttešbiḥ yentet deg ufus-is yemma-s la teggar tamezzuyt. Nettet teyli yer tnafa. Dayen tura, ḥala nnefs-is i wumi ara tesled yettšubbu yettali, d arɣayan, d tikli ad yessery udem-is. Dayen, ifuk imenyi d yeqjan n yiḍ dayen ahat akka alamma d azekka...

Cwiṭ akka ad s-tiniḍ yella win tt-id-iqeddmen, la tetteqqir nnefs mbayed (au loin). Tennejbad... Udem-is la yettecimumuḥ... Twexxer-as tduli. Iruḥ ad d-iban uḍar d acebḥan akken kan i s-yesslef yiṭij werɛad i t-yerwi... Iruḥ ad d-iban yixef n yiff-is... Truḥ ad d-tnazeɛ... Baba-s ixezzu cciṭan inɛɛl-it ttešbiḥ yettazzal deg ufus-is. Yemma-s tnetg-d seg wusu tdeqqer-as taferšadit tyumm-itt. Thucc-itt almi i tt-id-tessaki, tini-as :

- A Faa.. kker ad tessirded aqadum-im ad am-yekkes unayur-agi. Waqil yuy-ikem lhal la tettargud. D cciṭan ad t-yexzu ineel-it !

Tekker tanekra n tmara. Tezra ula d cciṭan ma yebya ad d-yerzu fell-as anda akka tella, ur yettizmir ara... Tuyal-d ad tkemmel tanafa ma yella wamek... Temdel allen-is, asdemdem n baba-s la yeddendun dixel uqerru-s, lexyal n yemma-s yugi ad yexdu gar wallen is...

D ass n L... ššbeh, mazal aḥaḥay n yitran deg yigenni ad s-tiniḍ ttun iman-nsen. Itij yebda la yessefqad tuddar. Tedhem-itt-id tafat si berra yas tabburt mazal-itt tuyal, yas allen-is werɛad d-llint. Tezzel ifassen-is ad tennejbad deg wusu, wissen d acu i tḥuza. Ahat d weltma-s tamecṭuḥt... Ayehqa, weltma-s tezweg.

Telli-d allen-is, tessaked yer teymert n wexxam, twala-tt d tilemt. Texza cciṭan, Tdeqquer taduli, tekker ad tessired akken ad tsew lqahwa.

Ssuq ššbeh...

Kkren-d watmaten-is d tlawin-nsen defren-ten-id warraw-nsen. Tewwa lqahwa, tessers-itt-id yef tṭabla. Tessen d acu i ilaqen mačči alamma yella win i s-yemlan. D iseggasen aya, yal ššbeh, tezra aḥal ifengalen ara d-tessers. Tezra belli atmaten-is tessen kan lqahwa taḥerfit ssyin d abrid yer lxedma. Tezra belli arraw n watmaten-is tessen kan ayefki. Tezra belli tislatin-nsen...

Tewwet ad d-teddem ifengalen, iymeq ufus-is ad d-yerfed afengal-nni acebḥan. Tessers-it... ur t-tesseqdacen ara tura... Ad teqdec, mi tbedd akk d ieggalen n wexxam, wissen imir ahat ad d-telhu d yiman-is.

D ttnašfa n tšebḥit, tessers-d ad tessired icettiden. Teddem-d lgefna n waman, texzer deg-s tebya ad tt-testeqsi yef wudem-is, ad tt-testeqsi yef tin ur twala aḥal aya... Tessaked-itt, ur tt-teeqil ara, tbeddel, mačči d tagi i twala tikkelt iɛddan. Tetṭurrec, ad tt-tesmaɛqal ammar ad taf ayen ara s-d-yesmektin lewṣayef-is. Ulac... Ula d asekkud-is yenqes. Tessaked idmaren-is tufa-ten ylin am yiniyman-nni inetden yef tneqlet di ccetwa...

Tewwet ad tæğğær, ad tessers afus-is yef wammas is, twala tuli-tt tassent almi ula d lqedd-is ur yebða ara. Tneqqel abrue i tqendurt-is, tufa tiqesbuðin-is tweccem-itent tudert. Ttbanen-d fell-asent iðerdan ggan wussan.

Tewwi-d acewwiq :

*Asmi i d-yusa zzehr-iw,
Nekk yufa-yi-d di tebhirt
Lxalat megrent irden,
Nekk la meggrey tamezzirt
A yessetma wagi d...*

Ass-a itij yesskew aglim-is, yeqqur yuyal am ulemsir. Amzur-is yenncew, tyumm-it s thendit. Uraden icettiden, truð ad ten-tefser di tebhirt. Tşubb lekman-is ammar ad yili win ara tt-id-iwalin. Tejbed taqendurt-is akken ur tneţted ara yef weksun-is, akken ad teşşer leşyub-is. Tiyilt terya. Tessaked akka n wakka, ulac yiwen, ala ajrad iæmmren iherqan. Tewwi-d acewwiq :

*Asmi i d-yusa zzehr-iw,
Nekk yufa-yi-d di lexla...*

Ass-a tessan d acu i d layas. Tessen d acu i d lmut, yas açal aya segmi teşra belli temmut. Açal aya segmi i tt-teţtafar am tili-ines. Tessarem ad s-terwel... Teered ad d-tekk nnig-s. Ur s-tezmir ara. Ass-a tebra i ttbel deg waman, teğga-as ad tt-tali am tara...

Texza cciţan...

Şşut iruð-d seg umezzuy-is :

~ A Fa... bedd-asen-d i warrac ad çcen imekli d lawan...

~ A Fa...

~ A F...

Simi i d-yewweð yið teyli, tekfa tezmert n temzi. Tefka idis-is i lqaa... A tett fay, teşzel afus-is, ulac d acu ara tt-id-iðazen, weltma-s tezweğ. Hala lwehc i d-yeggran, yezzi-as si yal tama.

Tiymert n wexxam d tilemt... Dayen tura, tuy tannumi yid-s. Temdel allen-is. Tessemḥes i tfekka-s ammar ad d-tsuy... Ġġan-tt isuyan. Tnuda ammar ad sen-tsel i yiqjan i ihebbren deg-s deg yid. Ad tyilleḍ nnejmaçen. Hala lḥekkat-is akked weṣrur-is i la ihebbren deg-s seg weqraḥ. Teyli yer yides yef yiwen yidis tger-d nnehta. tini-as :
~ Yekfa ssuq tenza sselɛa...



Tacmat

Said CHEMAKH

1.

Yeffey wawal, taddart akk tesla s wehdu. Ahdum d Caɛban Cterriḥ i t-ixedmen, isem-is s tuffra i t-id-qarren medden armi yuyal mi t-id-tbedreḥ am akken d aṭeyyeh i d-tṭeyyheḥ !

Cterriḥ yekker-d di taddart am netta am medden yas akken baba-s mačči di taddart i d-ilul. Yusa-d di 1920, yedduri leɛnaya n At Lḥusin.

Baba-s irwel si Temguṭ yef temgarṭ yenya. At Lḥusin fkan-as akal, rnan zewġen-as, yeġġa-d yiwen weqcic : d Cterriḥ Caɛban.

Ula d Bezzi seg At Lḥusin i d-yezweġ : yuy yiwet n tmettut d zzin, isem-is Mekyusa.

Mi yemmut baba-s, Caɛban ibedd yef yemma-s, akken iqwem ur txuṣ deg wacemma. Isca taqciɛt akked weqcic. Taqciɛt isemma-yas Nila, yer yemma-s Mekyusa i tettemcabi di zzin, di lqedd, di qrafa... di kkulec. Nila tettirebba akken ilaq, am tullas n taddart. Mi tebbeḥ 16 iseggasen, tettban-d d tameṭtut, ladya bdant tnexdabin ad d-kkatent yer Mekyusa : yal ta tebya-tt i mmi-s ! Nila, ur d-telha ara d temsal-agi n tissulya ney lexḍubegga. I tt-iceyben ḥala leqraya-s. Attan dya agguren ineggura ur d-teclig deg wacemma siwa aheggi n lbak ara tesceddi di yunyu.

Caɛban ifreḥ aṭas s yelli-s : tessent ad tyer, tqeddec deg wexxam, yerna tecbeḥ terḥa akk ulawen n yilmezyen n taddart wamma arrac ukud teqqar, ur d-neqqar.

Yiwen ur yezri amek i bdant tirga tissettafin ttayent deg wul n Caëban. Achal aya turan, ur d-ikečcem ara s axxam alamma yewwet-itt-d d ssekran ula d abrid ur t-yettaeqal. Akken, akken... ziy yir tikta yef yelli-s frurint deg wallay-is.

Yeqqel yedderwec fell-as akter n yilmezyen-nni yebyan Nila. Si cemrayen-nni ideg yekcem, xerbent-as akk. Dya yerra-tt i lweəd n tissit. Ar taggara yerwi at wexxam, yerwi akk medden. Mačči d abrid i txeṭṭan di tejmaet yef rregmat, yef usexšer... ad d-yekker tifawt acemma ur yelli : ma tenniḍ-as ma telha tin txedmeḍ idelli ney mdeh, tebra ma yezra, ma yecfa. Ad yeffey yer zdat wexxam ad iqqim din ad yessikid di yelli-s amek tqeddec, ney teqqar... Tura, yir tikta-nni bdant la d-gemmunt. Tarent-as, dya ad işubb yer lbar n Zizi Šebdella, ad d-isker.

Mekyusa sked akken ur teəriḍ ad as-teddu di lebyi i wergaz-is. Ulac, mi tenṭeq yer-s ad tt-id-yečč s rregmat, ma yewza-tt atan ad tečč tiyrit. Ma d Nila, yesmeḥsis-as mi ara s-d-tettmeslay, mi ara s-tessers imekli ney imensi. Allen-is ur tekksent ara si tedmarin n teqcic, si tqemmuct-is, seg wemzur-is ney seg wammas-is.

Yeshetrif di lbar armi t-id-ssufyen warrac n taddart akken qrib yennuy akked kra isekranen i t-yecban. Iteddu yeshetrif... Acu-t akka i la d-yeqqar mi akken yeswa ? Atan wacu i wumi d-cfan ilemziyen-nni n taddart :

- ... Tebyam-tt, zziy-tt, neqcey-tt, tura dayen tessenti, tebyam-tt ! Tebra yiwen ur tt-yečči, imi nekk ættbey fell-as kunwi tusam-d ad tt-tečcem s teḍsa, d nekk ara tt-yeččen... Tessenti d nekk ara iæerden tasenti-is...

Arrac ur fhimen tigert : yilen d acu n tneqlet-agi ezizen fell-as i wučči am tyanimt, d zzit-lxadem ney d kra n tcetwit... iyef yugad ad as-xerrfen medden... A ziy netta d yelli-s Nila i icebba yer tneqlet ! Maca di tallit yiwen yerra ddhen-is yer yir ssuq ideg yebberttax Caëban. Nwan akk medden ha ziy netta ihaḍ.

Filen medden itess akken ad yekkes urfan, ziy netta ibæed s anda i yessuref di tirga, d ayen ur itekkes ccrab iyef yerza...

Di bujember, yebda llqeḍ n uzemmur, arrac n lakul ttawin-d 15 wussan n westaefu n tegrest. Akken ula d Nila,

issah-itt-id westacfu, tenwa ad tharef deg wussan-nni ad tessenyas kra di tyuri i tt-yeggunin ssya yer lbak. Yuli wass, Nila ur tedda ara yer llqed uzemmur. Tteklen fell-as at wexxam ad asen-d-tesseww imekli, ad asen-t-tceggac i win ara yadren yer Tniri. Telha-d d leqdic : tessirid, tesserkam, tessehmey-d, tesseww-d ayrum... Tikkelt-nni, atan yekcem-d baba-s. Akken i t-twala tezmumeg-as d taqsa, tenna-yas :

- Læslama a baba ! Imekli qrib ad yewjed...

Yedsa-yas, yenna-yas ad as-tawi lqehwa yer uşalu. Nila s tyawalt i terra takaftirt yef tkuzint akken ad as-d-theggi i baba-s lqehwa. Di snat ddqayeq, yers-d ufengal, ssker, taqdebsit n teyrifin... yef ssniwa. Akken d-tuli lqehwa, tessmar-itt yer tyellayt. Tewwi-yas-tt i baba-s.

Akken tt-tessers yef ttabla yettfe-itt-id seg ufus yenna-yas :

- Qim tura a yelli ad teswed ciţ yid-i, açal aya ur nqesser ara akken...

Tenna-yas Nila :

- Yerbeh a baba, rgu kan ad ssexsiy i ufurnu ney mulac ad yery usseqi...

Teqqim yer tama n baba-s.

2.

Afus n baba-s yenneq-d i tuyat-is ; tecmumeh-as : tyil tmeybunt d lehmal a i tt-ihemmel baba-s, icedha-tt, yebya ad as-yesbin lehnanas... Di ddeqs-zzalla, tufa-d iman-is tezzel yef ukanapi, taqendurt tuli, baba-s yuyal fell-as... Ur d-tecfa i wacemma hala mi thulfa i taeddish-is tegzem, tcerreg, idim seg-s yettfeggid... Tsuy :

- Ayy ! Annay a baba...

Ur d-tfukk awal, yerra-yas afus-is yef yimi... Tserreh d imetti acku tezra ass-nni i tfukk tizeţ di tmeddurt-is...

Caeban am yilef : la ilehhet amzun d tirkeft n wuccayen i tt-id-yeddian fell-as. Mi t-id-ccfent tidiwin n tecmat, yezzi yer yelli-s, idemmer-itt teyli seg ukanapi-nni, yenna-yas :

- Ffey ur kem-ttwaliy ara a l... a yelli-s n leh..., digaj a taqjunt...

3.

Taqcict teffey-d seg wexxam s tazza. Imettawen ttmiren-d seg wallen-is, idammen mazal uread qquren yef tqendurt-is d yidarren-is. Sekkura d tajaret-nsen i tt-id-iwalan d tamezwarut mi d-tehmel deg wezniq n taddart, tezzazzel yer-s, temmey fell-as tettēf-itt-id seg ufus tenna-yas :

- D acu a yelli ? D acu yeḍran ?...

- D baba...

Tajaret-nni n wexxam n Cterriḥ akken twala idammen mazal ttmirin-d yef idarren n teqcict tsuy, tenna :

- Abbuh ay at leeraḍ !... Dayen ifukk leqder di taddart-a, d lear i yuyen amkan-is...

Xelluḡa n Ḥmed, d tameṭṭut tamezwarut i s-d-yeslan seg ucarig anda i tuy la tettacar tibettit n waman, tuzzel-d, tenna-yasent :

- D acu ? d acu yeḍran ?...

Ayen deg tmuqel di Sekkura, tefhem asigna i s-tekkat, tenna-yas :

- D anwa akka i s-ixedmen i teqcict-a akka ?...

Nila tettru kan, ma d Sekkura tenna-yas :

- D anwa i tyileḍ ad s-yexdem akka ? d baba-s...

Ixeddamen ucanṭi yellan qqazen tasilya yef yiri n webriḍ n taddart akken sersen iqudas n waman slan-d i tḥaḥayt yekkren, ulin-d ula d nutni maca mi d-wwḍen yer wezniq ur ten-walant ara flawin, yerna slan-d i yalci mmeslayent. Akken faqent wwḍen-d yirgazen, tenṭeq Xelluḡa tenna-yasent i Sekkura d teqcict-nni tameybunt :

- Lḥumt s axxam-iw mačči dagi a neqqim...

Tilawin ddant akken d tarbaet s axxam n Xelluḡa. Llant snat ney tlata n tiyaḍ i d-yewwḍen mbaed. Ma d ixeddamen ucanṭi fehmen akk tamsalt maca yiwen ur d-yenni awal. Mi wwḍen yer tsilya-nni la ttvizin, yenteq yiwen yer wayeḍ yenna-yas :

- Dya d wagi tura i d argaz ? Yewwi-d ad yemmzel deffir temgerṭ...

Yenteq-d yiwen seg yimeddukal-is yenna :

- Wah ! ula d kečč, ziy la tesherwiqed !... Anwa ara yezlun aqjun am winna ? Ad yanfun medden ula d tinilit ad t-nnalen...

- Ihi ad as-tanfed kan ad yesserwat ; ma yekkes sser yef yelli-s, yekkes-it yef wexxam-is, yef twacult-is, yef taddart-nney i merra. Mačči d ayen ara neqbel ?

- Qbel ney qim, ulay txedmed ! Asmi i yeffey tajmiet i nezra belli ur yelli kra ara d-yasen n wayen yelhan si tama-s... Asmi i d-yenna iqerray bđan, ixxamen bđan i nebna ad nawed yer tagnit am ta...

- Ur as-nettanfet ara ad yesserwat akken yebya ħala aya ur nqebbel ara ?

Yenna-yas yiwen nniđen :

- Ur t-tessined ara ; ur yeffiy ara leenaya n At Lħusin armi yedduri tin n iğadarmiyen. D netta i d landikatur-nsen di taddart-a ! Wamag amek ara zren belli Kamal u Ĥennuc d akuminist ? Amek ara zren belli arrac-nni n Tiγilt xeddmnen akked werbee-nni n Imaziyen ? D Caēban i sen-yettawin akk tixbirin n taddart. Limer ad t-tennalemed ad d-yawed Brigadyi tameddit-a ad yexdem axešsar deg-wen...

- Saħħa a zzman ideg i d-neggra ! Lbaṭel einani yerna ur tezmiređ ad k-id-yali wawal !...

- Šber ! ad d-yawed wass ad ifakk...

4.

Karim At Zeyyan d aqcic si tddart d-iqerben yer At Knuda. Yella yeqqar di lliis akked Nila. Iħemmel-itt aṭas, yehseb-itt am mummu n tiṭ-is ney ugar. Asmi yuyal yer lliis, yufan Nila ur d-tuyal ara. Yekker yesteqsa, ulac win i s-d-yefkan isallen fell-as, ulac win ney tin i tt-yezran segmi teffey di dujambar si lliis. Inuda-d yer taddart, yesteqsa, yufa-d yakan kra n yilmezzen yesteqsa-ten. Mi zran anwa-t, ur s-nnin ara tidet s lekmal ; nnan-as kan yehbes-itt-id baba-s yef tyuri. Inuda ad izer baba-s n Nila. Mmlan-as-t ; di lbar n Si Zebdella i yeddewwir. Iruh yer-s.

Mbaed sslam, yenna-yas Caeban :

- Acu-t akka i k-id-yecqan a mmi ?...
- Usiy-d ad steqsiy yef Nila...
- D acu-yak-tt akken ad testeqsıd fell-as ?
- Neqqar akken di llisi...
- Ihi dayen tfukk tyuri, ifukk llisi...

Aqcic iħar acu ara d-yini. Yebya ad as-yini "acuyer ?", "Ayen?"... maca awal inneqmađ, tiyersi tcudd.

Yeered yenna-yas :

- Acu d ssebba ,

Yenna-yas Caeban :

- Axafer isab llxux i wefrux ! ha ! ha !...

Yerna wayen yerna, Karim yuzen-d imawlan-is s axxam n Nila, qesden-d i nnesba. Wid d-yusan ur ssinen ara taddart. Mi steqsan yef wexxam n Caeban Cterriħ, ttfen-ten at-taddart nnan-asen tidet yeffren. Uyalen mebla ma wwden s axxam n teqcict. Karim yerfa yef yimawlan-is mi s nnan :

- Ur ak-d-nxeťteb ara yir taqcict...

Yekker inuda, yesteqsa armi d-yiwi tidet amek tella. Maca yugi ad yebru i taluft, yegguma ad yamen. Izeydeddi kan di yiwet n takti, yettkezziz kan deg-s : ilaq ad yay Nila i yebyun yili.

Mi slan akk medden s tcemat iga Caeban Cterriħ di taddart n At Knuda, kkren kra n warrac n wedrum n Karim ttfen-t nnan-as :

- I tura kečč s leeqel-ik i tellid, mi akka tessalid tasawent i yimawlan-ik ? Ad ak-qqaren taqcict tesca leib wamma atan wwın-ak-tt-id. Tebyid ad ak-t-id-yekfu baba-k s yir imeslayen. Żran akk medden belli Nila-agi iyef y-teččid aqerru icerrem-itt baba-s. S tefransist d l'inceste... Dayen, mačči d tanubit. Anwa ara k-yayen tin ur yellin d tanubit ? Abeɗda ma d baba-s i tt-ifellqen ?...

Zzin-as armi yebra i wawal, armi yenfa isem n Nila seg yimi-s. Tas tella tayri maca tezwar tmetti, tezwar wayen i wumi qqaren di kra n tudrin "lħerma". Karim yerra timedlin i wul : mačči d netta ur yebyın ara Nila yas mačči d tanubit, yas d baba-s i tt-yeccemten... d at twacult-is, d at taddart-is, d timetti s umata.

Nila yemmut zzher-is ; mi d-usan inexdaben, ad qqlen si taddart mebla ma wwden-d s axxam. Akken kan ara slen s wehdum yessker baba-s ad ddzen abrid n tuyalin. Anwa i ara iqeblen ad yawi i mmi-s taqcict ur nelli d tanubit ? Yerna nnig waya d baba-s i tt-yeccemten... Yerna zran akk medden... Ulac...

Nnan wid yuran tizmamin yef tmetti taqbaylit belli Leqbayel ulac win iteggen azal i nnif d lherma am nitni. Ahat d tidet yella waya. Maca tella kra n tidet ilaq ad tt-id-nini : ulac tirect ur nesɛi akerfa. Ma yella win d-yekkren ad ak-yini d nekni i d nekni, nettgalla s "jmeɛliman"... Atan ihi tɕubb s anda ur d-tettali. Acku, gar ciɕ d waɕas, ilaq ad neiwed tamuyli di tmetti, ad nessiwed ad d-nini yiwet n tidet : tameɕtut tettwahqer, ur tesɛi kra d azref... Iɕqa, tesɛa azref ad tru yef zzher-is ney sseɛd-is.

Wid yerran tameɕtut d nnif d lherma, zeglen yiwet, ccɛden. Akken i k-yenna yiwen umaru : ur tufiɕ anda ara sersen nnif-nsen alamma gar idarren n tameɕtut ! Ufan tamkant, yerna d tin igerrzen, ad tt-iɕhez Rebbi !

Tinnubya n teqcict d aswir elayen akk di lherma yer Leqbayel. Aɕal d tin d-yebzan ɕala yef waya : ur telli ara d tanubit ! Aɕal d tin yezla baba-s ney gma-s yef waya. D tidet, timetti tettbeddil, maca yella waya. Tinnubya n teqcict teqqel d tawtilt segmi d-yella unbaɕ n ubabat yef tmetti (patriarcat), wamma asmi yella wenbaɕ n tameɕtut (matriarcat), ulac kra din.

Imawlan ladia tilawin tɕharabent ɕala yef tinnubya n yessi-tsɛnt am terwiɕt-nsɛnt. Ur ilaq ara ad awɕɛnt s ixxamen n yirgazen mebla tinnubya acku d lɛib : "taqcict ara yaf wergaz teldi ad tt-id-yerr di seɕɛa wussan !" i qqarent flawin. Teqqel akka i d lɛadda am kra n lɛɛwayed ur nemɛin ideg i skabecren kra. Acku anwa i inudan argaz ma d anubi ? Fef tameɕtut kan yezgan di taddart i d-yewwi waya ? Irgazen maɛlic ma xerrqen deg iburdilen ney deg kra n yexxamen di temdinin ? Deg waya txuɕɕ teydemt. Txuɕɕ aɕas...

5.

Si zzman n zik, ttasen-d waeraben yer taddart n Tgemmunt. Ttasen-d zagğawen irden, timžin... Ttağğwen iniyman, zzit... Ahat si qbel ddewla n Fransa i tella leadda-agi n tisin-nsen yer tmurt n Leqbayel. Mbaed uyalen kra n waeraben, ttasen-d akken ad xedmen : llan wid yettruzun azru deg yiberdan la txeddem ddewla i wumi qqaren Lehğares, llan kra ssifin u ttæmmiren ajdi deg yisaffen, wiyad xeddmen deg yicanṭiyen n lebni... Yal yiwen amek. Mi tædda taluft n Tefsut n 80, atas i yegguman ad d-uyalen yer tmurt n Leqbayel acku di tallit-nni llant temnaḍin anda i sen-sseryen medden iæcciw-nsen. Maca ddewla tazayrit terra-d atas deg-sen : mi sen-thudd iæcciw-nen anda nniḍen ad asen-d-fken lekwayed ad d-asen yer tmurt n Leqbayel. Mi d-wwḍen, ddewla ad asen-tefk ixxamen, axeddim... Di tallit-nni qqaren-as i tsertit-agi s tefransist : "des populations", s taerabt "imdizağ assukani". Tedda akka tallit armi d aseggas-nni n 1988. Dya yalci ibeddel. Maca mazal aeraben ttasen-d zznuzen abişar, timžin, akraren, iyyal... di leswaq n temdinin tikwal, ttalin ula yer tudrar.

Di tallit-nni, yusa-d yiwen waerab la yezznuz iyyal, isem-is Qwider. Ur iban amek i d-ijuba tamusni akked Cterriḥ. Nadi tura amek i ttemyussanen yimdanen ney amek ttemsefhamen yef aya d wayen. Ihi, Cterriḥ yefka-yas yelli-s i Qwider-nni ; meḥsub s nnesba n Lislam ; awi-d ccix ara yeyren lfattiḥa zdat inagan, zzwağ qqaren "zdat Rebbi d leibad-is" ! Ah ya ddin uqabac mi ara twaliḍ nnesba amek i tettili yur leğnas nniḍen, ad tmemmiḍ ad teçceḍ abaskiḍ yumsen aluḍ ! Ih ! Ney ahat d rruda n wetraktur !

Cterriḥ yerna yefka-yas i udeggal-is taxxamt anda yezdey netta d yelli-s. D taxxamt i yetturtfen yef taddart. Qwider yemmut si lfeḥ ; netta i yellan d amzenzi n yeyyal, yuy taqbaylit... Yemmey yefka-yas yiwen weyyul d ayen i d netta i Cterriḥ, u yenna-yas :

- Atan wagi d lehdeyya stadir d tarzeft syur-i !

Yebda Qwider la yettxemmim amek a yeldi lkumirs di taddart akken ad d-yettawi sselea si Sidi Xisa, ad tt-yeznuz di Tgemmunt u amek ara yettagew zzit d iniyman ad ten-yettawi ad ten-yezzenz anda nniḍen. Yenna-yas i uḍeggal-is ma yeqbel ad ccerken akken. Cterriḥ yeqbel.

At taddart, yiwen deg-s ur d-yeclig deg wayen d-yellan gar Qwider d Cterriḥ. Di tazwara, llan wid iyaḍ lḥal yef teqciqt acku yur-sen tuklal argaz imeenen mačči am uzenzi n yeyyal ; llan wiyad la s-qqaren si lešlah imi d-tufa win i tt-yuyen acku s tecmat i s-d-yedran ulac win ara iqeblen ad tt-yay. Llan dayen wid ur ikerhen aṛaben, ur ten-yeḡḡib ara lḥal akken llan diyen wid i sen-yennan imi ur tebyim ara ad tt-yay waṛrab, acuyer ulac ula yiwen deg-wen i tt-ixeqben... Lḥaṣul At Tgemmunt sean akk rray, yal wa amek i t-id-yenna...

Tædda tallit, yalwa yelha-d d wayen i t-iceyben. Yiwen wass yennuy Qwider akked Cterriḥ yef yidrimen. Mserwin yiwen ur yefhim amek. Yusa-d Qwider yer tejmiyet n taddart yenna-yas :

- Ay at taddart, imi taswiṛ akka i tiweḍ, init-as i Cterriḥ-agi-nwen ad iyi-d-yerr ayyul-iw, ney nekk atan si tura ad as-d-rrey yelli-s...

Xeddit tura frut-tent ay at ttwab ! Yekker herwel di taddart ; yilen hennan si Cterriḥ d tecmatin-is, ziyen simmal mazal la ten-yerḥu... Kkren-d kra n yilmezzen nnan-as :

- Ad t-nawi s asif, ad nefru tamsalt-is i lebda.

Maca kkren kra n yimyaren, seg wid yezzuzufen lḥif nnan-as :

- Ur t-tneqqem ara aydi, aneft-as ad yemmurḍes alamma la yessutur lmut nettat ad tagi ad d-tas...

Zzin yer Qwider fran-tt yid-s u nnan-as :

- Tamsalt-agi n yidrimen yella wamek ara tt-nefru. Ayyul-ik ad t-tawiḍ maca acrak yid-s ifukk. Ma d tameṭṭut d tameṭṭut-ik yiwen ur yezmir ad k-tt-yekkes yas i lukan d baba-s...

Rnan mmeslayen d Qwider aḥal. Mi d-yeyli yid, usan-d kra n yirgazen n Tgemmunt yer texxamt-nni ideg yezdey Qwider. Ufan-t-id iḥebba kra d sselea yesca s akamyun. Tameṭṭut-is

terkeb tama-s yer zdat. Mi ten-iwala wwɗen nehren-d ayyul-nni, yers-d seg ukamyun, yenna-yasen :

- Di laɛnaya-nwen ma ur iyi-tsemiɛem, atas i ken-ɛetɛney ! Maca ayyul-agi, ɛeddqey-t i taddart, fket-t i walbaɛɗ imeyban ad yexdem yis-s laɛ-is. Taqcict-nwen d zzwaɣ i zewɣey yid-s, maɕci d abeddel i tt-beddley s weyyul... Qimet di lehna, ad ken-icin Rebbi di ccyel-nwen...

Yuli s akamyun yeddimari, irgazen n taddart walan mi ad tettru...

Muɥ n Bil, d abrubru yettwassnen di taddart, yedfer akamyun s tkerrust. Yugad anda i yettbeddil rray Qwider, ad yedleq i tezgi ney di kra n lbar-burdil... Yedfer-iten armi d Sidi Sisa, yuyal-d.

Kra iseggasen mbaɛɗ llan kra n yilmezyen n Tgemmunt i d-yemlalen Qwider di temdint n Lezzayer. Tuy-iten la ttnadin axeddim d ibennayen... D netta i ten-id-iceqlen. Iruɥ-d yer-sen, yeɛterɛeb yis-sen, llan wid i wumi d-yufa axeddim... Nnan yebna ɣɣraya, arraw-is yettef-as tiɛuna... maca d taɛrabt i ssawalen yaɣ ur tettun ara timenna-yagi : "ana yemma qbayliya..."

Ma d Nila, d awezyi tezzi-d yer Tgemmunt : ula asmi yemmut baba-s...



Aseklun n temzi

Mourad ZIMU

D*i taddart-iw aseklun,
Seddaw-as akk i nettyimi,
Di ccetwa ney deg unebdu
Nettdaray, yerra tili,
Issel akk ayen i nhekku,
D anagi iceffu,
Nessawal-as aseklun n temzi.*


A sidi u lbaba-inu, amzun di tmucuha, aseklun-agi nhemmel-it akk, yezga-d yef yiri n webrid, zzint-as tebladın, nettyima fell-asent, wa yetturar tiddas, wa ihekku tixidas. Lħaşun, aseklun iyef ara d-neħku, yuy amkan di tudert-nney.

Mi ara neqqim seddaw useklun-nney, newwa abrid n taddart, nettmuqul wid yetteeddayen. Gar-asen, yella yiwen, mi ara d-ieddi s ukerrus-ines ad ay-d-yegğ ayebar. Muħ Lulu i d isem-is, yiwen umeefun deg-s, mačči imi d bu imelyan kan, amdan-agi, seg wid-nni s-iqqaren ħala nutni i yettidiren di ddunit.

Mačči d tiyita, At taddart akk ssnen tixidas-is. Idrimen yur-s ayen din, d acu kan, akken meqquer lğib-is i meqquer ddyel deg wul-is, akken gemmun yidrimen-is i igemmu yilem deg wallay-is. Acu-t wassen, nruħ yur-s ad d-ibzer ciť ad nexdem yiwet tesyunt s tmaziyt di tdukla tadelsant n taddart, ad twehmem, ur ay-d-ierid ara ula yer waman, deg ugaraj-is i y-d-immuger,inna-d :

- ... Iyerdayen am kenwi tebyam ad tkellxem fell-i... tamaziyt-agi-nwen... ammer ad d-tegri deg ufus-iw ad ttrbuy anda ur d-tettban... ħemdulleh mazal irgazen, hatan Si Butefliqa... yewwi-d ššwab, ħala netta kan i d debb-nwen...

D wagi i d Muħ Lulu, d amerkanti gar Imaziyen ! Aħas i yellan am netta gar-aney. Assen mi d-neffey si tħanut-is, neddebdeb seg yimeslayen i y-d-yenna, deg id-nni, amek nexdem i wakken ad d-nekkes zcaf ; nesseyres-as rrwadi n ukamyun-nni i d-yuy d amaynut. Akamyun-nni, ur yelħi ara ddurt s lekmal-is, ussan-nni, d asbendeg, nettyima seddaw useklu-nney di talwit, imi mi ara d-iħeddi ukamyun-nni zik, netthulfu i teblaħin-nni ttergigint.



Aseklu n temzi

Aseklū, yef akken d-nnan imezwura, seg wasmi d-tecfa ddunit, yella di taddart. D imyaren, mi ten-nesteqsa qqaren-ay-d :

- Akka kan i t-id-ufan, ur igmi ur inqis.

Di tegrawla-nni-nney, yef akken d-ḥkan, ḥuzant-id Irumyen s lmina, yufeg umersun seg-s, yeqqim aḥal iseggasen d ameelal, yefra ttrad tūyal-d tefsut, teqqel-it-id tudert. Muḥ Lulu, yebya-yas lmut, yiwen wass yesuter tajmaēt ad as-d-ternu kra n wakal ad yebnu igarajen i yikumya-ines, ters titṭ-is yef uerqub-nni ideg d-yemyi useklu n temzi. Mačči akka yal ass maca assen, teddukel taddart yef yiwen wawal. Neṭeqen-d akk medden, wa deffir wa, awal d yiwen ; d awezyi, d lmuḥal, ad s-nserreh i useklu. Tefra taluft yuḡew-d Muḥ Lulu rregmat yer yiri-s. Seg wassen icuḥen-ay icuḥen at taddart.

Ulamək ara s-nserreh i useklu, yid-s i truḥ temzi-nney, limer ad teẓrem, ad twehmem, nweccem-it akk, nura fell-as ismawen-nney d yismawen n tid izedyen ulawen-nney, nenger fell-as ulawen. Ula d amezruy n JSK, ad t-tafem fell-as. Aseklū-nney yerfed akk timucuha-nni n tayri, d amwanes, d ameddakel, yal wa deg-ney yeḡḡa fell-as azgen n tudert-is. Ulamək ara s-nanef ! Yiwen yid, rreud, igeffuren, medden akk deg yixxamen. Nesla i ššut amzun d ššelḥa. Azekka-nni mi d-nekker, d tazla, nufa-d di taddart iḡadarmiyen, yekker *waz-akkin* ! D acu yeḡran ? D Muḥ Lulu, isker-d id-nni, am akken iwulef, izdem s ukerrus-is yeffey abrid, iwet-itt yer useklu. Yeḡra wayen idran :

Isker Muḥ Lulu
Iqlee aseklū
Yemmut Muḥ Lulu
Iyaḡ-iyi kan Useklu



Tegzem-as amrar d sser

Ramdane LASHEB

Yella yiwen umedyaz iherr yiwet teqcict, inna-as i yemma-s :
- Gur-m taqcict-agi ad tt-tefkeḍ ad teddu d tislit, teɛjeb-iyi, ad tili d zzwaḡ-iw. Terra-as yemma-s n teqcict :
- Yirbaḥ a mmi, kkes aybel ad k-terḡu.
Ar tagara seg iruḥ urgaz-nni yer lyerba yemma-s n teqcict-nni tyemmeq tegzem-as amrar d sser, texdeɛ-it, tefka-tt i wayeḍ. Mi d-yusa umdyaz-nni si lyerba yufa-d taqcict-nni deg uxxam-is tezweḡ. Yemma-s n teqcict-nni, yuyal amzun mačči d winna, ur teclie ara akk deg-s. Ssyin iwwi asefru yenna-as :

*Aql-i seddaw injiweɫ
Lmakla-w d tizweɫ
Idda-yi usennan weḥd-i*

*Balak wi ittammen tuḡḡel
D lqum n teḡḡel
Mi s-nnan awal ad tefdi*

*Tefka-yas-ten deg ufengal
Ad iṭtes deg injel
Alamma ihder i Rebbi*

Lḥan acu lḥan iwweḍ-d lweqt ad terbu teqcict-nni, tehlek ulac anda ur tt-wwin ara ur as-d-ufin ddwa. Yemma-s

n teqcict temmekta-d amedyaz-nni, tenna-yas, ahat, idfer-itt-id wul-is, ad ruhey yur-s, ad delbey deg-s ad d-yas, ad isemmeh, ahat ddwa yur-s i yella.

Assen, yemma-s terga alarmi iffey urgaz n yelli-s, truh tessawel i umedyaz-nni. Iwwed-d, yaf-itt-id tetteqlilih di tesga. Mi tt-iwala akken di lihala-nni tyad-it nezzeh yenna-yas :

*Leemer ur t-inqis ur t-irad
A tuzyint wer ttagad
Seg wul-im kkes ttexmim*

*Ay ahnin ay ajewwad
A feteḥ muhab
Tekkseḍ i tuzyint leymim*

*Tarwiḥt atta di lḥisab
Taqcict tenneṭab
A ccix Muḥend U Lḥusin*

Akken ifuk asefru-s, taqcict tuywas tebda la tnehhi d lweqt ad terbu. Iffey umedyaz, tessawel yemma-s i tlawin ad tt-eiwnent rebbu n yelli-s.

Mi d-ikcem urgaz-is tameddit yufa, yerna yur-s uqcic, tameṭṭut-is ur tt-yuy wara. Argaz iwhem deg wayen ittwali. Mi isteḡsa amek akka ! Taḡeggalt-is terra-as-id :

- D leflani i wumi d-nessawel, iwala-tt kan dya Rebbi ifka-d liser.

Akken ifuk wagur inna-as urgaz-nni i tmeṭṭut-is :

- Issefk, ad neg imensi, ad d-necred amedyaz yer imensi, yuklal.

- Anef i umedyaz deg umkan-is, ad ay-imneṣ Rebbi si ddnuḃ-is !

- Ala a tameṭṭut ! Wellah ar ad yečč d imensi yur-ney !

- Debbber aqerru-k !

Netta iffey yer ssuq, yer lqedyan, nettat teffey yer tala ad d-tagem aman. Mi d-tuyal si tala, teɗda-d yef tejmaṣt tufa-d amedyaz-nni, iqqim yef udekkan, aqerru-s gar ifassen-is.

Mi tewwet ad tæddi issedfer-as asefru, yenna-as :

Læslama-m si tala
Leeyun n tnila
Taṭṭucin bḥal leḥcic

Hemduleh mi teḥliḍ
Mebruk
Nseɛdam aqcic

Yusa-d urgaz-is si ssuq, teftel seksu, tesseww aksum i yimensi. Alarmi d lawan ideg ara yečč imensi inna-as urgaz-is heggi-d imensi. Tameṭṭut tessers-d tlata n tbaqyin n seksu d uksum, tenna-as :

- Atan dayen ihegga imensi.

Argaz iddem-d tacekkart n ssem ismar kra di ttnaṣfa n yiwet n tbaqit inna-as i tmeṭṭut-is :

- Anef-asant i tbaqyin-agi, akken llant. Tura ad ruḥey ad ssiwley i leflani. Argaz iruḥ yer tejmaɛt issawel-d i umedyaz.

Akken d-ččuren tawwurt, argaz izwar-d, amedyaz deffir-s, tbedd tmeṭṭut-is tenna i urgaz-is :

- Ay argaz di leɛnaya-k, ma ur iyi-tegḡiḍ ad d-awiy asefru ! Imiren ma ihwa-ak xas eny-iyi !

Yenna-as urgaz-is :

- Ad yeg Rebbi teččiḍ aqerru-m ! Ini-d.

Tenna-as :

Ttxilek a lbaz mezziyen
A win itɛeffan
Ruḥ asif enz-as yef rrif

D leibad i d imcumen
Ṭewwlen ad k-yedren
Ief zzwaḡ-is ḥedd ur t-iṭṭif

Amedyaz ifhem lmeɛna n usefru yerra-as :

Atan a yelli-s ujeħmum

Azegzaw n rrqem

Ẓriy asigna-s tekkat

Qqimen ad ɔčen, amedyaz iddem snat n tleqmatin si rrif n tbaqit issers tayanjawt inna ħemdulleh. S wakka imneε, ur t-yuy wara.



Afdam

Salah SAIDI

Yedleq-d yiḍ i weɣlaw-is yef taddart. Ikemmel areqqem n yigenni s yitran. Ters-d tsusmi alarmi y-d-yewwi Rēbbi d taddart n war imezday am di tmucuha-nni tiqburiṉ. Ur tselleḍ siwa i serru n waman, asqerqer n yimqerqyar yef yiri n yiyzer, rrkeḍ n lewhuc, askeɣwew n wuccanen d weskerwec n yiferrawen n yisekla. Deg uxxam i d-yezgan di tlemmast n taddart-agi, yiwen ilemzi yebded zdat usfaylu iruḥ am wakken yurez-it lḥir, udem-is werray am win isumm uzrem, tafekka-s tulwa amzun ylin-d fell-as yinezman n talsa. Tas ulamma di taddart i yella, ul-is yeḡḡa-t-in di tmanayt : yemmekti-tt-id... Yemmekti-d tagnit n lfiraq d tin ukud yessarem ad yezdi axxam. D yelli-s n tfamilt akken qqaren. Iɛedda wesmekti zdat wallen-is am usaru, yemmekti-d ussan n tesdawit i sɛeddan deg uzeṭṭa n weɣlaw n yimmal-nseṉ : iger-d nnehta, ad s-tiniḍ teffey-d seg udrar n tmess. Yurew-d yimi-s takufit yimetman, yerra-ten sɛeddan deg ugerjum-is am yibursen n ḡḡaj. Iḥulfa imir-nni s urkam agensi yebya ad yetterdeq, tusa-d yer-s tekti n uyewwey d useyres n yimurar d yensayen yehtutan. Amek ara yeqbel asaḍuf adanki ? Ad yay yelli-s n sɛemmi-s i yeḥseb am weltma-s werḡin iḥulfa yer-s s wayen umi qqaren tayri. Ixemmam ad yerwel seg ufus n lmektub maca yuyal ibeddel rray-is mi d-yemmekti iman-is d awhid n snat tfekkiwin yezzlen di tesga, i yefkan fell-as ussan n temzi-nsent. Imir i yegzem usunded-is s usiwel n ladan n tafrara. Dya ixemmel i yiyallen-is d yidarren-is ad yay luḍu ad yezzal...

IDRISEN



Si Muḥend iferrun timsal

Boudjema AZIRI

Nassawed-as rreḥma i Aḥar Rabah (1907-2004) i y-d-yewwin asefru-agi n Si Muḥend U Mḥend ur nettwassen ara yer wid d-yuran isefra-ines, am Bulifa, Feruun d Mæemmri.

Si Muḥend d win iteddun atas ; tamurt n leqbayel inuda-tt tardast tardast, tudrin-is yessen-itent d tirni. Yiwen wass yewwi-t lmektub yer yiwet taddart ur ccfiy ara yef yisem-is. Tameddit n wass, akken yezzewrey yiṭij, yeqqim yef teblaṭ n lgameɛ, d acu n llebsa, d acu n lḥala, yessusem ur yessin yiwen. Akken yebda yettnay yiḍ d wass, ibded-d yur-s yiwen uqcic yenna-yas :

- Iceggeɛ-iyi-d xali ad k-ɛerɛy yer imensi ay inebgi n Rebbi. Xali-s n uqcic-agi d argaz lɛali, yefka azal amuqqran i wawal, ma yewɛed ur yettxalaf, ma yeggul ur iḥennet. Muqader yer medden merra s cci-s, s lḥerma-s d nnif-is... Maɛna txuɣ-it yiwet tyawsa. Tekka-as-d syur Rebbi, ur yesɛi ara aqcic ara t-iwerten. Tameṭṭut-is d tiqcicin kan i d-tettarew ; setta teqcicin ta deffir ta !

Mi terfed s tadist tis sebɛa, yeffey-as-d limin :

- Tikkelt-agi ma ilul-d yur-i uqcic, atan tennebra tmeṭṭut-iw ma ur zliy ara ikerri yesɛan sebɛa n turdas deg wacciwen-is. Yuy lḥal tameṭṭut-is imiren i d aggur-is. Kra n wussan kan yerna-d yur-s uqcic ! Anda ara k-rren yer lferḥ ; tiyratin, tṭbel ireddeɣ... Ass n sbue ilaq ad yezlu ikerri yesɛan sebɛa turdas deg wacciwen-is, ney ma ulac, tameṭṭut-is ad tennebru.

Ddurt kamel u netta d anadi. Kra n ssuq yellan yewweḍ-it. D awezyi ad yaf ikerri bu sebɛa turdas deg wacciwen-is ! Afrag-is yeččur d akraren bernen wacciwen-nsen maca yiwen ur yessawed sebɛa turdas. Ass-nni d aneggaru akken ad yebru i tmeṭṭut-is, ad s-d-tegğ mmi-s d aleqqaq, aqcic-nni iyef yessefna tarwiḥt. Ijmeɛ-d akk leuqqal, imrabden d lmacayex, iḍeggef-iten-id, yesteqsa-ten yiwen yiwen akken ad s-d-afen tawwurt ; ur iberru ara i tmeṭṭut-is... Ulac !

Ččan swan... Fkan-d awal-nsen aneggaru :

- Ad yemmzel ikerri bu sebɛa turdas deg wacciwen-is ney ad tennebru tmeṭṭut ma ur yebyi ara urgaz ad yeḥnet.

Akken yesla s yiwen uerḍi yensa di lgameɛ, iceggeɛ yur-s akken ad yečč imensi... yerna ad yawi deg-s ttwab, yerna a t-yesteqsi “wi žran ? ad yeereḍ tiwwura n Rebbi !”.

Akken i d-yekcem Si Muḥ, s uɛamar, llebsa taqdimt, yeḥša dayen ifuk ṭṭmeɛ !

Yečča Si Muḥ imensi, teqqel-it-id terwiḥt, yenteq yer bab n uxxam :

- D acu i k-yuyen ay argaz leali... a nettkel yef Rebbi a d-yefk tifrat.

Kra yellan din ṭṭalen-d yur-s... Inna umedyaz :

*Allah tiliḍ g lewn-ik
Nekni akk d arraw-ik
Taqcict yef tizi inebran*

*Yeggul wergaz wer yeḥnit
Leḥram ikreh-it
Izem-it-id cciṭan*

*Ṭṭef-d mmi-s deg irebbi-s
Tqisseḍ ccebr-is
Ma yella ddnub a t nemɛawan*

Ma nemmuqel amek yefra Si Muḥend tamsalt-agi iweɛren aṭas, yas akken leuqqal akked lecyax i teɛna taluft tban-asen-d tifrat-is d awezyi, ad nefhem belli Si Muḥend d win yezwaren lḡil-ines s waṭas di tmusni. Yeffey deg tmuyli-

nni-nsen tadeyqant, izzer tikufa akken llant d ššeh, s wallay d ilelli. Tur Si Muḥend, taqsiṭ-agi n berru yef lgal n teyzi n wacciwen n ikerri, d limin n lḥanet ur t-iqebbel ara leeqel-is. Ayagi d cciṭan kan i t-yebyan... “Izeem-it-id cciṭan”.



Ameɛɛen

Ahmed HAMOUM

Imdanen mgaraden. Ibɗa-ten Rebbi d leɣnaf ; wa yerbeɣ wa yerzeɣ. Wa yesɛa wa yexla. Wa yertaɣ wa yeɗreɣ. Wa yefhem wa yeggugem...

Tagi, yef yiwen urgaz ttxelliɣen-t medden imi i sen-ineqq iɛdawen-nsen. Mcawaren fell-as kra n yirgazen, sxedmen-d yiwen umeddakel-is ukkud iɛɕa tagella d lemleɣ ; sseywan-t s yidrimen. Isnubget-it s imensi i wakken ad d-asen wid ara t-yenɣen. Tameɛttut teɣsa s wayen d-ihegga urgaz-is. Imi ur tebyi ara ad teyli temgerɗt deg uxxam-is lafeɣ ad d-grin deg yimi, tekker yer mmi-s yellan di dduɣ, tezzuzun-it tettmeɛɛin :

*A uccen gar wuccanen
Iɗ-agi ad iwɣel wuccen-ik
Teqqareɗ i medden herceɣ
I ihercen deg tmital-ik !
A win (ye)f i rsen yidrimen
A lcali ḥader iman-ik*

Tameɛttut tettcewwiq trennu ; ameɛraɗ yefhem lmeɛna, yewwet wul-is yexcawet imi yeɣra ayen i t-yettrajun, dya yessuter seg wat uxxam aman akken ad yay luɗu ; nnan-as :
- Tɛɛam yezwar tizilla.
Inebgi igguma ad yeɕɕ alma yeɣɣul. Mi s-ɕɕuren ssɗel, yeffey yer ddaw lɣara, yessenser, yerra ssyin yeslek.

Tayed yef urgaz-iden umi d-heggan taxazabit akken ad
t-nyen. Yiwen umedyaz ur idrig kra yef tiṭ-is, yekkat s lemɛun
i wakken ad t-issefhem ad yerwel :
Ay abujad wer necrif

*Iurek iṣeggaden ad k-ḥewsen
S ufella heddren llsan
Tacerket s wadda i tt-kersen
Abudid ma ad d-iger lexrif !
Ma illa seg w(id) itcerrfen*

Imi iɛedda fell-as uzaylal ; ur yefhim ara lmeɛna,
yettwanya. Akka i tqerru d bu niyya ur nteddu d yiman-is. Yal
mi ara tedru tedyant yeban ta, ttawin-d tsirrit-a :

*Uḥdiq ifehhem s timmi,
ma d ungif ar das-nini.*



Nna Həgila

Hacène HALOUANE

Seg wasmi i d-cfiy i yiman-iw, Nna Həgila tella tama-w, amzun d yemma tis snat. Qqaren d nettat i yi-igezmen timiṭ. Mačči ala nekkini. Tizyiwin-iw merra d wid i yi-yugaren cwiṭ əddan-d yef ufus-is. Thucc-iten, tecrew-iten, tettel-iten, tectedduy-iten, teṭṭef-asen afus ad gren tajejjirt.

Nna Həgila zuret. Aqar-is d asagem. Ddmuj-is d llufan yufan. Segmi i s-d-cfiy ur tbeddel : ur tcab -yas ma tcab wi i yezran ? imi aqerru-yis yezga iyumm- ur yekmic wudem-is.

Seg wasmi i d-cfiy i yiman- iw, qqaren-d tesca aqcic d teqcict. Taqcict deg uxxam-is ad tt-ihenni Rəbbi, aqcic di Lezzayer, -ur ten-ssiney imi leəmer ten-walay yur-s uma nettat werğin tewwi-ten-id deg wawal- Akli d Jeğgiga -akka i d ismawen-nsen, zran medden llan, amzun di tmucuha.

Am akken i d-qqaren Lmulud n at wadda d gma-s. Ssney Lmulud n at wadda, d tidet icuba-yas cwiṭ. Zur, berrik, acu wis d acu i t-ixuşşen i wakken ad yilwiṭ wudem-is, ad tiḥnin tmuyli-s am tmuyli n weltma-s. Xaṭi. Nna Həgila ur tesca baba-s, ur tesca gma-s, ur tesca yelli-s wala mmi-s. Dya bitt argaz-is, yiwen ur s-d-yecfi armi ula d isem-is, yiwen ur t-yessin.

Nna Həgila tezdey weḥd-s, di tlemmast n taddart. Tas akken si berra, am uxxam-is am yixxamen n wiyad. Mi ara tkecmed, d ayen nniḍen, mazal ttwaliy-t gar wallen-iw, aḥanu-nni yas qqen deg-s izgaren. Cfiy nettemzazzal dinna. Mi ara muqley ass-agi, qqarey-as ahat d targit i tt-urgay ney

ahat d temzi-nni i nella mezziyit i yesmeyren axxam-nni gar wallen-nney.

D tagi i d Nna Heğila. Iciwi-s yezga yeemer : ma maççi d taħlawat ney d taħjurt n ssker d iniyman.

Tezwaray tižeđt zdat-s. A win i d-temlal deg-ney, ad as-tesslef, ad terfed, ad as-teččar afus-is ternu-yas "Rebbi ħrez".

Day netta ula d nekni, win yeylin, win yennuynan, win i wumi i yedda usennan, yazzel s irebbi n Nna Heği. Din din, tesfeđ-as imettawen, tezzuzen-it imi arebbi n tyemmat yeemer urėad yettaded yiwen mi ara d-yas wayeđ.

Ussan ttazzalen am wađu wa i d-deggir wa. Nettnerni, nettimyur, ntettu. Nesėa ixxamen tura, nesėa dderya, nesėa iyeblan-nney, xaři mexta n win mazal yettmekti-d irebbi n Nna Heğila. Ğas ma nekk, ar iđ-a, lemmer ur dessen ara fell-i medden, ad as-yliý deg yirebbi, ad ruý cwiğ gar ifassen-is, ad iyi-tesslef i uqerru-w. Zriý, yurwat wi yi-d-isellen, yer ccib-iw.



Nna Heğila mazal-itt waḥd-s, am zik. Lemmer di trebba akraren, ass-a tajlibt-is meqqret, imi d irgazen i trebba, attan waḥd-s. Ass-a ur mazal ad tegzem timiṭ i yiwen. Qqaren "wis ifassen-is ma zeddigt ?" uma yella sbiṭar dinna irebbunt tlawin ass-agi. Timqessin n Nna Heğila yuli-tent sḍaḍ, yas akken mazal-itt axxam ittak-itt i wayeḍ, da ad testeḡsi yeḍ umyar, da yeḍ llufan yuḍnen, da aṭas ayagi ur tēdda, tejjem-iten kan. Ad teqqim zdat n tewwurt, ad as-fken afenḡal n lqahwa, ad temmekti zik-nni, ad teḍs cwit, syinna ad tennejmeḡ yer texxamt-is, ula d trisiti ur tt-tessekcem am nettat am wiyaḍ, s wacu ara tt-tettxellis ? Day nettat ur tettḥar ara ad tuyaḍ yer dinna, tettwali-t amzun d azeḡka.

Yelli-s, tura arraw-is d irgazen, tettmekti-tt-id kan mi ara teḥwiḡ amwanes. Mulac ad k-ihenni Rebbi ihenni-yay. Mmi-s, ar ass-a d isem kan, yiwen ur yessin udem-is. Ma d at taddart, buh, wi iḡeḍḍen iman-is ar d-ilhu d wiyaḍ-nni.

Akken kan ara yali wass, ad tyiweḍ ad d-teffey seg "uḡeḡka-s" ad tezzuyur iman-is, yas ma mazal-itt tqeṭṭeb. Mazal imecṭaḥ ḥemmlen ad tt-walin tusa-d. D acu maḍḍi am zik, yas tiḥlawatin rran-t tiḡit, afus ara yesselfen ulac win i t- yerwan. Sin akken, i yettali i yettubbu alamma yeḡli-d tṭlam.

D acu ara yerren ameḥbus yer lḡebs-is ? Tettaḡad i tt-yettayen, weḥd-s, alamma traḥ-d. Tezra ddunit tbeddel, ulac anwa ara d-yasen ad yesteḡsi fell-as, ma yella ur d-tban ara.

Armi d assen tameddit n wass. Ageffur seg yigenni si tmurt. Tṭlam imḍelles tṣub s axxam-is, tessen iṣeddaren n webriḍ am akken d nettat i ten-inejren, tettetdu s leḥḍer, akussar, tazayt, aḡataḍ, yecced udar-is. Tḥulfa i tmeccact-is tennṣel, teqqi-d yeḍ yiman-is tyumm iḍarren-is, tṣeggem acemmal-is. Tessawel, abrid, berdayen "Ay abbuh ay at laḡraḍ !" Yuy lḡal yiwen si lḡiran-is imaren i d-yennejmaḡ, yesla i teyri, yessawel ula d netta i medden.

Tamecwart akka nnejmaḡent-d fell-as tlawin, zzint-as, ta la tettaḡraḍ ad tt-terfed, ta teqqar-as "Ur tṭaḡad". Uzzlen yirgazen, wwin-d accetṭiḍ ideḡ ara tt-awin yer sbiṭar. Tenna- asen :

- Arḡut, byiy ad sleḡ i umeḡḡed uḡbel ad ruḡey !
- Wiyeḍ ara nmeḡḡed ? i s-nnant tlawin i s-d-yezzin.

- Meġġdemt fell-i, żriy ur d ttuḡaley ara, tarużi n win meqqren, d tarużi n ubuqal, ugadey mi ara yi-d-awin, ulac win ara imeġġden fell-i. Ahamt a tilawin, byiy ad t-awiy deg umezzuy-iw.



Lehwa la tekkat, bu tkerrust la yettraġu. Irgazen ffren acettiḡ mulac ad yebzeg. Tilawin refdent tiyri. Nna Ғeġila di tlemmast tefreḡ, teḡsa, tenna "A kent-yeḡfu Rebbi".

Refden-tt yirgazen, ḡawlen yis-s. Tilawin nnejmaḡent yer yixxamen-nsent. Nettet ala rrwaḡ n wass-nni. Tikwal, mi ara qqimey zdat n tewwurt n uxxam-is, iwerra-yi-d Rebbi, ttwaliy Nna Ғeġila tettali-d tiseddarin-nni zdat-i.



Tala ihulfan

Youcef MERAHI

Aql-iyi ass-a d inebgi n tala ihulfan. Tala ihulfan ! Lebni n wawal-agi tlaq-as tyimit. Maca win yufan awal-agi ad s-rrey tajmilt.

Amek tetthulfu tala amek yetthulfu wemdan ? Tala tesserwayay aman maca nettarra tajmilt i wayed. Akka ihi tala tettezzem iman-is i wakken ad tidir tudert. Ma d amdan meskin ahulfu-ines ibeddu-d ass n flalit-is. Llu fan mi ara d-brarhent wallen-is yettæggiḍ. Amek akka ? A d-nqabel tudert s imeṭṭawen ? Ih ! Akka. Ass amezwaru n flalit-nney yugguni-t ass aneggaru, asmi ara d-testeqsi tucmitt-nni i wakken ad ay-tezzuyer war lebyi-nney yer umaḍal n at laxert. Akka i d ddunit !

Simmal tettfeggiḍ tala, simmal aman-is neqqsen, simmal ahulfu-ines irennu. Simmal yettidir wemdan, simmal tazmert-is tettanqas, simmal ahulfu-ines yettimyur. D acu iciddi yellan gar wemdan d tala ? Ayagi d tamsalt i yeenan tafelsafit ney tazemnit.

D acu i yessimyuren ahulfu n wemdan ? D timetti. Acku timetti tebna yef yal tayawsa yebdan si lemlih armi d alexxax. Akka amdan inejjer abrid-is anida yessexsar tikwal, anida yesseqad tikwal. Dagi d tikerkas. Dagi d lexdaε. Dagi d acmumeḥ. Dagi d imeṭṭi. Dagi d sseaya. Dagi tigguyelt. Dagi d laz. Dagi d tawant. Dagi d karuh. Dagi d tayri.

Ahulfu n wemdan yebna yal ass yef tayri. Win teḡga tayri yessureg ayen yellan deg wul-is. Amek tebyam ad yidir wemdan d wemdan, ad tettwabna timetti bla tayri ? Amek

tebyam ad yeddu wemḍal bla tayri ? D acu n liḥala n wergaz ney n tmeṭṭut teffey tayri ?

Maca tayri mačči d učči. Yal yiwen deg-ney akken it t-yettwali. Wihin yetturar s tayri am win ineqqen akud; yerra-tt kan i thuski. Wagi yetṭafar kan icuḍaḍ n lخالat, yeqqar-as nekk “hemmley”. Wayeḍ nniḍen iguber tayri ur tt-yewwid. Ma d wihi yerra-tt i ucali si teznigt yer tayed, taxrit teččur, la yettsawam di tayri. Yella wayeḍ tin iwala iḥemmel-itt. Maca nekk mmugrey-d tayri taḥeqqanit ala di tmedyazt d yedlisen i yessalayen tayri yer tagnawt. Ccix Lḥesnawi d Faḍma. Aragon d Elsa. Qays d Layla. D wiyad nniḍen merra. Ih ! Roméo d Juliette. Tristan d Iseult. Anda tellid a Werther ? I Jamil anda yella ? Lxenqa d Lehman ? Wigi uran εacen žran jerben weznen walan meyzen muqlen... ḥulfan s tayri, ḥulfan i tayri.

Nekk, ahbuh i nekk ! D acu-yi zdat n wigi ? D amdan. Ḥulfay ula d nekkini. Uriy ula d nekkini. Aneggaru deg-sen : “Wehran, tafesna 31”. Ammud-agi n isefra yebren tamgerṭ i tikti n tayri. Acku tayri n war tiririt mačči d tayri : d atihi.

Deg wedlis-agi-inu d wiyad i uriy, cuddey tikti-inu n tayri yer yismawen-nni i d-bedrey usawen. I yurgay tayri ur d-nelli ! Anda-kem a yemma ?

Nekk, ahbuh i nekk ! Zegrey akin i xemsin (lukan di ddiminu aql-i kecmeṭ i lemlih). Maca mazal ttarguy tayri. Sani tessufuy tayri am tagi ? Tessufuy yer webrid ireglen, yer ṭtaq n tisselbi, yer westerdeq n wul, yer εawaz n llyali, yer taruži n tuymas, yer umegged n idudan, yer temlel n uqerru, yer taḍsa tasemmaṭ, yer tira n wurfan, yer εeggu n wass, yer wezday n usteqsi, yer tarewla zdat tilawt, yer tatut n tummast...

Ihi a tala iḥulfan rnu žzeg-d si tmazzagin-im, efk-ay-d aman i tissit d usired, atan wul yumes.





TUTLAYT



Tihawt tazayzant n tmaziyt

Zahir MEKSEM

Iswi n umagrad-a d awal yef useqdec s wudem nniḍen n tira. Ad yerzu tatyult iyer ur nezzi ara tiṭ s tuget. Asentel-is yerza tihawt tazayzant ney tirant n tmaziyt (Présence publique ou graphique de tamazight). S umata, ur llint ara aṭas n tezrawin yef usentel am wa. Ihi awal-iw ad yili aṭas d aglam, d tamawin.

Iseqsiyen yef ara yili umeslay d wi :

Seg wasmi d-isud waḍu n tlelli d tugdut yef Lezzayer, aseggas n 1988 d asawen, tamaziyt tekcem yer tesdawit akked uyebaz, tuyal d tutlayt tayelnawt ; nezmer ad d-nini ldint tewwura i useqdec n tmaziyt. Deg wayen yerzan tihawt-is tirant :

*"Tamaziyt tban-d deg twennaḍt aṭas n yiseggasen-aya. Sqedcen-tt yimdanen akken ad d-seknen yes-s udem n twennaḍt. Syin akin, cwiṭ, cwiṭ tettḥef imukan-nniḍen. Aseqdec-is, ihi, yebda seg yiseggasen imezwura seld tilelli n tmurt. Maca lawan-nni teqqim kan d tira yef lehyuḍ, yef tesfifin, yef yiḍbsiyen"*²⁷

D acu, deg wayen yerzan tilin-is deg tmetti, aṭas n yiseqsiyen i d-icudden yur-s, amedya :

- Ma tettwaseqdec tmaziyt deg twennaḍt ?

²⁷ Z. Meksem, 2005, Les langues des écrits urbains dans la ville de Béjaia : Qu'en pensent les jeunes apprenants de tamazight », In M. Rispail (Sous dir) avec la collaboration de N.Tigziri, *Langues maternelles : contacts, variations et enseignement. Le cas de la langue amazighe*, Paris, Harmattan, Pp. 205 -215.

- Anda ara tt-naf ?

- S wanta tira s tettwaru ?

(Zemren ad ilin yiseqsiyen-nniḍen yerzan asentel-a, maca d wid i yesran i tezrawin d ttestanin deg unnar akken ad sɛun tiririt tussnant iwatan).

Iseqsiyen-a yakk, s umata, d wid yerzan tayult n tesnilesmetti (sociolinguistique). Tiririt fell-asen, ad ay-d-temmel azal d umkan n tutlayt n tmaziyt, mačči kan anagar ayen i d-icudden yer uzayer-is asertan, maca, tirirt-a ad ay-d-temmel dayen amkan-is d tixutert-is yer yimsulya (wid i tt-yettmeslayen). Deg wannect-a ad negzu azal n tutlayt yettilli-d yef sin n wudmawen.

Deg tama ayen akk i d-icudden yer usyiwes utlayan (planification linguistique). Wi rzan adabu, s wawal-nniḍen d netta i ilan allalen akken ad yefk tagnit i tutlayt akken ad tennerni, akken ad tay amdiq i tt-iwatan : ama deg yiwerbazen, deg tedbelt, deg wallalen n teywalt, atg. Dya, ma nmuqel tamaziyt ass-a, ad naf azayer-is ibeddel atas, ur teqqim ara d tutlayt taddayt (langue basse), ma nserwes-itt d taerabt tantalanf, acku tamaziyt tuyal d tutlayt tayelnawt, tekcem yer yiwerbazen, tekcem yer tayulin n teywalt.

Maca ayen yerzan aslugen-is ²⁸ (sa standadisation) teqqim war tifrat, amedya ar ass-a ulac ayen yellan d unsib ara yesddaklen tira-s, amawal-is. Annect-a dayen yeqqen srid yer wahil asertan n udabu; d netta i yesean azref akken ad yefru tamsalt-a.

Deg tama-nniḍen, asnerni n tutlayt yasea assay d ameqqran d tmetti ideg tella. Tigensas, timuyliwin, tikiwin n yimdanen yef tutlayt-nsen ttilin d tasaletl tameqqrant, ttakkent afud ameqqran i tutlayt akken ad teddu yer zdat. Anadi deg tayult-a yessukkus-d amek ttwalin yimdanen tutlayt-nsen, ma byan ad tt-yren, ma byan ad tt-arun. S umata ma byan ad tili, ad tidir. Tin yur-s, annect-a yeskan-d dayen tuṭṭfa-nsen deg tutlayt-a imi tutlayt tettidir s lebyi n wid i tt-yettmeslayen.

²⁸ - Aslugen ila anamek n "noramalisation" sqedcey-t s unamek n "la standardiastion" akken ad d-segziy ayen i wimi tesra tmaziyt ass-a akka am : yiwen n umawal, yiwen n ugemmay, yiwet n tirawalt.

Tudert-a tettili s useqdec-is deg yal tayult. (Amedya tagnit-a i yas-yettunfken deg tesyunt-a). Aya yebya ad d-yini, tutlayt yewwi-d ad tili, ama d tira , ama d timawt deg yal adeg, deg yal akud anda tezmer ad tettwaseqdec.

Deg wayen yerzan tira, tamezwarut dayen ibanen, d amenzay yer medden merra, tira i d iman, i d tazmert, i d tudert n tutlayt. Acku ayen yuran ur inegger ara, ur yettnejli ara, ur t-tekkat ara tatut. Yewwi-d ad nzer d nettat ara yerren azal i tmaziyt. Mammeri, yura deg udlis (Inna-yas- Ccix Muhen) : *"Di lqern n eecrin ideg nella, tussna telha [...] Ihi, yezmer umdan ad yessexdem allalen-is [...] Ass-a nezmer ad d-nessufey idlisen di mkul ssenf "*²⁹.

Am wakken i d-yura deg udlis (Les poèmes kabyles anciens) : *"Tura tamussni tuyal s idlisen. Degmi uriy adlis-a i keč d tezyiwin-ik, ad ak-d-yeqqim d tigejdit i usenned, d tigejdit i lebni "*³⁰.

Tin yur-s, ula deg umennuy n Umussu Adelsan Amaziyy (MCB), seg zik awal i d-yettuyalen, nnig n umennuy asertan, d tira, d afares, d assufey n yidlisen, akken ad teqqim tutlayt, akken ad as-yettunefk yisem n tutlayt, ur tettymimi ara kan d tantala.

Tamaziyyt ass-a tettef atas n yimedqan, teskuttef-d deg yal amkan, yennerna ciť uzayer-is, tetcali deg yiberdan, tettef iyerban, tekcem tanezzut. S wawal awezlan, ad d-nini ur tehjib ara, ur teffir ara. Atas n teginatin ideg d-ttbin. D annect-a iwimi qqaren tihawt tazayzant ney tihawt tirant (Présence publique, présence graphique). S wawal-nniđen, anamek-is d tilin n tutlayt, d tudert n tutlayt deg twennađt.

Amek i d-yettili waya ?

Tihawt n tutlayt tettili deg twennađt ticki imdanen ttarun-tt deg yal amkan ideg tezmer ad tili, semrasent d allal n usissen ney d allal n usussen (publicité), amedya : ismawen akk n wayen yerzan :

²⁹- M.Mammeri, 199, *Inna-yas Ccix Muhend*, Paris, Maspéro, asebtter 15.

³⁰- M.Mammeri, 1988, *Les poèmes kabyles anciens*, Paris, Maspéro, asebtter 60.

a- tanezzut, akka am :

tihunna, leqhawi, allalen n tumnayt, igalisen akken byun ilin, isufar n wučči ney n usired (lgazuz, lqahwa, lgaṭu, cukula, sabun, rriḥa atg.). Tisfifin, iḍebsiyen, C.D, iymisen. Ddwa...

b- tisuddwin, akka am :

tinedlisin, tisdawiyin, tismawiyin, tiyiwanin, lwilayat, iyerbazen, tidukliwin, ikabaren, tizrigin...

c- tiyawsiwin-nniḍen, akka am :

tikerḍwin n uncad, SMS, internet, izekwan, tira yef yiberban (graffitis)...

D acu i azal n tihawt n tutlayt deg twennaḍt ?

-Tamezwarut, tezmer ad tili d aferdis n usnekwu (élément identificateur) n twennaḍt-nni. S tira ad nzer d acu i d tutlayt n tmetti-nni

- Tis snat, temmal-d azal i tefka tmetti i tutlayt-is, ma byan ad tili, ma tḥfen deg-s, ma ḥemmlen ad tt-walin, s wannect-a ara d-senfalin tigensas-nsen yef tutlayt i fernen gar tiyid. S tewzel n wawal tettak-d issalen yef wassay yellan gar tutlayt d tmetti.

-Tis kraḍ, tihawt-a tezmer ad tili d aybalu s ara yelmed umdan amawal d tira n tutlayt acku simmal yettwali, simmal yesseqsay, simmal ilemmed.

Aseqsi i d-icudden yer wayen yezrin d wa : S wanta tira s ttarun yemdanen deg tagnatin-a ?

Uqbel ad d-nerr yef useqsi-ya, yewwi-d ad nzer deg Lezzayer llan yisudaf (leqwanen) i d-yessufey udabu yef usexdem n tutlayin deg twennaḍt. Leqwanen-a qqnen yer tsertit n useereb. Deg useggas 1981, yella *le décret n° 6136 du 15 mars*, iwimi semman "*Arabisation de l'environnement*", tallit-nni i d-lulen kra n yismawen n tmura ffyen akk i yidles d tesmidegt (la toponymie) n tmurt-a.

Amedya : (Buleyda, wihran, qusentina, Sukeykida).

Syina ulsen-as-d i usaḍuf-nni deg useggas n 1998, yerna sḍefren-as-d lextiyat i kra n win ara yarun s tutlayt- nniḍen. Maca, yas ffyen-d leqwanen-a, deg twennaḍt, deg tedbelt, deg

luzinat, lbankat... mazal yezga useqdec n tefransist. R. Kahlouche, iga snat n tsastanin (enquêtes) deg temdint n Tizi Uzzu, yiwet 1996, tayed 2000, yufa gar snat n talliyin-a, imdanen uyalen ttarun atas s tefransist ugar taerabt, ugar tamaziyt. Yewwed yer tamawt-a :

"Deg useggas n 2000, i tuget tefransist ney i yuyalen medden yer tefransist ayen i wimi yessemma "*la refrancisation de l'environnement* " ³¹.

Ma deg wayen yerzan tamaziyt, ulac lqanun i d-yeqqaren ilaq ad tt-nesseqdec, am wakken ulac lqanun i tt-igedlen. Ma nmugel ad naf atas n yismawen n tmaziyt yellan deg twennaɗt d ddewla i ten-yuran.

Tira n tmaziyt deg twennaɗt

Deg twennaɗt amur ameqqran seqdacen talaɗinit, d acu, deg sya yer da, ad naf dayen tfinay. Annect-a ad ay d-yessegzi, deg wayen yerzan tihawt n tmaziyt d akken tura s flaɗinit :

- d tin i yuyen deg tmetti ;
- d tin i yugten deg twennaɗt ;
- talaɗinit d tin i fernen yemdanen i usissen n tyawsiwin-nsen;
- talaɗinit d tin i yettwasmettin s waɗas (socialisée);
- flaɗinit d tin i tesseqdac tmetti, ula d ddewla atas n yigalisen (plaques, enseignes) tura-ten s flaɗinit.

Γef wannect-a ad d-nini, nnig n tmental i yefkan afud i ufran n flaɗinit, tira-aya :

- tuy deg tmetti si zzman aqdim ;
- fessuset i ulmad d uselmed ;
- iybula yellan akk ttwarun s flaɗinit ;
- tla ilugan n tira, d ayen yellan d agejdan acku ilugan d allal i yeḡḡan imdanen ad arun, s yiwet n farrayt akken ma llan.

Nniy-d, nnig n tmental-a, tihawt-is deg twennaɗt terna-yas-d afud ameqqran acku tawennaɗt dayen d tafelwit, d ayebaz yesselmaden. Imdanen ur tt-frinen ara kan akka. Rran yur-s,

³¹ R.Kahlouche, 2002, La refrancisation des enseignes à Tizi-Ouzou : qu'on est-il depuis 1996 ?, In *Passerelles*, n°24, Numéro apparu sous le titre : Peuples, identités et langues berbères. Tamazight face à son avenir, Pp.127 - 135.

fkan-as azal acku d tin s izemren ad d-segzin ayen i ten-iceyben.

Tin yur-s, ad d-iniy, tura deg umaḍal, mi ara gen yimussnawen tizrawin yef tira ney mi ara ttmeslayen yimussnawen yef tira, ur ttiyman ara kan deg unamek-is amezwaru, anda tira terza anagar ayen yellan d asnulfu (création) akka am tsekla, tayamsa... Maca tura mi ara yili umeslay yef tira ttarran tamawt yer wayen akk yuran :

journal intime, recettes, notices, les formulaires administratifs, listes des courses, mots laissés à un fils, à un ami, petites annonces, bulletin météo, SMS, atg.

Ƣef wannect-a amedya, H. Boyer yessemgared gar tira (écriture) akked d ujerred -ma nezmer ad as-nsemmi akka-(scription). Awal "tira" seqdacen-t i wayen yellan d asnulfu, ma d awal "ajerred" seqdacen-t i wayen ideg yenqes wazal n usnulfu, akka am : (Ti i d-uddrey iwsawen).

Ihi, d wasmi i d-yewwi ad nerr tamawt yer tira n tmaziyt anda tebyu tili acku akken i tura M. Rispail, deg udlis "Le francique" :

"Dire qu'une langue existe, c'est déjà un peu participer à sa survie".

Nekni ma nura-tt, ma nga fell-as tizrawin, mačči d asider ara tt-nessider maca d asnerni ara tt-nesnerni, d asimyer ara tt-nesimyer gar tutlayin n umaḍal.

Ad d-rnuy kra n tmuyliwin i wimi i ilaq ad nerr tamawt, ad nemmeslay fell-asent, ad nwelleh imdanen akken tamaziyt ad tay ugar amḍiq-is deg tmetti :

- Yewwi-d yef yimdanen ad tt-sqedcen nnig n wannect-a acku yas, d tidet, atas i tt-yuran maca, deg tama-nniḍen, atas yimukan ideg ur d-ttbin ara. LLan wid i yessmenyifen ad arun taṛabt, tarumit wala tamaziyt. Ayen yef ara yeshḥisef yiwen mačči kan anagar tira ; yella wayen i d-yekkan nnig-s, yessegraḥ, yesserfay (ahat), yessewham, imi ula d ismawen i d-fernen kra n yimdanen i thunna-nsen, i yisensuyen-nsen, atg., ur sein ara akk assay la d yidles-nney, la d tutlayt-nney, la d twennaḍt-nney, la tmurt-nney. Ad naf ismawen yechan :

aḥbab, ezzeytuna, el aḥlam, eliḡtihaḍ, ennexla, el itihad, ennour, macaallah, rreḡma, titanic, azur, top, tic tac, zephir, le rapide, aigle, TGV, les amis, le faucon, hip hop, etc.

Ger tama-nsen ad naf wid i yefkan azal i tmaziyt ; uran s tmaziyt, fernen-d ismawen i iwatan idles-is : awren, adrar, lbaz, talwit, timlilit, itri, tiziri...

Yuyal d adabu, i ireglen zik tafat i tmaziyt, i tt-yesseqdacen ugar wid yennuyen fell-as. Ma nmuḡel ad naf aṭas n tsuddwin n ddewla i yuran s tmaziyt.

Ilmend n waya i d-yewwi fell-ay ad newwet amek ara d-ibin wazal-is s usemres-is deg yal amdiq.



Ahilen d yidlisen iyurbizen Tamuyli n uselmad

Sadeq BENDALI

Mi ara nessiked yer wamek i iteddu uselmed n tutlayt tamaziyt, deg uyerbaz nney, assa ; nezmer ad d-nessukkes seg-s kra n usirem. Tuget n yiselmaden d wid yettaken ul nsen deg umahil nsen aheggar. Assay yellan gar-asen akked tutlayt nsen am win n mmi-s yer tyemmat. Tamasit nsen meqqret. Amur ameqqran n yiselmaden d tselmadin teggen axeddim nsen s tayri yerna d nitni kan i d imezwura i iwatan, i yellan deg unnar n tidet. Seddan azal n 13 yiseggasen di termit, lecyal s ttawil kan iteddun.

Abrid i yuy uselmed n tutlayt simmal yettseggim. Tarselt ressan-ft yiselmaden n tsuffeyt n Mulud At Mæemmer (n 1995). Aseqqamu Unnig n Timmuzya (H.C.A) d netta kan i ibedden yer tama nsen s drus n wallalen i yesæa. Yal aseggas ney sin, yessuddus-d timliliyin d tannanin n usiley. Iselmaden-a, mazal amur ameqqran deg-sen, di twuri, xas akken uguren i ttimagaren mačči drus. Deg yiseggasen-a ineggura rennun-d yur-sen at turagt i d-iteffyen ladya, si tesdawiyyin n Tizi Uzzu d Bgayet. Ddeqs n yineggura-a, tuy-iten d inelmaden n yimezwura mi llan deg uyerbaz alemmas. Azrar n tsutwin yeqqen, irennu, yettiyzif.

Ma tella tayult i yesran i wussisen yal ass d tin n unadi ussnan. Yessefk ad nessifrer, ad nessizdeg, ad nesserer ugar aselmed n Tmaziyt. Ma yella deg wayen yerzan tarrayt n uselmed, aselmad yesæa ansi yezmer ad d-yettagem, deg

wayen yeenan ugbiren utlayanen (ilugan n tutlayt : tajerrumt, taseddast, amawal) yessefk-as ahat ad yeyz iman-is ires ney anu s tallelt n yimeddukkal-is d wallalen nniden. Ineggura-a, d idlisen n tutlayt (xas drus i yellan) d yiwfusen iyurbizen i yessezreg uylif n usedwel ayelnaw, i yal aswir. Ha-t-a, dya byiy ad d-fkey tamuyli fell-asen, di sin yixfawen. Ad d-zwirey seg yidrisen d yisental, imir-n ad zriy yer yiferdisen n tutlayt d umawal umris. Di taggara, ad d-fkey kra n yisumar i ttwaliy sean azal i usemres.

1- Idrisen d yisental

Ma nessukk tiɗt yer udlis n useggas alemmas amezwaru (IAM), ahat yeɗɗa-t wakud. Ama deg yider ama di talya, ur yelli d allal axatar ara yernun afud i ulmud n unelmad. Deg useqdec n uwfus-a, nesmenyaf ad yettawan uselmad inelmaden-is s yiwellihi. Isental i ttwaliy s wazal nsen, ad ten-naf deg yidrisen n tyuri : timecreɗt n R. Yellic, sb 44; anekcum yer uyerbaz, sb 49 (ilaq ad yemmug di tazwara n useggas ayurbiz); yennayer, sb 75; imensi n yibeɛɛac, sb 80; Faɗma n Sumer, sb 86; abazin, sb 98 (d asewwi aqbayli); tasaft n uwayezniw, sb 120. Yelha yerna ilaq ad yernu uselmad idrisen nniden iwatan i yiswan uyur yebya ad yessiweɗ, deg uselmed s tarrayt nni n tsegmisent n usenfar.

Awfus ayurbiz n useggas wis 2 "Adlis-iw n Tmaziyt" d yiwen wallal n ulmud iyer yezmer ad yettuɣal unelmad yal tikkelt, ama deg uxxam (abeɛda) ney di tneyrit, deg uyerbaz. Idrisen i yegber, ttawin-d yef tsekla tatlayt (timawit) d wansayen n Leqbayel, jebbden-d inelmaden d tnelmadin nney, ssekcamen-ten-id deg yirebbi n tyerma nney, leddin-asen allen d wulawen, yef yigerrujen n yidles n ugdud nsen. Azal i tesɛa tmacahut tayerfant, nekkni nessen-it seg wasmi nella d "ileqqaqen". Tabrat i yellan deg wahil-a, d tagnit i yinelmaden akken ad ssenfalin yef wufuren nsen, di tutlayt tayemmant (n tyemmat). S tira ad izmiren ad d-gelmen tawennaɗt ideg ttidiren. S uzray seg umeslay yer tira ara taf Tmaziyt amkan ger tutlayin nniden, azekka.

Deg uswir n useggas alemmas wis krad ara snernin yinelmaden timussniwin nsen yef wullis amakun d uzenziy n

yimigan, d uqlam n uwadem d wadeg, akked udiwenni mi ara d-yadef, di tmacahut. Ula d asegi d tebrat yettwazerwen di sin yiswiren yezrin, uyalen-d deg wahil n useggas-a. Tabrat tamagnut, tedda-d yid-s tebrat tadeblant, asegi yusa-d s telqey. Ayen igerrzen, deg usenfar-a aneggaru d agbar n yisental ussnanen. Idrisen *Anagraw n yitij* (sb 70), *Amtiweg n umaḍal* (sb 74), *Ageffur* (sb 79) d *Waman* (sb 83) mmalen belli Tamaziyt yebdan d tutlayt tulmidit tezmer war ugur ad tuya d tutlayt n uselmed, awi-d kan ad as-tettunefk tegnit d wallalen.

Ma d ahil n useggas aneggaru n uselmed alemmas, yettawi-d deg usenfar amezwaru, yef tullist tamezyant di tezyi n sḍiset (6) tgezmin. Asenfar wis sin igebren snat n tgezmin d asfukel. Deg uswir-a, igerrez ma nessekcem inelmaden di tyuri d tegzi d uzraw n tullisin. Ma yessiweḍ uselmad ad d-yeslal (ney ad d-yessekfel) tayri n tira nsent deg unelmad dya d ayen yufraren maḍi. Ahat, ad ilin wid ara yayen abrid-a, deg yimal, ad uyalen d imura d ineggalen, ayyer ala !?

2- Iferdisen n tutlayt d umawal umris

Iselmaden d yimaswaḍen n Tmaziyt i iḍeffren tannanin n usiley yer umussnaw n tutlayt nney **Naser Ayt Wecli**, scan zzher. Nessaram ad t-sḍun akk wid i d-yeqqimen ney i d-irennun. Tajmilt-iw i Naser, meqqret, yef wayen ixeddem i usnefli d usetrer n uselmed n tutlayt n **Yuba wis sin**. Yefka i uselmad amaziya allal s wayes ara yessiweḍ ula d netta ad yefk allal i unelmad akken ad yelmed iman-is s tlelli yerna ad d-yekfel wayen yellan d tamussni, yeffer deg-s. **Tasegmisent n usenfar** lemden-tt yiselmaden n Tmaziyt uqbel wiyeḍ yerna tebda la tettay aḍar deg yiyezbazen, inelmaden uyen yid-s tanumi, uyalen ḥemmlen aṭas ad yren Tamaziyt.

Zwarey-d awal yef ulmud n tutlayt i iteddun cwiṭ cwiṭ, maca ilaq-as llsas iselḥan, mačči d kra. Taki d tameslayt nney, mačči d urar kan ! Ur yessefk ara ad nḍerr tuccḍa ad as-neqqar, "maḥlic" ney "ulac uyilif", aya d ayen ur nessei azal. Ur iwulem ara ad nesselmed talyiwin n wawalen i yeffyen i yilugan ussnanen n tutlayt ney ad d-nesnulfuy ayen yellan, yakan.

Mi zerwey ugbiren n yiwfusen iyurbizen ufiy aṭas n yimediyaten n wayen yeḥwaḡen aseṭti :

* **Amatar udmawan wis 3 n wasuf amalay** : nettaf-it, tikkelt d "i", tikkelt tayed d "ye" akked "y", anamek-is akken i ak-yehwa taruḍ, ur ilaq ara ad kemmlen yiselmaden akka acku tutlayt tesca "isudaḍ" akken yebyu yili ! Yessefk i yiselmaden d yimaswaḡen ad eiwden tamuyli deg waya. Ha-t-a wamek yella ulugen :

* **Amatar udmawan wis 3 n wasuf amalay (netta)** : yettili d "i" ma yella sdat yiwet n tergalt (ibedd, igezzem, irennu, imuḡel). Yettili d "ye" ma yella sdat snat tergalin -ama mgaradent ama d tussda- (yettbedda, yezra, yegzem, yerna, yezra) da, lemmer ad d-nini "izra" waki d isem, akkaw-is "id^yayen" mačči d amyaḡ.

* **Asegzan (aḍris, sb 74 -1AM) - imsegzi (ad cfuy sb 53 - 3AM)**: imyagen sselwi, sseyti, ssexsi, s^{an}an yiwet n talya d umyaḡ **ssegzi**; imi ismawen n tigawt i d-yeffyen seg-sen d aselway, aseṭtay, asexsay s "ay" di taggara, yessefk win d-yessegzayen ad yili yeḥ yiwet n talya, ad as-nini asegzay - aḍris asegzay s tmerna n ay di taggara ula d netta.

* **Agaz** : sliy i ufakul i d-yennan awal yekka-d si Ttergit maca ula d taneqqiḍt d awal yellan di Teqbaylit (ayyer ara yettwakkes kan akka?) Tamaziyt-aki d ayen ibanen mačči akka ara teqqim - ad teddu yer sdat, teḥwaḡ asebyer ugar mi ara tekcem deg waṭas n tayulin. Ahat, ma iwata, ad yettusemmi "agaz" i lgaz imi awal-a lgaz ur nettumazey ara izewwir s "I" amagraḍ n tutlayt nniḍen (Tafransist ney Taerabt).

* **Tamsertit "n+u", sb 103 - 2AM** : yessefk ad yettwakkes acku ur tezmir ara ad tili temsertit ger tenzeyt n d teyri. Tettili temsertit mi ara mlilen sin yimesla ibeddel ususu.

* **Tamsirt "urmir ibaw" ney "urmir ibaway", sb 92 - 2AM + sb 74 -5AF** : yessefk ad tettwakkes, ad d-yili useyti n wugul, ad ternu kan tamawt yer temsirin n talya tibawt, anda ara yessegzi uselmad i yinelmaden-is belli "urmir d wanaɖ ur sein ara talya tibawt d anaɖ ussid d wurmir ussid i asen-iredɖlen talya tibawt".

* **Tumyigt - tarumyigt (tafyirt), sb 31d 53 - 3AM + sb 53 - 4AM** : Mi ara tezred talya n "umyig - tumyigt" tettemcabi yer tin n yirbiben **unciw, ucmit, uzwiw** i d-yekkan seg yimyagen **ncew, cmet, izwiw** tettban-d am wakken tekka-d ula d nettat seg umyag, maca tekka-d seg yisem "amyag" yerna deg umawal amaziw ulac amyag **"myeg"**. Si tama nniɖen, ilaq ad nwali belli yettili usuddem seg yisem s tmerna n udfir **"an"** (ɣer amawal n tmaziwt tatrart n ACB n Bgayet : amazyan, amiran, anzeggan, aɣerman). Irbiben ilan adfir **"an"** i d-yekkan seg yimyagen ggten d ayen kan : ahrawan, aberkan, ayezzfan. Acuyer ihi ur nesmenyaf ara ad nesseqdec talyiwin-a : amyagan, aramyagan (tafyirt tamyagant - taramyagant)? Tiki llant-d s tmerna n udfir **"an"** i "amyag" d tmerna n uzwir n tibawt **"ar"**.

* **Talya n uttway twa-twaker, sb 24 - 4AM** : ilaq ad tt-yesseyti yal aselmlad, ad tuyal akka : azwir d **ttwa** ara nrennu i umyag amenzu akken ad yuyal d attway **"Ttwaker, ttwakkes..."**.

* **Talya nn-neeqlab, sb 24 - 4AM** : talya-a mačči d attway acku attway yemmal tigawt iɖerrun yef walbeɖ bla ma yexdem-itt netta.

* **Talya taɣerfit (tamezwarut), sb 24, 33 d 44 - ad cfuy - 4AM** : d tucɖa ur nlaq ara ad tili deg wahil unsib. Ur iwulem ara ad nettu belli **talya taɣerfit**, sean-tt akk yimyagen ama d amenzu ama d asuddim. Qqaren-as s Tefransist **"l'infinitif"**. I wakken ad nessemgired ger snat n talyiwin, **amyag amenzu** ad as-neqqar **"talya tamenzut n umyag"** (md : yelmed), asuddim ad as-neqqar **"talya tasuddimt n umyag"** (md : yesselmed). Ma nuyal-d yer talya taɣerfit, tin n umedyā 1^u d

"lmed", tin n umedya wis 2 d "sselmed". Ha-tt-a tbadut : talya taħerfit d talya n umyag uqbel ad yefti, d nettat i d tamezyant ger talyiwin n umyag, ur tesēi ara amatar udmawan.

*** Asnubget ney tinnubga, sb 57 - ad cfuy - 2AM +36 d 41 - 5AF ?!** sin wawalen mgaraden ur sein ara yiwen n unamek : asnubget d leeraḍa ney d ancad ma d anubget d tirza n yinebgi yer win i t-iserden. Ihi, aḍris s wayes ara d-tēerḍeḍ "d asnubget".

*** Asenked ney tanekda ?!** : Ula da, yif-it ad smersen yiselmaden awal "asenked".

*** Izri ibaway ney izri ibaw ?!** : inelmaden ara yeyren Tamaziyt, di 5Af ad lemden izri ibaway (ḡer asebter 66); mi wwḡen yer uyerbaz alemmas ad ibeddel ad yuḡal d izri ibaw (ḡer sb 57 - 1AM, ḡer sb 36 - 2AM). Deg yiswiren nniḡen dayen, ad d-uḡalen alamma d ibaway d yilaway nni (ḡer sb 63 - 3AM, tafelwit n tseftit n usebter 86 - 4AM).

3- Kra n yisumar i usemres

Ma ssurfen-iyi yimeddukkal iselmaden d yimaswaḡen, ad d-ssnekdey kra n yisumar i tḡyilliy zemren ad rnun kra n ufud deg uselmed d ulmud imi sean assay d wugbiren n tutlayt, ha-ten-aya :

Talya n wurmir ussid d wanaḡ ussid i d-yettilin s "ay" ney "uy" di taggara n umyag, ad ternu kan yer talya n temlellit, deg yiswiren akk. Ad sseqḡacen yiselmaden d yinelmaden nsen s tlelli, sin wawalen i ilan yiwen n unamek "ticcert" d "tefrayt".

Ad sseqḡacen yiselmaden d yinelmaden nsen s tlelli, sin wawalen i ilan yiwen n unamek "tizdit" d "tjerriḡt n tuḡqna" ma d ajerriḡ n tuḡqna ad yettwakkes. Ad yeḡqim kan "ajerriḡ", netta yezzif yef tjerriḡt. Yezmer dayen ad yesseqḡac uselmad "tajerriḡt" mi ara d-yili umeslay yef tinna i nettaf di tazwara n tseddart ney ma ur tcudd ara sin yiferdisen.

Ad as-nsemmi i twuri n umatar udmawan deg umyag attway d umyag n ḡyara "ubdir", ma d asemmad-is, ad yili d asemmad

n wubdir imi ur d-yemmal ara win igan tigawt : yečča uqcie ifires. (**ye** d amatar udmawan, "uqcie" d asemmad n umigaw - **yemmečč** yifires (da, **ye** d amatar udmawan, d ubdir ma d "yifires" d asemmad n wubdir).


Asemmad agucclan yezmer ad yili d asemmad n yisem ma yegguccel isem (md : **tamurt** n **Umaziy**), ma yegguccel amernu d asemmad n umernu (md : Sean **drus** n **yidrimen**). Isemmaden igucclanen d wi : n yisem, n umernu, n umdan, n urbib, n umqim.

Ad neg isem **amatar n umayun** i umatar di talya n umayun (md : **yuran** : **y** — **n** d amatar n umayun, **ura** d afeggag).

Ad nessawal i tewsit n tefyirt tamattart, tefyirt tasestant (tasestant yekka-d seg umyag yettwassnen ssten i yellan di Temzabt).

Ad nessawal adestan, isestanen i umattar, imattaren.

Llan sin waddaden : ilelli d umaruz. S umata, isem ma yella deg waddad amaruz yettbeddil maca llant teginatin anda ur yettbeddil ara. (Tzemrem ad tafem asegi alqayan deg "uwfus amaynut n tutlayt tamaziyt", isebtar 25 ar 28).



Tasekla tagraylant : deg yiyerbazen n tsekla

Djamel HAMRI

a - Ayerbaz Aklasiki (classicism):

Taklasikit seg zik i tettēf amdiq aelayen di tsekla, deg udem n tmuyli n tfelsafit, akken tella seg yiyerbazen iqburen n tmedyazt... deg udem n tikli, anamek-is yekcem deg yizuran iqburen i d-yiwarten si tsekla tayunanit taqburt.

Awal n teklasikit deg uzar yefruri-d seg wawal "classic", deg unamek-is di tsekla, d aferdis di tigriwin, tuyal sexdamen-tt d aferdis n tusna.

Tlul-d teklasikit di lber n Uruba, mbaed mi-d tebda acrued tusna i d-yebnan di lqern wis xemsettac (15), nezmer ad n-tebbet d asmi teyli "Qustunṭin" deg useggas n 1453 yef yifassen n yiṭerkiyen s ufus n Muḥend Elfateḥ, deg yimiren suklen imusnawen d yimyura n Qustunṭin (Bizenta), nutni glan yid-sen ayen akk uran s tlatinit taqburt yer tmurt n Telyan d tmura i s-d-yezzin, maca Telyan tella d dduḥ n tsekla taklasikit, tenfufed yer tmurt n Fransa, anida tufa lebyi-s atas i unerni, almi i yerran iman-n sen yirumyen d yiwriten n tidet n "Alika" d yiwet tama i d-yezgan di temdint n Atina, tamanayt n Lyunan.

Dayen ibedden, yefkan tigejda muqqren di tsekla tayunanit... d "Aristun", afeylasuf ameqqran, ma qrib ayen i d-yefka Aristun i teklasikit, yegga-yas tamendawt, degmi, yemmeslay-d atas deg wudlis (Tamedyazt) yef tzuri n temliliyin timedyazin d drama, maca yefka azal meqqren i

drama, deg-s Trajidi, kumidi akter yef tzuri n temliliyin timedyazin qbel ayen nniden.

Di tallit-nni yur-sen deg yimenza yužen yer tmedyazt n ccna yer Iyunan d Ruman, amedya "Bulu" amedyaz afernan arumi aklasiki, akken diyen llan wid yužen di tzuri n temliliyin timedyazin yer Iyunaniyen, amedya "Runsari".

Di lqern wis sbeṭṭac, imyura n Fransa ur d-clicen di tmedyazt n ccna, maca iruḥ lebyi-nsen akter yer tmellayt di drama, trajidi, yella yef iqerra n yiklasikiyen, win i d-yessulin tasekla n umezgun wagi d "Mulir" (1683), "Kurnayel" (1684) d "Rasin" (1699).

Ma d "Rasin" yella d netta i d-yufraren di tqacuct n yiklasikiyen di lber n uruba, akken yella "Cikesbyir" yella yef tqacuct n trumanisit, akken i yellan imedyazen-a deg yiwen n wakud, di lqern wis sbaṭṭac, imi d lqern ideg i d-tufrar tsekla s wudem muqqren, nezmer ad ner lewhi-nney aṭas yer temyer n ccna n "Rasin" di tmusni-s seg wayen i d-yuḡew yer ufaylasuf afransi "Dikart", bab n wawal : (Nekk la ttexmmimey, ihi nekk lli), nezmer ad d-nini "Rasin", tḥuza-t tawla n tfelsafit n "Dikart", imi yemmut deg useggas n 1650, waqbel-is s wezgen n lqern, dakken tafelsafit n "Dikart" ney tadikartit tettēf amḍiq muqqren deg wallayen n yimyura n Fransa, tefka-d diyen udem di teklasikit, dakken s uxemmem, allay, lḡehd n tfekka d wegbur fiḥel asugnen ney tazzla deffir n yihulfan, begnen-d yimyura n Fransa di tallit n "Rasin" udem n trajidi d kumidi (lḥif d tlufa i ten-yuyen) yer iyunaniyen i wakken ad as-ssiwḍen akk ayen tuḥwaḡ teklasikit seg udmawen tettawi, bedden-d deg udem n tudert n yigeldan d leḥwaci-s.

Di lqern wis tmenṭac 18, nger tamawt dakken imyura n Fransa bdan ttuzun ibubdar tamenwalit di tsekla taklasikit, ur ḥrisen ara yef tlufa (trajidi) akken ad d-tili tcudd yer tudert n yigeldan weḥd-s, akken diyen ur ḥrisen ara deg unecraḥ n (kumidi) akken ad tuyal d astewtew deg wayen ur nemein, maca užen akter yer tmenwalit, akter di tsugnent n tudert, ur telli ara tudert yur-sen d tiwuya yal ass, wala d taḍsa ur nemein.

Tef lewhi n tikli-nsen, uran (Drama n tilawt), nettat ur telli d tin yesruyen, ad yeqber umdan yer daxel si lehzen, fihel ma crurqent-d wallen seg yimeṭṭi, akken diyen uran (Kumidi marifudi), icudd yer umeskar-is d "Marifu" nettat d tin yessawalen yer wucmumeh si daxel fihel aqeqqah-nni n waṭas, s tidet tedda d tudert n yimiren di Fransa.

Di tallit ideg yebda tṭraq n Fransa(1789) di taggara n lqern wis tmentac 18, tebda tettnerni tsekla taklasikit, yef wakken tella di tizwar, imi ad naf annag "Astiqrati" d annag n yigeldan d lehwaç-is, teffer yef tudert, imi iyum-d fell-as wannag aburğwazi, yebya ad d-ibeggen annag-agi deg umezgun aklassiki deg uguren i d-yetteṣṣil, yef waya i d-tlul drama taburğwazit yer tama n drama taklasikit.

Iban-d deg ubrid-agi amaynut umusnaw "Didar", maca ur yerri ara lewhi-s s drama taburğwazit yer wayen tettidir deg uguren yettidir wumdan, deg udem dakken d amdan deg yiman-is, am tayri, karuh, tismen. Maca yerra lewhi-s yer tifi n tifi s wudem, dakken d amdan ney d abruy di tmetti, d ucudu yellan gar-asen, drama taburğwazit ur terri lmi-is yer wemdan dakken d amdan, maca netta d aselmad, d amejjay, d amezzenzu, d afellaḥ. D win icudden yer tmetti, yef waya amezgun aklassiki di Fransa yettimyur, bdan ad d-tlalen iyerbazen d wudmawen i t-irefden, yettazzalen deffir n iḥulfu n tudert iteddun yer zdat.

Gar wayen i d-yufraren di tgemmi n tsekla taqburt, deg wayen iyef rran lmurud-nen iklassikiyen, d tixutert n tutlayt yef wayen tebna di tefses d tfeṣafit, mexlaf irumansiye yettarran lmi aṭas yer usugnen, azamal d usufey n wayen izedyen daxel-nen, akken tsenned teklassikit yef wallay zṣayen yettmeyyizen s uxemmem, maṣci taklassikit ur tt-yezdiy ara wafra, maca anamek-is d asdukel gar uxemmem, asugnen d iḥulfu deg yiwet n tmuyli yeṣṣuren, yef waya nnan "Rasin" aklassiki yella d win yufraren s waṭas deg usugnen iḥulfan n tayri, yef wayen tettwassen teklassikit deg uxemmem iyemqen.

Ma akken llan iyunaniyen ur ggin kra ara yerren lbal di tsekla n tullizin, wama ggan-d aṭas n tmezgunin, yef waya ara nefhem iklassikiyen fkan azal i umezgun yef tzuri nniḍen.

Ayen iyef yers lewhi di tklasikit yef tiyaḍ, yessed yef wejbad n yiman-is yer usentel, akud d wemkan, deg win semman ifennanen di kraḍ n iferdisen, imcuden-agi i tcudd teklasikit tettwaddem-d diyen yer "Aristu" imi yerra-d lewhi yur-s deg umkan d wakud di rray-is d imkemlen i lebni n wallay, bexlaf amezgun arumanisi yef win ara d-nemmeslay, ur yeksib ara icuduyen-agi.

Ad yikemmel :

b- Ayerbaz arumanisi (Romanticism)

c- Ayerbaz n tilawt (Réalism)

d-Ayerbaz azamal (Symbolism)



Akkin i tefyirt ney Tajerrumt n uḍris Ilugan n uzeṭṭa n uḍris

Yahia BELLIL

Aḍris mačči kan d azrar n tefyar, ta deffir ta ; d azeṭṭa yeddand i lmendad n yilugan yeflen akkin i tjerrumt n tefyirt. Ilugan-nni qqaren-asen *tajerrumt n uḍris*. Aḍris, ma tewqem tira-s, ila azenziy amatu. Deg-s ttilint kra n tgezmin, anamek-nsent ittekk-d seg unamek-is amatu. Ma nerfed-d tgezmin-a yal yiwet iman-is, yezmer ad yejlu fell-asent unamek, ney ad qqiment d timenneqsa. Acku d azeṭṭa i asent- yettaken anamek ummid. Fef waya i ilaq ad teddu tira i lmend n *yilugan n uzeṭṭa n uḍris*.

Tazrawt-a ad tili d tiririt yef kra n tuttriwin am :

- Amek i yettili unebdi n yisalan deg uḍris ?
- Amek i iteddu uḍris, seg tefyirt yer tayed, akken ad yesdukel isalan imaynuten d yiferdisen yettwassnen yakan ?

1- Asentel d yisali

S umata, tefyirt tettwaslaḍ s krad n yiberdan :

- tefyirt d inaw ilan anmek (Yeswa umcic ayefki. / Yeswa umcic isyaren. - ?-) ;
- tefyirt d agraw n wawalen ideg qqnen yisemmaden yer useyru s wassayen n tseddast (Chomsky);
- tefyirt d inaw yezdin isali akked usentel.

Tasleṭ s ubrid-a aneggaru, ad as-nsemmi *tamuyli tawurant*. D tamuyli-a ara neṭṭef d tasalelt, ad nessebbed fell-as awal yef uzeṭṭa n uḍris.

Deg tmuyli-a tawurant, llan sin n wuguren :

- Tefyirt tettafar tiyessiwin n tseddast ; maca, amek ara yefrez deg-s wayen yellan d amaynut yef uqdim ?

- Amek ara ayent snat n taggayin n wawalen, deg tefyirt, snat n tewsat n yisalan : aqbur d umaynut ?

S umata, deg tefyirt, ttilin sin n yiferdisen addayen :

- Amezwaru d ayen yettwassnen (ney xersum d ayen yennehsaben yettwassen, iban) ara yilin d tasalelt i umsiwel. Aferdis-a ad as-nsemmi *ASENTEL*.

- Wis-sin d ayen ara d-yini umsiwel yef usentel ; d ayen ara yilin d amaynut. Ad as-nsemmi *ISALI*.

Md :

Jeddi Mangellat

Jeddi Mangellat d aşehbi. Iruh-d si tmurt n ccerq, atas aya. Di lxafer-is, ad yesken tafat i wulawen tt-ixuşşen.

[Henri Genevois, Monographies villageoises, sb 164, Edisud]

Deg tseddart-a ad ay-banent tyawsiwin-a i snat. Ma netter :

- Anwa i yef nettmeslay ?

- Tef Jeddi Mangellat. (*Tiririt tban*).

Ihi, ayen yettwassnen, yefka-t-id uzwel, d *Jeddi Mangellat* i yettfen amkan d asentel deg tefyirt tamezwarut akked tid i d-idefren ama s wudem n yisem s timmad-is ama s win n umatar udmawan (**I, ye**) ney n umqim (**is**).

Ma d ayen i yerzan asentel ney ayen i d-nenna fella-s, yettunehsab d isali, ney ayen i d-yellan d amaynut ; ayen yellan ur t-nessin ara yakan yef *Jeddi Mangellat*, *nuyal* tura nessen-it : *d acu-t ? ansa i d-yusa ? melmi ? d acu i d asenfar-is?*

1.1- Awan n tmuyli tawurant

Tasleđt tawurant tferrez gar tyessiwin n tefyar i yemgarnden,

deg tilawt, tettwali-tent tjerrumt n tefyirt mgadant.

Amedya : - Ad yili ugeffur, azekka.

(ney)

- Azekka, ad yili ugeffur.

Gar tefyar-a, tasleđt tamagnut ur tettwali ara kra n umgirred.
"Azekka" d asemmad n wakkud ; yezwar ney yeggra, kif kif.

Ma d tamuylı tawurant ad taf yella umgirred imi asezwer d uwexxer n wawal "azekka" ibeddel anebđi n yisalan deg tefyar-a.

D tidet, deg tinawt, snat n tefyar-a ad kecment deg snat n tegnatin yemgarnden, imi :

- tamezwarut tezmer ad tili d tiririt yef tuttra : "*Melmi ara yili ugeffur?*"

- tis-snat ad d-terr yef : "*D acu ara d-yeđrun (ara d-yilin) azekka?*"

S waya, ad negzu tayawsa :

- deg tefyirt tamezwarut, "azekka" yewwi-d aferdis amaynut ;
ihi d isali ;

- deg tayed, "azekka" d aferdis yettwassnen yakan deg tefyirt ;
ihi d asentel.

Tamuylı tawurant ur d-tecqi ara d tyessa n tefyirt s wudem n tseddast ; annar-is d tayessa tisalıt. Teskan-d amek i yeddes deg tefyirt unebđi n yisalan d wamek i yettikki kra n yisger deg tneflıt n teywalt. Am wakken diyen, deg tefyirt, yettili :

- usentel agejdan (N) : *Muħend-nney* d afeħli.

- yisali agejdan (L) : *Muħend-nney* d *afeħli*.

- yisali amuran (LM) : Imdanen *i yuyalen ass-a d imerkantiyen* llan zik d imelluža.

- uzarug (Z) : Imdanen *i yuyalen ass-a* d a imerkantiyen *llan* zik d imelluža.

Azarug d awal i iteqqnen isali yer usentel ; yettili d amyang ney d tazelya n tilawt ur newwid s timmad-is d isali. Di teggti, iteddu akked taggayt n yisali.

1.2 - Taneflit n yisali d usentel

Tuqqna n tigawt ney n tefyirt yer tin i tt-yezwaren yettili-d s kra n yiberdan am :

1.2.1- *tuqqna s yimezdiyen*

Md : Nefka-yas duru, yessusem.

<u>Ne</u>	<u>fka</u>	<u>-yas</u>	<u>duru</u> ,	<u>ye</u>	<u>ssusem</u>
N1	Z	L1	L2	N2	L3

Nefka-yas duru, dya yessusem

1.2.2- *tuqqna yer yiferdisen igejdanen*

Md : Imdanen i yuyalen ass-a d imerkantiyen llan zik d imelluza.

Anwa gar yisumar-a i nezmer ad t-nernu i tefyirt-a ?

a- Ur ttwalin ara ameybun.

b- Tura, imi rwan, uyalen ur ttallayen ara yer umeybun.

c- Rwan ccer d usemmid.

d- Ur nwin ara ad d-yawed wass ad rwun ayrum.

e- Ugaren fell-asen yidrimen.

Ticki teqqen tefyirt tis-snat yer tefyirt tamassayt ney yer kra n uferdis ur yellin d agejdan, ur d-yettawi ara uzrar n tefyar anamek ummid. Yettas-d uneggaru-a ur iwulem ara i tegnit, d amenneqsu.

Aseççi n tefyirt i tayed ilaq ad d-yettili kan yef usentel agejdan ney yef yisali agejdan, maççi yef yihricen-nniđen n tefyirt.

S Imendad n waya, ad naf b, c, d sefken i tegnit ; a, e ur laqen ara, imi timerna qqnent yer yihricen ur nebdid s yiman-nsen ~ dagi d tamassayt :

Imdanen i yuyalen ass-a d imerkantiyen llan zik d imelluza.

LM (tamassayt)

Z L 2

N

L1

2- Azetta n uḍris

Llan 4 n yilugan n uzetta n uḍris³². Ha-ten aya :

2.1- Alugen n usmekti

Akken ad yili uḍris yezḍa, ilaq ad d-ttuyalen, deg tnefli-ines seg tefyirt yer tayed, yiferdisen ara d-yesmektayen isental yezrin. Seg tefyirt yer tayed, isalan ad bedden yef yiferdisen ara d-yettuyalen (yisental). Ney, yal tefyirt tamaynut ad tessebbed isali-ines yef yiwen n uferdis agejdan n tefyirt yezrin, ara terr d asentel-ines.

Alugen-a yerza isental n tefyar. Deg uḍris, tarusi n yiwen n uzrar n wawalen n usmekti, i yessedduyen tifyar yer zdat, yessefk ad tessifses yef unermas tukza n yisental d yisalan. Ma nmuqel kra n uḍris n tmaziyt, akken ad nwali amek i d-yettili usmekti n yisental, ad naf tutlayt-a tla krad n wallalen iteqqnen tigezmin ta yer ta.

2.1.1- *Asmekti s umatar d umqim udmawan*

Amatar udmawan :

S umata, asmekti n usentel itekkay yef umatar udmawan i yettawi umyag n usumer ney n tefyirt yernan yer yidis n tayed.

Md 1 : Yemlal Muḥa, idelli, yiwen n uqcic n Tefrit iyef ur d-zgint ara wallen-is mraw n yiseggasen aya [...] **Yezra-t** kan yaεqel-it.

Md 2 : Faḍma teḥjeb ur teḥjib. Anebdu d tefsut s lekmal, ideg ara yettqeggil baba-s yer tfellaht, nettat yid-s, ama testaemil

³² CHAROLLES Michel, deg tesyunt LANGUE FRANCAISE, uttun 38 n useggas 1978.

tessway tibhirt, ama tetturar, tettabaε ifrax.

[*Les cahiers de Belaid*, 33]

Amqim udmawan :

Asmekti s umqim d yiwen wallal i yeskanen amek ara yettuyal umqim deg umkan n usentel. Amqim yettili d ilelli, yettili d awsil.

a- Ma d ilelli :

~ Amqim udmawan :

Md 1: Nek d Maçtub atas aya ideg nemyussan [...] Atas i ay-icerken [...] Di tazwara, d tanudda-w. Tis-snat, tudrin-nney mqarabent ; tis-tlata, akken i neyra di lakul alammi d aswir wis 6. Syin akkin, netta ikemmel di llisi n Bni Dwala, nekkini kecmey yer llisi n Façma n Sumer [...]

Asmi meqqrit, ruh a zzman, uyal-d a zzman, nemlal-d deg umdiq n ccna. Netta yekkat yef Tmaziyt, nekkini kif-kif.

[Malika Domran, *Actualités et Culture Berbères*]

Md2 : Jean akked Tawes suffyen-d, **netta** isefra s tefransist akked tterjima n yisefra s teqbaylit, **nettat** yiwen n wungal isem-is "Jacinthe noire".

[Awal yef Dda Lmulud, 50]

Md3 : Kullas **nekk** ttruy fell-as

Ma d **netta** yezha wul-is

Aql-i am win yettewten s rrsas

Ma sliy wi d-yuddern isem-is

[Sliman Azem, *Aħbib n wul-iw*]

~ Amqim ameskan :

Md : Muqel anwa ara tawiđ deg yidlisen-a. **Wa** n tsekla n teqbaylit, **wagi-nniđen** n umezruy n Tmazya.

~ Amqim n wayla :

Md : Ha-t udlis n Racid ma ad t-tawiđ, maca d **aylaw** i yelhan.

~ *Amqim arbadu* :

Md : D arraw n Yamna i yukren iwtal-im ; walay-ten. **Win** ikecmen yer tæcciw t yekcem, **wayed** iæuss fell-as.

b- Ma d awşil :

~ *n umyag* :

Md : -Yusa-d Qasi ; walay-t di ssuq.

~ D tarumit i s-d-yefka zzman ad **tt**-yissin.

~ *n yisem* :

Md : - A lbaz uæwij uqamum
Di lebhær yas æum
Lembat-**ik** deg Bushel.
[Si Muħend]

~ Yenneyna Bakli ; yeddrem uxxam-**is**, yuyal d axrib.

~ *n tenzeyt* :

Md : Ccix Muħend d lwali ; yur-**s** i d-ferrun medden timsal-nsen.

2.1.2- Tasbadut

Tasbadut d allal n usmekti n kra n yisem s timmad-is. Tettili-d s tmerna n urbib ameskan.

Md 1 : Yella yiwen di Tewrirt, qqaren-as **Œli** Iæekkucen. Yella yesæa tlata n watmaten-is : di rebæa yid-sen. Ulakkayen, **Iæekkucen-agi** d at ddres, d at nnif.

[Henri Genevois, Monographies villageoises, sb 221, Edisud]

Md 2 : Nteddu almi newweḍ yer yiwen n uxxam, yetturfaw cwiṭ yef taddart. Nufa dinna yiwet n temyart tberri ibawen ; tefreḥ d aya yis-ney. Neçça yur-s imensi, neswa lqahwa, nekker ad nejbu. Dya tessawel i yiwen n umusebbel yedda yid-ney almi nfel akkin i udrar, metwal Igawawen. Deg uxxam-nni i nga, mi d-yezzi useggas, di 56, Agraw n Sumam, deg Uzellagen.

Md 3 : Asmi tefra, kecmey-tt d aselmad yer uyerbaz Oscar di Tewrirt. Ayerbaz-a yuyal tura d axxam n cambiṭ n taddart.

2.1.3. Tikkesrert s wawal

Aya yerza asemres n kra n wawal ur d-nettwabder ara deg tefyar yezrin. Ad yili d asentel ara d-yesmektin ayen yettwassnen yakan :

Md 1 : Yiwen n wass, mcawaren At-Wasif d At-Yanni, nnan-as i lḥaḡ Arezqi At-Mectuq :

- Ad-nettixer i ssuq-agi : ad newqem ssuq deg wakal-nney !

Yenna-yasen :

- Yirbeḥ : ad nettixer i At-Uqbil.

Lameena, nnan-as :

- Ccerṭ, ad newqem ssuq n lḡemæa di tasift n lḥedd deg wakal n At-Wasif.

Yenna-yasen :

- Yirbeḥ ! **Lehdur-agi** hedren-ten deg wass n lexmis. Azekka ad amrey igezzaren ad zlun dinna.

[Henri Genevois, Monographies villageoises, sb 221, Edisud]

Md 2 : Sidi Lmeḥfuḍ **yenya** yiwen n urgaz di ssuq, s ujenwi. **Tawayit**-a ad d-teglu s tiyaḍ. Tas d amrabed, **tamgerṭ** tessawal i ttar.

Dagi, taggayt n yisem "tawayit-a" d "temgerṭ" qqnent yer umyag "yenya". Gef waya, asezwet n usenfal ur d-yegli s kra n yisali amaynut; yella-d kan d asmekti n wayen yezwaren.

Asmekti yettili-d s yiferdis ney s umatu :

Md1: Axxam n Bakli yebna s udyay d texmirt; tierrestin ulint s lyajur d lḡir, ssqef d igisem d uqermud n legniz.

Md 2 : Amyar iferres, mmi-s icerru, tilawin leqqdent, arrac tṭhawacen. Tawacult akk txeddem.

Md 3 : Tazeqqa n Themmut tebna yef lqaca. Agens yessa, d azedgan. Lehyuḍ lebbsen s tumlilt. **Lemdawed** qban yakk. **Addaynin** yuyal d taxxamt.
[Σmer Mezdad, *Iḍ d wass*, 121]

Tikkessert s wawal tessutur deg win yettmeslayen ad yissin tayulin iyef d-yewwi awal.

Md : Σmer Mezdad : Amaru n wungal "Iḍ d wass".
Σmer Mezdad : Aneylaf n usegmi ayelnaw. (?)

D allal, diyen, n usemres n tugniwin n ucebbeh d ucemmet.

Md : Yemla Muḥend Ibaḍna-s i kra n medden, yumen -iten d at sser. Kkren yixeddaēen-a suffyen-tt.

2.2~ Alugen n tfara

Akken ad yili uḍris yezḍa, ilaq ad d-teglu tneflit-is s yisalan imaynuten yeddān d usentel. Yessefk ad yaz yer zdat, ur itezzi ara kan yef yiwen n yisali.

Afir am wa : "Leḥbab-nni n zik kfan"
[Sliman Azem, *Tura jerbey*]

Ma nkemmel-as akka :
Leḥbab-nni n zik kfan
Ulac win i d-yeggran
Mmuten akk fnan

Ad naf tinawt (ney asefru) yeffey i ulugen n tfara. Ulac kra n umaynut deg yefyar i d-irnan ; tezzin tennden.
Ladya, ilaq yal tafyirt ad d-tawi, ma drus maḍi, yiwen n uferdis amaynut.

Md : Cennuy yef tmurt ; tamurt n baba d jeddi.

2.2.1- *Tafara s yiwen usentel*

Tinawt tettattaf yiwen usentel iyef d-yettili usečči n yisalan. Azenziy-is akka :

N1 → L1

N1 → L2

N1 → L3

(N : asentel / L : isali)

Md 1 : Qqaren yella yiwen n **umeksa** ikess tajlibt-is di ssehra. Mkul tameddit, qbel ad ittes, ad d-yini Lmursel. Netta ad d-ittawi taqsiṭ, ssur ad itezzi i tejlibt ; mi tfuk teqsiṭ, ssur idewwer, yemdel. Yiwen n yid, ameksa yewwi-t yiḍes qbel ad tt-ifuk.

[PKA, 376]

Da, asentel "ameksa" yettuyal-d deg yal tafyirt.

Md2 : *Narsis* yeglef seg tikli. Yawed yer yiwet n tala, yekcem ad isew. Yeddummey kan yer umdun, iwala udem-is deg waman-nni imzerrfen.

Amatar n wudem wis kraḍ d uwsil-*is* smektayen-d *Narsis*.

2.2.2- *Tafara s usentel anemhaz*

Da, isali n tefyirt yezwaren yettuyal d asentel n tin d-irnan yer-s. Azenziy-is akka :

N1 → L1

↓

N2 → L2 → atg.

Md 1 : Tala tefka-d aman. **Aman** teswa-ten temrijt. **Tamrijt** tefka-d rrbie. **Rrbie** tečča-t tayaṭ. **Tayaṭ** tefka-d ayefki. Ayefki teswa-t temciot...

[BOUAMARA K, *Tamacahut n Briruc*]

Md 2 : Yiwen n wass, yiwen n Ugawa yewwi-d tajemmaet n ufexxar yef umgerd-is, iruh ar At Jennad ad izzenz. Asmi yewwed s abrid, ar yettmeslay ala wehd-s, yenna-as : "Tura nekkini ad awdey ara At Jennad, ad zenzey tasilt d uđajin s *tyaziđt*. Tayaziđt-nni ad i-d- tettarew timellalin. Ad as-grey timellalin-nni ; ad tezdel, ad d-tarew *ifrax*. Ifrax-nni ad d-ffiyent seg-sen tyuzađ..."

[Littérature orale, OPU 1982, sb 101]

Md 3 : Lekdeb yurew-d lbaťel
Lbaťel d baba-s n lxuf
Lxuf yurew-d turrugza
Turrugza teyleb-iten yakk.
[Ait Menguellat]

2.2.3- Tafara s yisental uddimen

Tafara-a tla sin n yiberdan.

2.2.3.1- *Abrid amezwaru* : Asentel amatu ad yili yettwabder-d di tinawt. Yettefruri yef waťas n yisental-iden. Tafara-a tettili s teggti deg usfukel d usegzi akked tgelma. Deg uđris agelman, imuren n tyawsa yettwagelman ttaťtafen tasga n yisental n tefyar.

Md : Tazeqqa n řhemmut tebna yef lqaea. **Agens** yessa, d azedgan. **Lehyuđ** lebbsen s tumlilt. **Lemdawed** qban yakk. **Addaynin** yuyal d taxxamt.

[řmer Mezdad, *Iđ d wass*, 121]

Deg uđris asegzan, amsiwel yettak-d aťas n tmuyliwin yef yiwen usentel.

Md : Azway n uzemmur

Tezram, ahaf, azway i tzewwim s usekkaz cceťť n tzezmurt, deg-s snaf n txessarín : **Tamezwarut**, azhađ i tzehhđem s umextaf, din ur tellu lewqama; kra n yisegmi

yellan ad yarew deg useggas i d-iteddun ad yettuqseb, ad yerrez, ad yettwaclex.

Tis snat, tfehmem s kra n useqqa ara iħaz umextaf ad yefxes ad yebdu mnasef, ad d-yeqqim ala amegruc.

Wanag lukan txeddmem akken i d-nenna, yalli i d-yusa ccyel n ucraw d llqed yiwen, yeshel ; yerna akka, lyella ur tettɗas ara : ad d-tettarram deg-s atas, tayed ad d-tettas zeddiget, ur yettili deg-s la axeclaw wala akal.

[Boulifa, *Méthode de...* sb. 203-204]

Asegzi :

Tamuyli n uselmad :

- azway ur yelhi ara (tikti) TILAWT
- azhaɗ iɗur tazemmurt d lyella (analkam) AYEN IDURREN
- acraw d ħellu n tzemmur, d tezdeg n nneema (asumer)
AMEK I ILAQ

2.2.3.2- *Abrid wis-sin*: Da, asentel amatu ur d-yettwader ara d awal s timmad-is deg tinawt / uɗris. D tigzi n wayen yeqqnen tafyirt yer tayed i d tasarut n tfin n usentel amatu. Yezmer uɗris ad yili yeqqen s yimezdiyen n wadeg ney n wakud. Asezwer-nsen - am wakken d isemmaden ilellyen yezwaren, s tmuyli n tseddast - yeskan d acu-t usentel ideg d-frurin, ama d tarusi deg tallunt ney d tiddin deg wakud.

Tarusi deg tallunt

Md : Netbae-t armi y-yessekcem yer texxamt... D lebher...
Tef zelmed mi ara tkecmed, deg wammas d asawen, lħiɗ yebna s urelluc, yefka tamuyli yer tebhirt... D lgenet : ticintin, tilimtin, ijeggigen, tiftilin di yal tiymert. Ar akessar maɗi, seddaw teerict, yiwen n uderu n lyasmin la d-iṭeggir rriħa armi d axxam. Zdat-s, sin n yikersiwen n ssiman qublen ṭṭabla n rrxem.

[Said Sadi, *Askuti*, 83]

Tiddin deg wakud

Md : fef userwet

Aseggas-a d amerbuḥ ; teswa akken yelzem [...] Lweqt n tmegra, jebbden, qqaren ahda am win yettqeddimen di lyaba... **Mi** tekfa tmegra d umerres, ad tt-cudden d iquṭṭyan, ad tt-neqqlen yer unnar, ad tt-sersen d taffa. **Mi** yenḡer, iḡerra unnar [...] Ass deg ara srewten, ad awin leḡwal akk ilezmen [...] **Ter lḡiha n setta akka**, ad ɛeddin ad gren ddersa [...] **Imiren** ad kkren ad qqnen, ad bdun arwa.

[Boulifa, *Méthode 2^{ème} année*, 365]

2.2.4. Alugen n war tanmegla

Akken ad yili uḡris yezḡa, ur ilaq ara ad d-iban, deg tneflit-ines, kra n ukettur ara yilin mḡal ayen i d-yettwabedren yakan, ama d awal s timmad-is, ama d tikti tuffirt. Tezmer tenmegla ad d-tban deg sin n yiswiren :

Tanmegla timinawt :

Md1 : a- Yuba iruḥ iman-is yer udrar.

b- Yuba iruḥ yer udrar.

c- Yerkeb yef uyyul n jeddi-s

d- Yessedda-t jeddi-s d yiwen n umeksa.

Tafyirt **a** tezmer ad teqbel akemmel s tefyirt **c**.

Ma nerna yer-s tafyirt **d** ad d-tban tenmegla imi taggayt "iman-is" ur tqebbel ara ad tennulfu tekti n uddukel akked kra n umdan-iḡen.

Tafyirt **b** ad teqbel **c**, **d** imi ulac kra n tenmegla ara d-yennulfun.

Md 2 : Tamacahut n lekdeb ideḡ ur tekki tidet.

Tanmegla n tmussni n tilawt :

Md : Yenḡer Ḥemmu tisilet deg uḡebbuḡ, yerna-yas tifekkalin n tassaft.

Win i d-yennan aya, iban ur yessin ara ayen iyef yettmeslay. Di tilawt, tisilet ur tli ara tifekkalin. Tifekkalin teddunt d uzaglu, rennunt yef yimegraḍ n yizgaren mi ara kerrzen. Yerna, mačči deg usyar n tasaft i tent-xeddmnen yifellaḥen, deg yimyan ileqqaqen am tbuda ney s uglm yelsan taduf.

2.2.5. *Alugen n wassay*

Akken ad yezḍ uḍris, ilaq-as ad qqnen akk yisalan gar-asen s wassay n unamek, ama deg yiwet n tefyirt, ama gar tefyar ney deg uḍris sumata. Ilaq ad ilin wassayen mwatan, banen gar tedianin, gar tigawin d wudmawen.

Amek ?

Deg ugni n tektiwin ara nsemmi **G**, ad ilin sin waddaden n tyawsiwin **K** akked **R** mwatan ma yella **K** d tamentilt ney d turda n **R**.

Md : G d agni n tktiwin ; deg-s K, R, M :

K- Uyalen yifellaḥen yer lexla.

R- Yehbes ugeffur.

M- Flayet lqahwa.

Deg **G**, ad neqbel amwati ger **K** akked **R**, maca ur nesdukul ara **K** akked **M** imi ulac imezdi ney tasyunt ara ten-yezdin.

Mačči am deg :

- Ruḥen at taddart yer lexla **acku** / **imi** / **axaṭer** / yehbes ugeffur.

Am deg :

- D azal. **Ihi** / **Daymi** xlan yiberdan.

- Ččhen warrac / Ulac aman deg tala. (deg ubrid n tala i ttganin tiḥdayin).

- Ur yerbiḥ ara / yettqudur (Ma d akayad n waddal).

Amawal :

Ilugan n uzeṭṭa n uḍris : Règles de cohérence textuelle

Azenziy : schéma

Tagzemt (tigezmin): Séquence

Tazrawt : Etude

Anebḍi : Répartition

Isali (isalan) : Information

Isali : Propos

Asentel : Thème

Tasleṭ : Analyse

Tamuyli tawurant : Perspective fonctionnelle

Tayessa (tiyessiwin) : Structure

Taggayt : groupe

Addayen (n wadda) : de base

Amsiwel : Emetteur

Awan : Domaine, champ d'intervention

Tamagnut : Ordinaire

Tagnit (tignatin) : Contexte

Aferdis : Élément

Tisalit : Informationnelle

Isger : Composant

Taneḍlit n teywalt : Développement de la communication

Azarug : Transition

Imezdi (imezdiyen) : Connecteurs

Asečči : Enchaînement

Yezḍa : Etre cohérent

Anermas : Récepteur

Asumer : Proposition (phrase)

Tikkessert s wawal : Substitution lexicale

Asenfal : Substitut

Tayult : Domaine

Tugna : Image

Tafara : Progression

Anemhaz : Evolutif

Uddimen : Dérivés

Asfukel : Argumentation

Asegzi : Explication

Tagelma : Description
Asentel amatu : Thème global, hyperthème
Tinawt : Enoncé
Asezwer : Thématisation
Tallunt : Espace
War tanmegla : Non contradiction
Tarusi : Etablissement (établir)
Tiddin : Déroulement
Akettur : Contenu
Timinawt : Enonciative
Assay : Relation
Tamentilt : cause
Turda : Condition
Tayessa (tiyessiwin): Structure
Tašekka (tišekkiwin): Type
Tanmegla n tmussni n tilawt : Contradiction de représentation
du monde (voir Charolles)



Tira di tmedyazt

Ramdane ABDENBI

Awal yettidir anda t-sseqdacen. Awal, mi yeflen fell-as medden ad iruḥ si tmeslayt. Asemres n wawal ajentaḍ ad yessenger awal anaṣli yaṣ s̄an yiwen unamek di sin yid-sen. Imi tutlayt-nney d timawit, idles, tigemmi d tsekla-nney merra ggran-d deg wawal. Ihi ma iruḥ wawal, truḥ tilin, truḥ t̄yerma d wayen icudden yer-s. Imira, ḥala ayen i y-d-yegga wawal i nes̄a d tasekla ama deg yisefra, deg yinzan ney di timucuha... Si tazwara n lqern-agi iṣeddan i bdan yimnuda, yal yiwen di tallit-is, alqaḍ n wayen ara yilin imira d llsas iyef ara nebnu azekka-nney. Ugar n wayen i d-yettwaleqḍen, yella umezruy yettwarun, maca yeḍfi tayerma-nney s tiden i d-iṣeddan di Tefriqt n Ugafa...

Ihi, si tama, ma tetmeḥḥen terwiḥt, ma uzzlen idammen... yef tmaziyt i wakken ad tidir, ad d-tifrir, ad tettwaru am tutlayin nniḍen, ur ilaq ara, si tama nniḍen, ad neqdec -war lebyi ney war tamusni- i wakken ad tuyaḥ (Tamaziyt) s anda akken tella zik : seddaw leṇaya n timawit.

Tugget n tmedyazt taqburt i d-yettwajems̄en tettwazreg-d s tsuqelt s tutlayt tafransist (amedya *Les Isefra de Si Mohand*) ney s yidrisen i d-yessefhamen lih̄ala s umata, tidyanin d wayen iyef i d-yewwi umedyaz asefru (amedya *Inna-yas Ccix Muhend*). TIKWAL, alamma neyra tasuqelt ney aḍris ara nefhem ayen yettwarun s tmaziyt : ad nefhem ayen i d-yenna umedyaz di tallit d temnaḍt ideg yedder imir-nni.

Imusnawen iqedcen akked widen inudan i wakken ad
harben yef tgemmi d yidles amaziɣ, ladya aqbayli, asmi d-
jemsen ayen ufan mi sen-tettunefk tegini, yal yiwen deg-sen
(imnuda) **yura-t akken i s-yesla** yur yimɣaren d temɣarin, yur
yirgazen d tlawin yecfan i kra seg wayen sen-d-ggan imenza-
nsen di tudrin n temnaɗt n leqbayel. Isekkilen d yilugan n tira
iss t-uran, d widen yellan di tallit-nni ideg ddren yimnuda-
agi. Wigi d kra n yimedɣaten i d-ibeggnen belli d ayen umi
slan i uran akken kan **ara d-yettwanɛeq** s teqbaylit. Ma
yettwafhem akken yella (akken yettwanɛaq) dya igerrez,
mulac llan imerna i usefhem ama d idrisen ama d tasuqelt :

Jewɣey jɣwaj d amessas ³³
(Asefru Uⁿ 22)

D zzwag-is i-gmeḥquren
(Asefru Uⁿ 23)

Yir jɣwag yug-it wul-iw
(Asefru Uⁿ 24)

Ad yuyal nek ad jewɣey
(Asefru Uⁿ 102)

- *Kemmel awal-im* ³⁴
- *Adikemmel Repp^oi ussan-im di lkhir*

Uran isefra akken i ten-id-yenna umedyaz, fehmen-
ten akken i sen-ten-id-yessefhem. Yeggra-d i yimnuda ad **ten-**
arun i wakken ad fehmen wiyaɗ ayen i sen-d-yessefhem
umedyaz. Mi ara iyer imeyri tamedyazt, yessefk ad yefhem
anamek yefka umedyaz i yimeslayen-is.

³³ Tassadit Yacine, *L'Izli ou l'amour chanté en kabyle*, Bouchene-Awal,
Alger, 1990. P. 98, 100, 174.

³⁴ S. M. François, *Politesse féminine kabyle*, FDB 1951.

*Si tizi armi d t-tizi*³⁵
Hed ur ten ittasi
S lbaruḍ i tt-id-ḥellan

Di taggara n usebter, Dda Lmulud yura-d :

Si Tizi Bbwekfadu ar Tizi At Zica.

Lemmer ur t-id-yuri ara nezmer ad nefhem ahat si Tizi n Targa ar Tizi n Wegni... ur nḥerr ara anta Tizi iyef la d-yettmeslay umedyaz imi aṭas i yellan di tmurt n leqbayel.

*Nṣer*³⁶
Yusa-d si Maṣer
Tunes
Yess netwennes
Ma n-nekwni d' aql-ay nuyes

Tas ad d-iban belli ifyar-agi ttwafhamen s sshala, maca di taggara n usebter Dda Lmulud yufa belli yessefk ad yerr tamawt :

Meḥsub : Nekwni da aql-ay

Tamawt-agi yerna-tt i wakken ad yessefhem i yimeyriyen anamek n ***n-nekwni d' aql-ay***. Yettili tikwal ugar n usefhem imi innuda ttafen belli, ahat, ***tira-nni iss yettwaru*** usefru ur ssawaḍent ara izen n umedyaz i yimeyri yas nitni (innuda) fehmen-t akken iwata lḥal. Ihi, (ma neereḍ ad d-nefk asteqsi-agi) acuyer ur t-yuri ara Dda Lmulud akken yella di taggara n usebter ?

...
Yess netwennes
Ma d nekwni da aql-ay nuyes

Nezra belli tira n usefru temgarad akked tira n uḍris. Ilugan n tira di tmedyazt bnan yef ***tunṭiqin*** yellan deg wafiren n

³⁵ Mouloud Mammeri, *Inna-yas Ccix Muhend*, Edité à compte d'auteur, 1990, P.55, N°10.

³⁶ Mouloud Mammeri, *Inna-yas Ccix Muhend*, Edité à compte d'auteur, 1990, P.67, N°22.

tseddarin n usefru. Tayessa iyef yebna usefru, amedya n Si Muḥend U Mḥend, d tagi : 7 ~ 5 ~ 7³⁷ tuntiqin di yal taseddart.

Lemmer mačči d **rrebg** n tuntiqin yurzen imeslayen n tseddart-agi :

*Mačč' am-mi zelgen leryaḥ*³⁸
I-geffyen d amjaḥ
Aḥlil ma yeḡḡ' axxam-is

ad tt-naru akka :

Mačči am win umi zelgen leryaḥ
I yeffyen d amjaḥ
Aḥlil ma yeḡḡa axxam-is

Akken nezmer ad naf dayen tiyessiwin nniḍen iyef yebna usefru d wawal n yimusnawen yecban Ccix Muḥend U Lḥusin:

*Win issnen ar iččawaṛ*³⁹
Winna d cci
Win issnen ur iččawaṛ
Winna d nnefš n cci
Win ur nessin ur neččawaṛ
Winna d ulaci

Ay asebsi bbwexleng
Abbu-k yettnawal awal
Ula d anajel s-usennan
Meena yettaḡḡa-d tizwal

³⁷ Mouloud Mammeri, *Les isefra de Si Mohand*, Maspero, Paris, 1980.

³⁸ Si Ammar Ben Said Boulifa, *Recueil de poésies kabyles*, Awal, 1990. P148, N°214.

³⁹ Mouloud Mammeri, *Inna-yas Ccix Muḥend*, Edité à compte d'auteur, 1990, P.153, N°226 ; P.180, N°293.

*A lbaz izedyen tignaw
Kulhed anida s-tmal*

Tikwal la nefhem asefru si tyuri tamezwarut. Tikwal ad t-nefhem s tsuqelt (s tefransist) i d-yesseda umnadi deg udlis. Tikwal s wayen i d-yettaru umnadi di taggara n usebter (bas de page). Ma ur nefhim ara asefru mačči ħala tira d tuntiqin i d ssebba imi llan dayen imeslayen iqburen i ur nesseqdac ara imira akken llan imeslayen yemgaraden si temnađt yer tayed. Ma deg wayen yerzan imeyriyen, ma ur yettwaru ara wawal akken iwata ur t-fehhmen ara. Ma ur fhimen ara kra imeslayen ur fehmen ara asefru.

*Mi yayliy ttfey **sgem** ⁴⁰
Tezwiđ-iyi-d afus-iw*

*Ibeddel-iyi ula d nnul
S **nnħadi** yeččur-iyi*

Alamma neyra tasuqelt n usefru s tefransist ara nefhem ayen i d-yenna umedyaz i win yuran imeslayen-is :

- *nnħadi* (soupirs) d *nnħati*.

- win ara yeylin ad yettef *deg* (*di*) tyawsa mačči *seg* (*si*) :

. *Ttfey di tewwurt* mačči *tfey si tewwurt*.

. *Hemmley seg wul* mačči *hemmley deg wul*.

. *Teseiđ amkan deg wul-iw* mačči *teseiđ amkan seg wul-iw*.

. *Ief wayen i y-iceyben* yemgarad akked *af ayen i y-iceyben*.

Imi nettaru asefru akken i s-nsel, d tuntiqin i d-yeqqar umedyaz di yal afir i nettaru yef lkayed, ihi, akken i t-id-yenna umedyaz ara t-naru : ma «yezleg» wawal akken ara yeqqim, ma «işeggem» wawal akken ara yeqqim.

⁴⁰ Tassadit Yacine, *Piège, Le combat d'une femme algérienne*, Essai d'anthropologie de la souffrance, Publisud/Awal, Paris, 1995, P.190-192.

D acu-t wawal izelgen, d acu-t win işeggmen ? Awal «işeggem» di temnađt ahat «yezleg» di tayeđ. Awal yura umnadi deg At Wasif mačči akken ara t-yaru umnadi nniđen deg Uqbu. Awal qqaren-t di taddart ulac-it di tayeđ...

Tameslayt n zik ahat ur ɣ-d-tewwiđ ara akken iwata lhal, kra n imeslayen ttun-ten medden, ur ten-fehhmen ara imira ma slan-asen. Taddart ideg ulac takerza amgar d ttelqim, ulac azeřta taruka d uqerdac, ulac afexxar... d lfeřta ur ttissinen ara imezday-is, lada ileyziyen, kra n tyawsiwin i sseqdacen di lhırfat-agi.

*Cubay agdud yer lfenga*⁴¹
D innayen i yettmettaten

tekksem i uqettun
terram i utemmu

A win yesseřfan abrid
Hun-as i ddbey n warkas
Ađar yeffazer ur yerkid
Yettnadi ma ad yaf ayla-s
Err-as-d rruř i wejlid
S tbuda bnu-d taferka-s

Tensa tmess yegga-tt lkir
Yunef uřheddad i tgersa

*Seksu n-eddhin s-eřřbec*⁴²
Wi t yeččan ad as yewqeř

⁴¹ Said Abdelli, Recueil de poésie, Inedit, N°7, 39, 50.

⁴² H. Genevois, *Education familiale en Kabylie*, FDB N°89, Fort National, 1966, P.51.

*Ay amezraε n tmeclac*⁴³
Muqel m'ak-k-itbaε yimyi

Si temnađt yer tayed, ad naf belli tutlayt temgarad di kra n yimeslayen yecban : ad dsen/ad tšen, yuđen/yuřen, remđan/remřan, amellal/ameyyay, lehsab/yehsab... ney wid i d-yekkan si tutlayin nniden ladya taεrabt imi d tutlayt n Leqran. Nettaf imeslayen yecban : řelbey, lqelb, heggay, řřuf, wařed, lqul Rrebbi, walakin, lgawab...

*Atnaared a Imuraheb*⁴⁴
aqlay neddebdeb
alamma iřud uaassas

D tidet, ahat, llan widen yeyyaren tamedyazt akken i yyaren amagrad n tyamsa ; tayuri tamezwarut yefhem ayen yebya ad t-id-yini umedyaz... Llan widen umi tettεekkir lefhama di kra n imeslayen maca ad yefhem anamek mi ara yekfu tayuri n usefru ney ahat n tseddart... Llan widen umi řřay unamek n usefru si tira d kra n yimeslayen ur ifehhem ara... Deg wannect-a imedyaten, ad naf belli d tunřiqin i izemren ad **cekklent** anamek n usefru imi ttwarzen imeslayen seg wakken ur ttwarun ara akken iwata lřala. Rnu i waya imeslayen yettemgaraden si temnađt yer tayed, si tallit yer tayed. Amedya n zzwagř (zzawagř s taεrabt) yettwarun *řřwagř*, *řřwaj*, *zzwaj*, *zzwagř* ad y-d-imel belli, ahat, ma yella d ameslay umi iban unamek yessefk ad yettwaru kan s yiwet tyara ladya ma yella si tutlayin nniden i t-id-newwi.


I wumi ara naru ? Amek ara naru ? Anwa i ilaq ad t-nezzwer d tunřiqin ney d tira s ilugan n tjerrunt ? Akken i s-yehwu tili ccbahā n yimeslayen iss d-yeqqar umedyaz ayen iceyben tallit-is, ma ur tewwiđ ara akken i tt-yebya netta i widen i s-

⁴³ Mouloud Mammeri, *Inna-yas Ccix Muhend*, Edité à compte d'auteur, 1990, P.145, N°200.

⁴⁴ Mouloud Mammeri, *Les isefra de Si Mohand*, Maspero, Paris, 1982, P.138, N°21.

yettħessisen, i t-yeyyaren, izen-is yas d atrar ad t-yawi waḍu... Lemmer telli tesleḍt, ahat, ad nezzwer tayawsa yef tayed, maca di teswiṭ-agi tugget n yimeyriyen d anamek iyef la ttnadin. Gef waya, yewwi-d lħal yef widen d-ileqqden ayen yellan d aqbur, imedyazen n tura yettnadin atrar, ad gerrzen tira-nsen, akken ad nefhem tamedyazt-nney war tasuqelt s tutlayin nniden...

*win ur ay-d-nenni ara*⁴⁵
ur ay-ilzim wara
win i yay-d-innan
ur nettwexxir ara



Martial Rémond, *Au cœur du pays kabyle*, Baconnier-Hélico, Alger, 1932.

⁴⁵ Mouloud Mammeri, *Inna-yas Ccix Muhend*, Edité à compte d'auteur, 1990, P.153, N°227.

Tizrigin n Usqamu Unnig n Timmuzya
Editions du Haut Commissariat à l'Amazighité

~o~o~o~

Collection “Idlisen-nney”

- 01- **Khalifa MAMRI**, *Abane Ramdane, ar taggara d netta i d bab n timmunent*, 2003
(Tasuqelt Abdenour HADJ-SAÏD d Youcef MERAHI)
- 02- **Slimane ZAMOUCHÉ**, *Udan n tegrest*, 2003.
- 03- **Omar DAHMOUNE**, *Bu tqulhatin*, 2003.
- 04- **Mohand Akli HADDADOU**, *Lexique du corps humain*, 2003.
- 05- **Hocine ARBAOUI**, *Idurar ireqmanen (Sophonisbe)*, 2004.
- 06- **Slimane ZAMOUCHÉ**, *Inigan*, 2004.
- 07- **S. HACID** et **K. FERHOUEH**, *Lašel ittabas lašel akk d : Tafunast igujilen*, 2004.
- 08- **Y. AHMED ZAYED** et **R. KAHLLOUCHE**, *Lexique des sciences de la terre et lexique animal*, 2004.
- 09- **Lhadi BELLA**, *Lunga*, 2004.
- 10- **Antoine de St EXUPERY**, *Le Petit Prince*, 2004 (Tasuqelt Habib Allah MANSOURI, *Ageldun amecṭuḥ*)
- 11- **Djamel HAMRI**, *Agerruj n teqbaylit*, 2004.
- 12- **Ramdane OUSLIMANI**, *Akli unḡif*, 2004.
- 13- **Habib Allah MANSOURI**, *Amawal n tmaziyt tatrart, édition revue et augmentée*, 2004.
- 14- **Ali KHALFA**, *Angal n webrid*, 2004.
- 15- **Halima AIT ALI TOUDERT**, *Ayen i y-d-nnan gar yetran*, 2004.
- 16- **Moussa OULD TALEB**, *Mmi-s n igellil*, 2004 (Tazwart : Youcef MERAHI)
- 17- **Mohand Akli HADDADOU**, *Recueil des prénoms amazighs*, 2004.
- 18- **Nadia BENMOUHOUB**, *Tamacahut n Basyar*, 2004.
- 19- **Youcef MERAHI**, *Taqbaylit ass s wass*, 2004.
- 20- **Abdelhafidh KERROUCHE**, *Teyzi n yiles*, 2004.
- 21- **Ahmed HAMADOUCHE**, *Tiyri n umsedrar*, 2004.
- 22- **Slimane BELHARET**, *Awal yef wawal*, 2005.
- 23- **Madjid SI MOHAMED**, *Atus seg-m*, 2005.
- 24- **Abdellah HAMANE**, *Merwas di lberj n yiṭij - aḥric I*, 2005.
- 25- **Collectif**, *Tibhirt n yimediyazen*, 2005.
- 26- **Mourad ZIMU**, *Tikli, tullisin nniden*, 2005.
- 27- **Tayeb DJELLAL**, *Si tintusin n umaḡal*, 2005.
- 28- **Yahia AIT YAHIA TENE**, *Faḡma n Summer*, 2006.
- 29- **Abdellah HAMANE**, *Merwas di lberj n yiṭij - aḥric II*, 2006.
- 30- **Lounes BENREJDAL**, *Tamacahut n bu yedmim*, 2006.
- 31- **Mezyan OU MOH**, *Tamacahut n umeksa*, 2006.
- 32- **Abdellah ARKOUB**, *Nnig wurfan*, 2006.
- 33- **Ali MAKOUR**, *Hmed n ugellid*, 2006.
- 34- **Y. BOULMA / S. ABDENBI**, *Am tmeqqunt n tjeḡḡigin*, 2006.
- 35- **Mohand Akli SALHI**, *Amawal n tsekla*, 2006.
- 36- **O. Kerdja / A. MEGHNEM**, *Amawal amecṭuḥ n ugama*, 2006.
- 37- **Ali EL-HADJEN**, *Tudert d usirem*, 2006.
- 38- **Hadjira OUBACHIR**, *Uzzu n tayri*, 2007.
- 39- **Djamel BENAOUF**, *Di tmurt uεekki*, 2007.
- 40- **Akli OUTAMAZIRT**, *Targit*, 2007.

- 41- Mohamed Salah OUNISSI, *Tametna n umenzu*, 2007.
- 42- Ramdane ABDENBI, *Anagi*, 2007.
- 43- Ramdane LASHEB, *Ccna n tlawin yef ttrad 54/62*, 2007.
- 44- Said CHEMAKH, *Ger zik d tura*, 2007.
- 45- Said IAMRACHE, *Timenna n Savid Isemrac*, 2007.
- 46- Mohamed MEDJDOUB, *Baba Carlu*, 2007.
- 47- Nadia BENMOUHOUB, *Tafunast igujilen*, 2007.
- 48- Ali MOKRANI, *Agama s tugniwin*, 2007.
- 49- Fatma ELKOUCHA, *Tamedyazt n Yasmin*, 2007.
- 50- Naima HADJOU, *Amennuy n tudert- iw*, 2007.
- 51- Hocine LAOUES, *Gar umqadmu d umnelti*, 2007.
- 52- Omar KHAYAM, *Rubaeyyat*, 2007 (Tasuqelt Abdellah HAMANE)
- 53- Ferdinand DUCHENE, *Tamilla*, 2007 (Tasuqelt Habib Allah MANSOURI)
- 54- Slimane ZAMOUCHE, *Agellil akk d ineffuten yelhan*, 2007.
- 55- Djamel HAMRI, *Anadi di tmedyazt*, 2007.
- 56- Khaled FERHOUH, *Hku-yay-d tamacahut*, 2007.
- 57- Lhadi BELLA, *Awal d usefru*, 2007.
- 58- Omar DAHMOUNE, *Agu*, 2007.
- 59- Yahia AIT YAHIAATENE, *Untigun*, 2007.
- 60- Tiddukla Yusef U Qasi - Si Muhend U Mhend, *Tafaska n tmedyazt*, 2008.

Actes de colloques

- Actes des journées d'étude sur « *La connaissance de l'histoire de l'Algérie* », mars 1998.
- Actes des journées d'étude sur « *L'enseignement de Tamazight* », mai 1998.
- Actes des journées d'étude sur « *Tamazight dans le système de la communication* », juin 1998.
- Actes des journées d'étude sur « *Approche et étude sur l'amazighité* », 2001.
- Actes du colloque sur « *Le mouvement national et la revendication amazighe* », 2002.
- Actes du colloque international sur « *Tamazight face aux défis de la modernité* », 2002.
- Actes des séminaires sur la formation des enseignants de Tamazight et l'enseignement de la langue et de l'histoire amazighe, 2003.
- Actes des stages de perfectionnement pour les enseignants de tamazight, mars 2004.
- Actes du colloque sur « *Le patrimoine culturel immatériel amazigh* », 2006.
- Actes du colloque sur « *Le libyco-berbère ou le Tifinagh ; de l'authenticité à l'usage pratique* », 2007.

Revue « Timmuzgha »

Revue d'études amazighes du Haut Commissariat à l'Amazighité :
N° 01, avril 1999, ----- N° 18, mai 2008.

Autres publications

- Chafik MOHAMED, *Aperçu sur trente trois siècles de l'histoire des imazighènes*, 1997.
- Annuaire des associations culturelles amazighes, 2000.
- Idir El-Watani, *L'Algérie libre vivra*, 2001.

- Mohand Oulhadj LACEB, *La phonologie générative du kabyle: l'emphase et son harmonie*. Tome1, *Histoire et fondements d'un débat argumentaire*, 2007.
- Mohand Oulhadj LACEB, *La phonologie générative du kabyle: l'emphase et son harmonie*. Tome2, *Analyse et représentation phonologique*, 2007.
- Collectif, Mouloud FERAOUN, *Evocation*, Actes du Colloque, 2008.
- Catalogue des publications du HCA, 2008.

Consultings

- Kamel BOUAMARA, *Nekni d wiyiq*, 1998.
- Mouloud FERAOUN, *Ussan di tmurt*, 1999 (Tasuqelt Kamel BOUAMARA)
- Nora TIGZIRI - Amar NABTI, Etude sur « *L'enseignement de la langue amazighe : bilan et perspectives* », 2004.
- Iddir AMARA, *Les inscriptions alphabétiques amazighes d'Algérie*, 2006.
- Kemal SITTI, *Fascicule des inscriptions libyques gravées et peintes de la grande Kabylie*, 2006.
- Mohand Akli HADDADOU, *Dictionnaire des racines berbères communes*, 2006/2007.
- Abdellah NOUH, *Glossaire du vocabulaire commun au Kabyle et au Mozabite*, 2006/2007.
- Sadaq BENDALI, *Awfus amaynut n tutlayt tamaziyt*, 2007.
- M'hammed DJELLAoui, *Tiwsatin timensayin n tesrit taqbaylit*, 2007.
- Kamel BOUAMARA, *Amawal n tunuyin n tesnukyest*, 2007.
- Moussa IMARAZENE, *Manuel de syntaxe berbère*, 2007.
- M'hammed DJELLAoui, *Tiwsatin timensayin n tmedyazt taqbaylit*, 2007.
- Moussa IMARAZENE, *Timeayin n leqbayel*, 2007.
- Nora BELGASMIA, *L'expression écrite en tamazight*, 2007.
- Mouloud LOUNAOUCI, *Projet de création d'un Centre de terminologie amazighe*, TERAMA, 2007.



Conception et PAO
Ramdane Abdenbi

© Tous droits réservés

ⵜⴰⴷⵓⴷⴰ ⵜⴰⴳⵍⴷⵉⵜ ⵜⴰⴷⵓⴷⴰ ⵜⴰⴳⵍⴷⵉⵜ



Haut Commissariat à l'Amazighité



Widen yebyan ad y-d-arun
TIMMUZFA s Tmaziyt

adlisamazigh@yahoo.fr

Achevé d'imprimer sur les presses de
Imprimerie HASNAOUI
Alger
Tel : 021-74-70-83
Fax : 021-74-07-31

+ΣΕ:ΧΥ.
TIMMUZGA